





James Henry. Monk

GRZEBSKI



STANISLAI GRSEPSII
DE MVLTIPlici
SICLO ET TALENTO
HEBRAICO.

ITEM,

DE MENSVRIS HEBRAICIS, TAM
aridorum quàm liquidorum.

HIS PRAEMISSA EST EPITOME DE
*ponderibus & mensuris, quæ apud profanos leguntur
auctores, ex Budaë potissimum desumpta.*

INVENIES hic multa hæcenus nostri
sæculi hominibus incognita.



ANTVERPIÆ,
Ex officina Christophori Plantini.
M. D. LXVIII.

CLARISSIMO VIRO

DOMINO STANISLAO MI-
LOSHEVIO SACRÆ REGIÆ MAIE-
STATIS A SECRETIS, DOMINO ET
AMICO MVLTIS NOMINIBVS CO-
LENDO, STANISLAVS GRSEPSIVS,

S. P. D.



VM Geometriam
nostram ante bi-
ennium hoc, sub
tuo nomine in lu-
cem emitterem,
vir clarissime, pollicitus sum
melius aliquid in posterum, &
quod maioris esset momenti,
nomini tuo me dedicaturum.
promissis igitur stare volens, li-
bellum hunc, cùm edere in pu-
blicum constituisssem, tibi dedi-
candum putavi: exiguum qui-

A 2 dem

dem illum fateor : sed si animo
& viribus offerentis eum metia-
ris,abunde magnum,nec diffido
nostrū hoc quaecumq; munus-
culum gratum fore tuæ præstan-
tiæ, si non alia re, certè nouitate
ipsa; noua enim sunt quæ à no-
bis in lucem nunc proferuntur:
Nam de siclo multi scripserunt,
sed de multiplici siclo nullus,
quorum quidem ego viderim
scripta. Itidem de mensuris,quæ
in sacris leguntur libris,non pau-
ci scripsere; sed quàm multiplex
corus, bathus & aliæ mensuræ
fuerint apud Hebræos, nemo
hucusque tradidit. Hoc idem de
anno quoque dixerim,neminem
hactenus docuisse, quorum scri-
pta

pta ad nos peruenerint,quàm variè apud Hebręos accipiatũr annus, etiamsi permultum referat. hęc scire ad intelligendas sacras litteras. Sed qualecumque tandem est quod per nos pręstantiæ tuę offertur, hilari frõte, sat scio, accipies : nempe ab eo cuius tu studiis à teneris annis impensè delectatus es, ita vt etiamnum pręceptoris Grsepsij memoria apud te longè gratissima sit, & in summo habeatur precio. bene vale, vir clarissime, & Grsepsium tuum ita, vt soles, ama. Cracouiæ ex collegio maiori tertio, Idus Augusti. clō. Io. LXVII.

A 3

STA-

STANISLAUS GRSEPSIVS
LECTORI S.



*Ibri Budæi de asse, candide
lector, quantam voluptatem
pariter & utilitatem le-
gentibus asserant, facile qui
legit perspicit. Ego autem opus illud cum
attentius legissem, non mediocriter dolui,
quòd in Hebraicis ponderibus & mensu-
ris inuestigandis vir ille non posuisset tan-
tum operæ, quantum in iis posuit, quæ
apud profanos leguntur auctores. He-
braica enim Budæus in genere tantum
tractat, ostendens apud Hebræos magna
& parva atque adeò etiam minima ta-
lenta fuisse. Sed quantum fuerit aliquod
talentum, non definit. Nos igitur
cupientes cognoscere, quæ à Budæo sunt
omissa, plurimum in eo negotio laboravi-
mus, sed qua felicitate, indicabunt alij qui
nostra hæc cognoscere non gravabuntur.*

Nostri

Nostri certè in hac parte (quorum quidem ego scripta post assem Budæi viderim) nihil ferè norunt nisi quæ Rabini docent: nempe talentum Hebraicum duplex & siclum duplicem. De regio autem talëto, & siclo regio, & item de minimis & maximis talentis siclisque, nihil penitus nouerunt. Sed nec illud obseruarunt, talentum auri & siclum diuersum esse à talëto & siclo argenti: sicut aris ferriq; pondera diuersa fuerunt à ponderibus argenti & auri. Nec mensuras etiam melius cognitas habuimus. nam quæ Hebraei neoterici de mensuris sentiunt, ridicula sunt. Josephus autem nunc eorum decem Atticorum medimnorum dicit esse, nunc septuaginta coros. efficere dicit Atticos medimnos quadraginta & unum. quæ quomodo cohæreât, hucusque nemo ostendit. Itidem bath mensuram Septuaginta interdum transferunt bathum, interdum metretem, aliquâdo choea, id est congium,

nonnunquam cotulam, quorum rationem reddere nemo, quod equidem sciam, reddere conatus est; quasi aut Septuaginta minus rectè transtulerint, aut hæc scire non magni sit momenti. Atqui Septuaginta illos interpretes, & Iosephum probabile non est hæc ignorasse, qui templo & repub. Hebræorum stante, & ceremoniis Veteris legis durantibus, vixerunt sacerdotes & sacrarum litterarum scientia clari, ita ut ignorare talia nefas illis esset. Quod autem non parui sit momenti hæc nosse, manifestum est, cùm in sacris libris nusquam non obuia sint: Ut qui ignarus eorum fuerit, necesse sit in multis scripturæ locis eum hæere atque halucinari. Ut ne commemorem quòd nec ratione anni Hebraici scire poterit qui hæc non nouit.

Quàm variè enim annus apud Hebræos accipiatur, hucusque nemo tradidit. ex quo autem semel amissa est cognitio huius rei, nō potest recuperari nisi ex proportio-

ne

ne ponderum & mensurarum. In mensuris enim & ponderibus Hebraicis eadem proportio inuenitur. mensurarum autem suarum modos prisca illi habita temporum ratione instituerunt : proinde annus apud Hebraeos eodem modo diuiditur quo pondera & mensurae, unde qui hæc intelligit, & annum facile intelliget : cuius cognitio quàm sit necessaria ad intelligendas scripturas, is demum cognoscit, qui diligenter perpendit quantas tenebras ignorantia temporum parere solet. Ego verò cognitionem Hebraicorum non solum ad sacras scripturas, verum etiam ad profanos auctores intelligēdos utilem esse video. Sicut enim Hebraica ex collatione Græcanicorū & Italicorum, ita & Græcanica Romanaque, si conferantur cum Hebraicis, melius intelliguntur. Cur nonnulli aurei dicantur hemiecta apud Athenienses, non facile rationem dare poterit qui Hebraica non tenet. Item talen-

tum Atticum apud Plinium cur sedecim sesteriis taxetur: & apud Xenophontem tria millia aureorum Daricorum, quae ratione decem talenta dicantur, aliaque id genus multa, facile intelligit qui Hebraica tenet. Quin & Romana pondera mensurasque, sicut Budæus docuit, eadem cum Atticis ponderibus mensurisque fuisse. quamvis antea non dubitauerimus, meditando tamen Hebraicis magis in nostra confirmati sumus sententia. Unde mirari subit Georgium Agricolam, Virum alioqui doctum, quod quæ Budæus rectè docuit, conuellere ausus est, asserens pondera & mensuras Romanas diuersas esse ab Atticis, & argumentis Budæi, quod nihil ad Bacchum facit, opponens pondera & mensuras medicorum. Hinc complures auctorum locos perperam interpretatur; aut, si deprauati sint, tuetur ac defendit. cuius rei exemplum unum & alterum adducam. Suetonius de Iulio Cæsare

ita scripsit : Populo Romano hortos circa Tyberim & Viritim tricenos sestertios legavit. Appiani autem Latina exempla pro CCC sestertiis, quinque & octoginta drachmas Atticas habent. quem Appiani locum Budæus, corruptum esse iudicans, emendavit. Agricola autē contendit rectē scriptum esse, etiamsi nec ita scriptus ad institutū ipsius satis quadret. Ceterū locum hunc in Latinis exemplaribus vitiatum esse, & Budæum rectē emendasse, Græca exemplaria docent: τὸ δὴ μὲν δὲ ἦσαν οἱ κῆποι ἐν διαίτημα δεδομένοι καὶ κατ' ἄνδρα ῥωμαίων τ' ἐπὶ ἐν ἄσει, πέντε καὶ ἐβδμήκοντα ἀττηγὰ δραχμαί. Est & alter Appiani locus cum Suetonio mirè congruens. Suetonius ita habet. Populo præter frumenti denos modios & totidem olei libras tricenos quoque nummos, quos pollicitus olim erat, Viritim diuisit, & hoc amplius centum pro mora. Appianus autem Cæsarem post triumphum

pecu-

pecuniam diuississe refert, ita ut promissa superaret, & addit singulis è populo datam esse minam Atticam : quem locum Agricolam quia contrarium sibi videbat, conatus est eludere. Suetonius (inquit) tricenos sestertios populo datos dicit, Appianus autem minam Atticam, Mina igitur Attica non centum sed septuaginta quinque denarios valet. quasi Suetonius CCC. tantum nummos & non CCCC. singulis è populo datos esse dicat, aut quasi Appianus non plura dedisse Caesarem scribat quàm promisisset. Sed hæc quàm friuola sint, nemo est qui non cernat. Nec meliori fide mensuras tradit Agricola : vult enim Romanas mensuras & Atticas diuersas esse. & hoc dum conatur probare, docet amphoram Atticam seu metretam congios duodecim capere, & congium sextarios sex; sextarium duas cotulas; & versus Fannij citat.

Attica

*Attica præterea dicenda est amphora
nobis*

*Seu cadus, hanc facies nostræ si adieceris
urnam.*

Ex quibus postea argumentatur: Si Attica amphora capit amphoram Romanam & urnam; Romana verò amphora cōgios octo, urna quatuor: nonne sequitur metretem continere choas, qui Romanis congiij dicuntur, duodecim? Ita probat amphoram Atticam diuersam esse à Romana.

Nec videt interim se sibi contrarium esse. Si enim Attica amphora capit tres urnas, & congiij ac cotulæ totidem sunt cum Attica amphora: quot in tribus urnis Romanis necessario consequitur cōgios & cotulas Atticas cum Romanis congiis & cotulis æquales esse, quod contra Agricola est, qui omnem, quod aiunt, lapidem mouet ut hæc diuersa esse ostendat. Et Budæus quidem, cum mensuras tractat, ostēdit ex multis auctorum locis se veritati conso-

consona docere. Agricola autē, vt ne alia commemorem, Atticum chænicem, qui est diurnus hominis cibus, adeò exiguum fecit, vt gallinae potius quàm hominis diurnus cibus sit dicendus. Hoc autem Agricola ex eo contigit quòd cùm medicus esset, medicas mensuras & pondera cum publicis eadem esse voluit. Firmamentum autem argumentorum ipsius in Romano sextario Galeni consistit: cuius mensuram ostendit Galenus ex alia mensura quæ libra dicitur. ὁ πάμπλου καὶ ὁ λω τὴν πόλιν ἔστω. quæ mensura (inquit) frequentissima est in tota vrbe. Quod autem Galenus de libra dicit, dicturus erat & de sextario si publicum & non medicorum intelligeret sextarium; neque enim minus frequens erat sextarius publicus in vrbe Romana, quàm libra, nec minus notus, vt propterea mensura ipsius ex libra esset ostendenda. Sed de Agricola scriptis hæc admonuisse sufficiat. Ut autem ad institutum redeamus,

mus, nos de ponderibus & mensuris Hebraicis ante aliquot annos quæ habuimus conscripsimus, breuiter quidem & nudè utpote quæ inter commentandum scripsimus iuuandæ memoriæ gratia, ne videlicet meditata exciderent ac dilaberentur. Sed tamen ea puto commoditate in lucem prodeunt, ut ne breuitas nimia molestam obscuritatem legentibus facessere possit. Ut autem Hebraica facilius intelligātur, præmisimus iis epitomen ex Budeo potissimum desumptam de ponderibus & mensuris Græcorum & Romanorum: quamuis & hic complura ex auctoribus addidimus, quæ ad intelligenda Hebraica faciunt, & in assè Budei non reperiuntur. Omnia autem hæc ad Vernacula nostra, nempe Sarmatica pondera & mensuras reduximus. Sed ita ut exemplo simili hæc eadem ad sua quisque reducere possit. sub finem autem libelli complura de anno Hebraico addidimus: cognitio enim

pon-

*ponderum & mensurarum est veluti
via quaedam ad cognitionem anni. proinde
traditis ponderibus & mensuris Hebrai-
cis non alienam ab instituto nostro nec in-
gratam legentibus rem facturos nos arbi-
trabamur, si aliqua de anno adiiceremus,
praesertim quae ab aliis nondum essent ob-
servata. Vale lector, & operam nostram
boni consule.*

EPITOME EX LIBRIS

BVD AEI DE ASSE POTIS-

SIMVM DESVMPTA.



S vel assis apud veteres quæuis res, quæ in duodecim diuiditur partes.

As enim aliquando dicitur libra, quæ in duodecim partes, hoc est, vncias diuiditur. Aliquando nûmus libralis, hoc est, vnius libræ. Aliquando pes, quæ mensura duodecim vncias, hoc est, pollices habet. Aliquando iugerum, quod duodecim vnciis seu partibus constat.

Dicitur & de mensura liquidorum, vt postea dicemus. Sed & hæreditas dicitur as: vnde ex asse hæredem facere, id est totius hæreditatis. Usura quoque centenaria pro asse intelligitur: quæ dimidiata dicitur semis, & rursus semis dimidiatus, quadrans, similis ratio de trientario fœnore.

Breuitèr, quicquid in duodecim partes diuidebant veteres, assem vocabant, & partes, vncias.

As in duodecim vncias distribuitur.

1 vncia.	2 sextans
3 quadrans.	4 triens.
5 quincunx.	6 semis vel semissis.
7 septunx.	8 bes vel bessis.
9 dodrans.	10 dextans.
11 deunx.	12 as vel assis.

B

As

As igitur, vt ad id quod instituimus veniamus, libralis nummus fuit, libram grauis æris pendens. Nam Romani primo graui ære, id est, nummo rudi & informi vfi sunt. Postea ære signato, quod fuit sub sexto demum rege. Deinde argento signato, quod quinque annis ante primum Punicum bellum fuit. Seruius rex primum apud Romanos signauit æs: signatum est autem nota pecudum, vnde & pecunia dicta. Quadrans, teruncius aliter dicitur, à tribus vnciis, quod sit libellæ quarta pars; quomodo & quadrans assis.

Triens tertiam assis partem valebat.

Semis autem duos quadrantes.

Sestans sexta pars assis: nummulus erat quadrante minor duas vncias valens.

Vnciaria stips apud Plinium dimidio minor quam sextentaria.

As dipondius duos asses valebat. Ab asse veniunt tressis, quadrassis, nonussis, decussis, centussis, &c. pro tribus, quatuor, nouem, decem & centum assibus.

As & libella idem. sed libella argentea fuit, vnde & argentea libella dicta. As nunquam fuit argenteus, sicut denarius, nunquam fuit æreus. sed ante argentum signatum æreus decussis vt centussis æreus fuit.

Cum apud antiquos mille æris legimus, mille asses intelligere debemus. mille autem asses, centum denarios valent.

Denarius, vt diximus, nunquam fuit
æreus

æreus apud Romanos, sicut nec drachma apud Græcos, sed signata statim argentea pecunia constitutum ut denarius libris æris decem valeret, id est, decem assibus, & sestertius (nam & hic nunquam æreus fuit) dipondio & semisse: unde quatuor sestertii denarium vnum æquabant.

Quinarius quinque asses, hoc est duos sestertios valebat. hic etiam victoriatu dictus fuit: nos non amplius tres vidimus tales.

Denarios verò permultos vidimus & complures etiam nacti sumus. Nam in Sarmatia etiamnum multi reperiuntur effigies & inscriptiones consulum & Cæsarium Romanorum habentes: nacti sumus & Gallicanæ monetae pondera, quibus Budæus in explicandis ponderibus antiquorum utitur. & ex his omnibusprehendimus denarii Romani pondus esse quantum est quatuor semigrossorum nostrorum, paulo minus, semisicilico Cracouiensi.

Quod ut exactius intelligatur, confereamus libram nostrā cum Romana, & quid inter hanc & illam intersit, dicemus.

Libra aurificum nostrorum in totidem sicilicos, in quot & Romana, diuiditur. Romana enim libra habuit duodecim uncias, uncia quatuor sicilicos, atque ita libra Romana habuit quadraginta octo sicilicos. Nostra autem libra diuiditur in selibras, seu marcas duas, & marca in

xxiiii siciliquos, vnde libra nostra
 xlviiii siciliquorū est, sicut & Romana.

Pondus autem libræ & marcæ nostrorum aurificum non est idem ubiq; . Marca Cracouiensis, Posuanieñ. Vvratisslauieñ. & Lublinẽ. est eadem : Leopoliensis autem est maior trium siciliquorum pondere. In Masouia & Prussia est minor Cracouiensi. Torunensis Marca vnus siciliqui pondere, & duæ marcæ, hoc est, libra, minor est Cracouiensi pondere duorum siciliquorum. Romana autem libra superatur à Cracouiensi septem denariis Romanis & quadrante, hoc est, tribus siciliquis Cracouiensibus & semidodrante ferè siciliqui.

Nummulariorum autem nostrorum libra quantum conijcere licet ex iis quibus nunc vtimur nummis, minor est quàm libra Cracouiensium aurificum. & grossi quidem grauiores sunt. semigrossi verò exactè cum ponderibus Romanis conueniunt. Octo enim in siciliquum Romanum signati sunt, etiamsi alii aliis paulo sint vel grauiores vel leuiores. Deprehendes hoc etiam in maiori pondere. Si enim in altera lance ponas libram aut selibram Romanam ; in alteram autè semigrossos, qui pondere æquent libram selibramūc, inuenies in singulos siciliquos octo semigrossos cedere. Cū autem dico semigrossos, excipio illos, qui Piorunki vocantur; illi enim leuiores sunt, nec iustum pon-

pondus habere iudicati sunt, etiam tunc cum primum signati essent. Habet autem pondus semigrossius noster idē quod Austriacus Cruciatus, nempe Vienenfis. Ex hoc autem semigrossorum pondere ego coniicio libram Nummulariam apud nos antiquitus Romanum pondus habuisse. Cuius rei argumento sunt etiam mensuræ nostræ cum Romanis mensuris conuenientes, ut inferius ostendemus. Vnde antiquitus cum in usu fuissent apud nos denarij Romani, marca pecuniæ, hoc est, quadraginta octo denarij, marcā argenti valebat, & ex eo etiamnum quadraginta octo grossi dicuntur marca, etiam si marcā argenti nec valore nec pondere æquent.

Romanos autē denarios apud nos fuisse in usu, apparet ex eo, quod etiam nunc multi reperiuntur in agris, & singulis annis multi per totum ferē regnum ab aurificibus conflantur. Quod autem denarius seu nummus denarij pondere signatus in Gallia etiamnum vocetur grossus, testatur Budæus de asse.

Cæterum quod libram Romanam dixi fuisse duodecim vnciarum, hoc intelligendum est, non de libra Nummulariorum. Nam libra nummularia apud Romanos, quæ etiam mina & pondo dicitur, centenaria fuit, id est, centum denarios habuit, seu quod idem est, duodecim vncias & semissem, quæ siciliquos efficiunt quinquaginta

ginta Romanos. Hanc minā Cracouiensis libra superat, sesquiciliquo ferme, nempe tribus denariis & dodrante scrupuli.

Est autem scrupulus sexta pars siciliqui, & denarij tertia; tres enim scrupuli denarium appendunt, & sex scrupuli siciliquū. Sed postquam de pondere denarij diximus, atque adeò etiam de pondere libræ, ac minæ Romanæ; nunc quanti æstimanda sint hæc, dicamus. Marca argenti puri Cracouiæ æstimari solet florenis octo: & duæ marcæ, hoc est, libra, sedecim florenis. Interdum tamen argenti pretium augetur, vel minuitur. Marca argenti nūc venditur octo florenis & quatuor grossis; & libra sedecim florenis & octo grossis.

Nos verò inter vtramque æstimationē hanc incedentes statuemus libram argenti, plus quàm sedecim florenos valere, minus tamen quàm sedecim florenos & octo grossos. Ita vt mina Romana, quæ minor est Cracouiensi ferè sesquiciliquo, æstimetur quindecim florenis & semisse, & præterea tribus grossis, quæ summa nouem Vngaricos valet aureos: quandoquidem Vngaricus aureus, nunc quinquaginta duobus permutatur grossis.

Quod autem Romana mina (quæ Cracouiensi minor est, vt diximus, ferè sesquiciliquo) rectè a nobis nouem Vngaricis aureis æstimetur, ita colliges. Adde quindecim grossos, & si libet etiam semissem, ad prædictam summam, nempe ad nouem Vnga-

Vngaricos, pro sesquifiliquo (quo libra seu mina Romana superatur à Cracouiēsi) habebis precium Cracouiensis libræ; sedecim florenos & tres grossos cum semisse: quæ summa, sicut vides, mediū tenet inter vtramque æstimationem, nempe inter eam, quæ est sedecim florenorū, & eam quæ est sedecim florenorum & octo grossorum.

Si igitur minam, hoc est, centum denarios statuemus nouem Vngaricos valere, denarius vnus valebit ferè quatuor grossos & duos solidos; & sestertius nummus grossum vnum, & tria ferè minuta. As autē paulo plus valebit, quàm octo minuta, semigrossum videlicet non integrum. Et hæc est denarij & minæ simplex æstimatio. Budæus autem minam Romanam æstimauit coronatis Gallicis decem. Sed Gallicus coronatus tunc minori precio permutabatur in Gallia, quàm nunc permutatur. Non enim auri & argenti idem est precium semper, nec in omnibus regionibus, sed pro diuersitate regionum & temporum variare solet. quapropter nec mirum videri debet, si quid æstimatio nostra discrepat ab æstimatione Budæi.

Denarius drachmæ Atticæ pondus habuit & æstimationem, & sicut drachma apud Græcos diuiditur in sex obolos, sic denarius apud Romanos in quatuor sestertios, ita vt sestertius sesquiobolum Atticum penderet, quod pondus etiam se-

mingrossus noster habet. Sestertius & nummus idem. Sestertius ex eo dictus est quòd duos asses & semissem valeret, quasi sestertius.

Libra Romana, sicut diximus, quæ & mina & pondo dicitur, cētenos denarios, seu, quod idem est, centenae drachmas habuit. Cū igitur denarius quaternos sestertios æquaret pondere & æstimatione, liquet in libra Romana quadringentos fuisse sestertios, & duabus libris & selibra, mille sestertios. qua ratione fit, ut sestertia singula numero plurali millenos sestertios valeant, hoc est, duas libras & semissem: ut enim sestertius nummus dicitur ex eo quòd duos asses & semissem valebat, hoc est, duas libras æris grauis & selibram: Ita sestertia numero plurali & genere neutro ideò dicuntur, quòd singula duas libras & selibram argenti valerent, hoc est, ducentos & quinquaginta denarios, siue mille sestertios, quod idem est: sic fit ut decem sestertia & decem millia sestertium nummorum pro eodem ab antiquis dicerentur.

Mille sestertij æstimatione nostra viginti duos aureos & semissem valent. Dicitur autem mille sestertij & mille nummi: vel mille sestertium & mille nummum, vel copulatè mille sestertium nummum.

Decem millia nummum, vel decem millia sestertium, quod idem est, ducentos viginti quinque Vngaricos valebant. Hæc etiam decem sestertia dicuntur, cū
singula-

singula sestertia singula millia significant.

Decies sestertium idem est quod decies centena millia sestertium. quæ summa centies maior est decem sestertiis. idem est enim decies sestertium quod mille sestertia. Cum enim singula sestertia milles nos nummos sestertios valeant, si mille sestertios millies multiplices, fient decies centena millia, quem lingua vernacula millionem vocant.

Decies igitur sestertium centies ducentos viginti quinque Vngaricos valent, hoc est, viginti duo millia & quingētos : sic fiet ut millio Romanus viginti duo millia aureorum & quingentos aureos valeat.

Hoc igitur tenere oportet, quòd quemadmodum cum à nummis sestertiis ad sestertia genere neutro fit transitus, numerus millies multiplicatur; ita cum ad eam loquutionem ventum est, quæ per aduerbia numeralia enuntiatur, sestertia singula centuplicata crescunt. ut verbi gratia, si centum sestertia dicam, centum millia sestertium intelligere debeas : quod si centies sestertium dicam, non iam centum sestertia, sed centies cētena sestertia, seu centies centena millia sestertium intelligendum sit.

Ut autem facilis & obuia sit vnicuique earum summarum intelligētia, quæ apud auctores identidem leguntur : subiectas hic oculis proposuimus, calculandi tædio studiosos leuare volentes.

Decem sestertia : ducenti vigintiquinque aurei Vngarici.

Viginti sestertia : quadringenti quinquaginta aurei.

Triginta sestertia : sexcenti septuaginta quinque aurei.

Quadraginta sestertia : noningenti aurei.

Quinquaginta sestertia : Mille centum vigintiquinque aurei.

Sexaginta sestertia : Mille trecēti & quinquaginta aurei.

Centum sestertia : duo millia ducenti & quinquaginta aurei.

Ducenta sestertia : quorum millia & quingenti aurei.

Quadringenta sestertia : Nouem millia aureorum.

Census equestris sub Iulio Cæsare.

Quingenta sestertia : vndecim millia & ducenti quinquaginta aurei.

Sexcenta sestertia : Tredecim millia & quingenti aurei.

Octingenta sestertia : Decem octo millia aureorum.

Census senatorius ante Augustum.

Notandum quòd supra mille sestertia, Romani ferè semper per aduerbia loquebantur. infra mille, nūquam per aduerbia locuti sunt, hoc modo:

Decies sestertium, id est, mille sestertia : viginti duo millia & quingenti aurei.

Duodecies sestertium : vigintiseptem millia aureorum.

Cen-

Census senatorius sub Augusto.

Quindecies sestertium : Triginta tria millia septingenti & quinquaginta aurei.

Vicies sestertium : quadragintaquinque millia aureorum.

Tricies sestertium : sexaginta septem millia & quingenti aurei.

Quadragies sestertium : nonaginta millia aureorum.

Quinquagies sestertium : centum & duodecim millia aureorum & quingenti aurei.

Sexagies sestertium : cētum trigintaquinque millia aureorum.

Centies sestertium : ducenta vigintiquinque millia aureorum.

Tanti æstimatus est vnio Cleopatæ.

Quadringenties sestertium : noningenta millia aureorum.

Tanti æstimatus est à Plinio ornatus Lollæ.

Millies sestertium : bis & vicies centena & quinquaginta millia aureorum.

Id est duo milliones & ducenta quinquaginta millia.

Bis millies sestertium : quadragies quinque centena millia.

Quater millies sestertium : nonagies centena millia aureorum.

Decies millies sestertium : vigintiduo milliones & quingenta millia aureorum.

Quadragies millies sestertium : noningenties centena millia aureorum, id est, nona-

nonaginta milliones.

Vicies septies millies sestertium coegisse Tiberius dicitur, id est, sexaginta milliones, septies centena & quinquaginta millia aureorum.

Præter libram duodecim vnciarum & minam nummulariorum, fuit Italica mina, sicut Epiphanius docet, viginti vnciarum. Idem legimus in libello De ponderibus & mensuris titulo Galeni. Atque huius minæ seu libræ semissis, hoc est, decem vnciæ libra seu mina etiâ dicta fuit, sicut Priscianus De ponderibus tradit. Et ex eo apud Romanos mensura olei vocabatur libra, quòd caperet olei libram ponderis decem vnciarum. Nec mirum cuiquam videri debet, quod semissis minæ seu libræ dicatur libra, cum semissis talèti apud Græcos dicatur talentum, sicut inferius docebimus, & apud Oribasium legimus minam octo vnciarum, quæ est semis minæ sedecim vnciarum. fuit enim mina seu libra medicorum sedecim vnciarum, quæ Ægyptia mina quoque dicitur.

Legimus præterea, Italicâ minam fuisse vnciarum decem octo, quæ sesquiplam habuit proportionem ad libram duodecim vnciarum, & huius semis sunt nouem vnciæ, seu quod idem est, septuaginta duæ drachmæ, mina Attica, quæ postea auctior facta est tribus drachmis, quemadmodum & libra duodecim vnciarum aucta est quatuor drachmis, & facta est cetenaria: quod

ex proportionē auri ad argentum cōtigit, ut inferius dicemus. Legitur & octoginta quatuor drachmarum libra, apud Latinos medicos, eam proportionem habens ad libram septuaginta duarum drachmarum, quam libra duodecim vnciarum habuit ad libram octoginta & quatuor drachmarum. Sed Romanis vsitatissima fuit & maximè vernacula libra duodecim vnciarū, as & assis dicta, & post hanc cētenaria, quæ & mina & pondo dicitur.

Sicut autē as seu assis diuiditur in duodecim vncias; ita vncia in quatuor sicilicos, & sicilicus in duas drachmas seu denarios: ita ut vncia octonas contineat drachmas. Drachma rursus diuiditur in terna scrupula quæ à Græcis *γράμματα*, id est, litteræ ideò dicuntur, quòd quatuor & viginti litteras Græci in alphabeto suo habent quot vncia scrupulos capit, & dies ciuilis horas.

Scrupulum diuiditur in sex siliquas. Siliqua est genus minuti ponderis à siliquæ grano, cuius habet pondus, sic dicti. Est enim siliqua genus fructus cuius sex grana scrupulum appendunt. nostri hoc genus fructus, panē S. Ioannis, vernacula lingua vocant, in officinis pharmacopolarum inuenitur. scrupuli pondus non multum abest à pondere semiargentei nostri, quem Triplicem vocamus. Drachma seu denarius, pōdus habet duodecima parte maius quàm Vngaricus aureus. Proinde vndecim

cim drachmæ appendunt duodecim Vn-
garicos.

SUPPUTATIO GRÆCORVM.

DRACHMA Attica denarij Romani pōdus
& æstimationē habuit. Idē de mina Attica
& Romana sentiendum est. Mina Attica
centum drachmas Atticas habuit. Drach-
ma sex obolos, obolus semiscrupuli Ro-
mani habuit pondus. Obolus octonos va-
luit chalcos, id est, æreos. Bini chalci τε-
ταρτημόβιον, id est, quadrans dicti sunt. qua-
drantem enim oboli valebant.

Obolus iuxta proportionem æstimatio-
nis drachmæ est æstimādus. Si enim drach-
ma Attica, sicut & denarius Romanus,
quatuor grossos & duos solidos valet; obo-
lus Atticus, cū sit sexta pars Atticæ
drachmæ, valebit duos solidos & minuta
duo. Atque ita chalcus, id est, æreus, vale-
bit pauxillo minus duobus minutis, nem-
pe minutum vnum & dodrantem.

Talentum Atticum (inquit Pollux) At-
ticas drachmas valebat numero sex millia.
Babylonium septem millia. Ægineum de-
cem millia. Syrium mille & quingentas,
si quis supputationem ad drachmas Atti-
cas faciat. Itidem minas Atticas Atticum
quidem talentum sexaginta: Babylonium
septuaginta: Ægineum centum iuxta pro-
portionē habuit. Porrò mina ipsa vt apud
Athenienses centenas drachmas; ita apud
alios quoque totidem suas cuiusque gen-
tis.

tis: quæ pro ratione cuiusque talenti plus minusue valerent augmento vel decremento. Quæ verba Pollucis Budæus explicans, ex his, inquit, verbis ad formulam unam omnia propemodum genera talentorum minarumque redigere possumus. Quomodo enim Atticum talentum sexagenas minas capit, & mina Attica centenas suas drachmas, sic Babylonium sexagenas minas Babylonias quæ centenas & ipsæ drachmas vernaculas capiunt, & Æginense talentum totidem minas Æginenses, & Ægineticæ rursus minæ centenas drachmas Ægineticas. Verum enimvero ut Babylonium talentum proportionem ephectam, id est, sesquiseptimam (vel ut alij loquuntur supersextam) ad talentum habet Atticum, sexta enim parte hoc ab illo superatur; sic drachma Babylonia Atticam drachmam sesquiseptima proportione superat: Et ut Æginense talentum proportionem superpartientem ad Atticum talentum habet, utpote quod semel id capit & duas insuper eius partes (ita enim se habet centenarium talentum ad sexagenarium) sic eandem quoque proportionem Æginea drachma ad Atticam drachmam habet, ut quæ denos obolos Atticos capiat, quos Attica tantum senos. Hactenus Budæus. Notandum verò est, quòd sicut Pollux hoc loco dixit, Babylonium talentum septuaginta minas Atticas habere; ita Herodotus hoc ipsum talentum, nempe Babylono-

bylonium, Euboicas minas itidem septuaginta valere dicit, vnde colligitur minam Atticam & Euboicā æquales fuisse. Quod si mina Attica & Euboica sunt æquales, proculdubio & talentum Atticum cum Euboico sunt æqualia. Pro magnitudine enim talenti est magnitudo minæ, quandoquidem sexaginta minas quoduis talentum pro quantitate sui habet. Porro Euboica pondera eadem cum Atticis ponderibus fuisse, argumēto est etiam talentum magnum, nempe octoginta minarū, quod vtriusque fuit commune.

Babylonium tamen talentum paulo maius septuaginta minis Euboicis fuisse, ex ipsius Herodoti computatione, qua Babylonia talenta reducit ad Euboica, colligit Budæus; quare Herodotus, cum Babylonium talentum dicit septuaginta minas Euboicas valere, non ad viuum rescuuisse rem credendus est: sicut nec Iulius Pollux cum Babylonium talentū septuaginta minas Atticas habere dicit. Quod ex Æliano etiam probari potest, qui hoc libro primo variæ Historiæ capite xx i i. exactius tradidit, his verbis, δύναται δὲ τὸ τάλαντον τὸ βαβυλώνιον δύο καὶ ἑβδομήκοντα μνᾶς ἀττικάς. id est, valet autem talentum Babylonium duas & septuaginta minas Atticas. Quare talenti Babylonij ad talentum Atticum Euboicumque proportio non est sesquisepta seu supersepta, sed sesquiquinta, seu superquinta, nempe quam sex habent ad quinque eadem-

eademque erit proportio minæ Babylonix ad minam Atticam Euboicamue, & drachmæ ad drachmam.

Talentum Atticum minus seu Euboicum, hoc est, sexaginta Atticæ seu Romanæ minæ efficiunt libras aurificum Cracouientiū ferè quinquaginta octo & quinque sicilicos, seu quod idem est, centum & sedecim marcas & sicilicos quinque. Si quis autem æstimet singulas minas, sicut nos æstimauimus nouem aureis Vngaricis, talentum Atticum, hoc est, sexaginta minæ argenti valebunt quingentos & quadraginta aureos Vngaricos.

Maius autem talentum Atticum seu Euboicum octoginta minas appendit, hoc est, septuaginta septem libras Cracouenses, & fere semissem, centum quinquaginta quinque marcas. Porro octoginta minæ argenti iuxta æstimationem nostram valēt septingentos & viginti aureos Vngaricos.

Hoc talentum Græci cōmune habuerunt cum Ægyptiis.

Ægineum talentum sermone nostro potest dici *centnar*: centum minas appendit, hoc est, nonaginta sex libras nostras & quadraginta vnum sicilicum, nempe centum nonaginta tres marcas Cracouenses, & decem septem sicilicos.

Valent autem centum minæ, hoc est talentum Ægineum æstimatione nostra noningentos aureos.

Babylonium talentum maius quidem
C septua-

septuaginta duas minas Atticas valuit, quæ efficiunt sexaginta nouem libras, & dodrantem, hoc est, centum triginta noué marcas & duodecim sicilicos aurificum Cracouiensium.

Minus verò idē cum Euboico seu Attico minore fuit. His enim pōderibus, sicut ex Herodoto discimus, Persarum reges vsi sunt, quibus Babylonica pondera fuerunt in vsu.

Syrium talentum fuit quadrans Attici talenti, libras nostras appēdit circiter quatuordecim & semissem. marcas vigintino- uem & sicilicum.

Præter hæc autem legimus talentum paruum fuisse numismaticum, nempe talenti iusti aliquotam partem, sicut apud Athenienses talentum fuit numismaticū minoris talenti sexta pars, maioris autem octaua. Apud Persas autem, qui Babylo- niis ponderibus vsi sunt, numismaticum fuit maioris quidem talenti sexta pars, mi- noris autem quinta. Attici talenti nu- mismatici Suidas meminit in dictione obolus: Talentum inquit esse moderna quatuor, numismatica autem octo & sex. Minam autem sexagesimam talenti par- tem &c. Quomodo autem intelligendū sit, quod dicit, talentum esse moderna qua- tuor, inferius dicemus, cum de pōderibus Hebraicis tractabimus. Quòd autem dicit talentum esse, numismatica octo & sex, hoc intelligitur de maiori, & minori talen-
to

to Attico; maius enim octo talenta numismatica efficit, & minus sex: unde colligitur numismaticum talentum apud Athenienses decem minas Atticas Romanas uel valuisse; sicut apud Babylonios numismaticum talentum decem minas Babylonicas valuit, quæ est sexta pars Babylonij talenti. Meminit autem Babylonij talenti numismatici Xenophon libro primo Anabaseos Cyri hisce verbis.

Ἐνταῦθα κῦρος σιλανὸν καλέσας τὸ ἀμβρακιώτῳ μάν-
πιν, ἔδωκεν αὐτῷ δαρεικοὺς τρισχιλίους, ὅπῃ ἑκδεκάτῃ
ἀπ' ἐκείνης τῆς ἡμέρας πρότερον πυθόμενος, εἶπεν αὐτῷ, ὅτι
βασιλεὺς οὐ μαχεῖται δέκα ἡμερῶν κῦρος δ' εἶπεν, οὐκ ἄρα
ἔτι μαχεῖται, εἰ μὴ ἐν ταύταις ταῖς ἡμέραις μαχεῖται, εἰάν
δὲ ἀληθέσῃς ὑπισχνοῦμαι σοι δέκα τάλαντα· τοῦτο τὸ
χρυσίον τότε ἀπέδωκεν, ἐπεὶ παρήλθον αἱ δέκα ἡμέραι.

Hoc est, ut Romulus Amasæus transtulit: Ibi Cyrus vatem Silanum Ambraciotem ad se vocatum, Daricis ter mille donauit, quod undecimo die ante proximis decem diebus regem, cum id ex eo quæreretur, prælium commissurum negasset. Cui Cyrus responderat, non præliaturum certe illum, si intra decem dies non esset congressus: quod si id euento ipso verum esse cognouisset, talenta se illi decem receperat daturum. Hoc igitur aurum (sive pecuniam auream) tunc illi reddidit cum decem dies præterissent. Hactenus Xenophon. Hic manifeste vides, ter mille Daricos decem talenta dici: unde sequitur talentum unum esse trecentos Daricos. Daricus au-

tem sicli Hebraici pondus habuit, hoc est, quatuor Atticarum drachmarum, sicut ex Iosepho discimus, qui libro antiquitatum tertio, pro decem auri siclis iuxta siculum sanctuarij decem Daricos interpretatus est. Nec ignoro scripsisse quosdam aureum Daricum fuisse didrachmalem & viginti drachmas argenti valuisse. Sed hoc falsum esse coarguitur etiam ex Xenophonte, qui scribit stipendium menstruum Græcorum militum qui in castris Cyri merebāt, fuisse aureum Daricum, etiam si posteaquam suspicari cœpissent Græci, se aduersus regem Persarum duci & proinde sequi recusarent, Cyrus stipendia iis auxerit & pro Darico promiserit sesquidaricum. Quod si Daricus didrachmus fuit, & viginti drachmas valuit; quomodo credibile est Græcos tam levis mercedis gratia transformarinam militiam suscepisse, idque apud Persas ad quos non nisi magna spe lucri proposita in militiam proficisci consueuerant? Legimus apud Xenophontem stipendia militum Græcorum in Peloponneso ternos obolos Ægineticos fuisse in singulos dies, tres autem oboli Æginetici valent quinque Atticos, vnde colligitur singulos milites in mensem vigintiquinque Atticas drachmas accipere solitos. Apud Athenienses autem stipendium militum fuit drachma Attica in singulos dies: vnde sequitur stipendium menstruum fuisse militis triginta Atticas drachmas. Non igitur Dari-

Daricus didrachmus fuit, nec viginti drachmas valuit. Quis enim credat Græcos tam parua stipendia in castris Persarū meruisse? sed sicut Iosephus transfert sicuti Hebraici, id est, quatuor Atticarum drachmarū pondus habuit. Atque ita non viginti drachmas, sed plusquàm quadraginta drachmas valuit: ex purissimo enim auro signabantur Darici, sicut Herodotus testatur. Nos antiquissima vidimus aurea numismata Philippi, & Alexandri filij ipsius, & item Lyfimachi, quorū pondus deprehendimus tredecim ferè obolos Atticos & semissem, nisi quòd Lyfimachei aurei pondus non detritum, sed ab initio, vt apparet, fuit diminutum, quemadmodum & argentei stateris. Nam vidimus & argenteos stateres Lyfimachi duos pulcherri-
mos sanè, qui non attriti appendebāt obolo minus quatuor Atticas drachmas. Sed Macedonicos aureos pondus arguit Cygicenis aureis fuisse æquales. Legimus enim apud Demosthenem Cygicenum aureum valuisse vigintiocto drachmas, quanti & Macedonici possunt æstimari. Si quis enim pro Macedonico aureo pauxillo plus quàm duodecies tantū argenti appēdat, iuxta auri ad argentū analogiā antiquis usitatam, habebit vigintiocto drachmas argenti. Præter hos autem vidimus aureum Alexandri longè maiorem & forma diuersa factum, non enim galeatum, sicut in illis prioribus, sed diademate ornatum caput

in eo apparet, & quanquam adulterinus sit, elegantissimè tamen ad exemplar probi aurei videtur esse factus. Tales ego nummos Alexãdræos post deuictos Persas crediderim percussos pondere Daricorum, ea enim magnitudo nummi illius est. Vt nisi adulterinus sit, quatuor Atticas drachmas appendere possit, hoc est, quatuor Vngaricos & trientem fere. Sed vnde digressi sumus reuertamur. Trecenti Darici pondus habent mille ducentarú Atticarum drachmarum, quæ minas Atticas efficiunt duodecim: Babylonias verò decem. Decem autem Babylonicæ minæ sunt sexta pars talenti Babylonij, sicut decem Atticæ minæ sunt sexta pars talenti Attici. Sed de talento numismatico adhuc dicetur, cùm de ponderibus Hebraicis tractabimus. Babylonium talentum numismaticum viginti tres marcas Cracouienses & quadrantem appendit. Atticum auté talentum numismaticum decemnouem marcas Cracouienses & siciliquos ferè nouem.

DE AVREO NUMISMATE GRÆCORVM.

STATER aureus apud Græcos dimidiū pondus argentei stateris habuit. Stater argenteus tetradrachmus fuit, hoc est, quatuor drachmarum; aureus verò stater fuit didrachmus, hoc est, duarum drachmarum, sicut testatur Pollux.

Fuit apud Athenienses, sicut idē auctor tradit

tradit, præter stateres didrachmos aliud genus aureorum, qui semistateres & tetra-
 stateres vocabantur. Semistateres quidem,
 ut apparet, dicti, quod semissem argentei
 stateris appenderent : tetra-
 stateres verò, quod, sicut Pollux dicit, quatuor stateres
 argenteos valerent, iidem vocabantur he-
 miecta octonum obolorum pondus habē-
 tes. Hemiectum enim significat sextæ par-
 tis dimidium, sicut mēsurā quatuor Chœ-
 nicum dicta est hemiectum, quod sextæ
 partis medimni esset dimidium : & semio-
 bolus apud Hesychium hemiectum dici-
 tur, quod oboli, qui est sexta pars drach-
 mæ, sit dimidium. Ad hunc igitur modum
 & aureus octo obolorum hemiectum di-
 ctus est, quod quatuor staterum, à quibus
 etiam nomen accepit, sextæ partis dimi-
 dium appēderet. Si enim hemiectum octo
 obolorum fuit, sexta pars haud dubiè se-
 decim obolos habuit, & integrum ipsum
 sexies sedecim, hoc est, nonaginta sex obo-
 los, qui stateres quatuor efficiunt, tetra-
 drachmos. Quod verò stateres tetradrach-
 mos valerent huiusmodi aurei, res ipsa ar-
 guit. Si enim pro octo obolis auri appendas
 duodecies tantum argenti (nam & hæc
 auri ad argētum analogia antiquitus fuit)
 habebis nonaginta sex obolos, hoc est, qua-
 tuor stateres tetradrachmos. Non iniuria
 ergo tetra-
 stateres dicti sunt huiusmodi au-
 rei à precio, quando quidem quatuor sta-
 teres valebant tetradrachmos: Semistate-
 res

res verò quoniam semissem stateris argentei appendebāt. Apparet enim apud Græcos fuisse etiam stateres argenteos sedecim obolorū, qualis planè fuit Corinthius stater, qui sicut Pollux scribit, decalitros, dictus fuit, quòd decem valeret litras. Litra autem, eodem teste, obolum Ægineticum valuit, vnde stater Corinthius valuit decem obolos Ægineticos, qui sedecim ferme Atticos obolos efficiunt. Si ergo nūmus qui sedecim obolos Atticos appēdit, stater dicitur, semissis huius, hoc est, octo oboli, dicetur semistater. Iam igitur ex iis quæ diximus, vides aureos nummos apud antiquos dimidium pondus argenteorum habuisse. Deinde illud etiam animadvertere debes, quòd stater sedecim obolorū, est didrachmum, talenti maioris Attici, & semistater octo obolorum, drachma : sex millia enim drachmarum octonum obolorum efficiunt talentum octogenarium, sicut sex millia drachmarum senum obolorum constituunt talentum sexagenariū.

Vnde stater apud Græcos, sicut & siclus apud Hebræos, didrachmi rationē habet, & semistater drachmæ. Hinc septuaginta siclum Hebraicum, qui idem cum statere tetradrachmo Græcorū fuit, didrachmum solent transferre : propterea quòd talenti Hebraici didrachmum sit, vt inferius, Deo volente, ostendemus.

Præter aureos verò iam dictos fuerunt & alij maiores aurei, nempe octo drachmi,
qui

qui minam, hoc est, centum drachmas valebant, sicut talentum auri sex drachmas Atticas appendens minam Atticam septuagintaquinque drachmarum valuit. Fuit enim apud Athenienses mina non solum centum drachmarum, sed & septuagintaquinque drachmarum, eam proportionem habens ad minus talentum, quam centenaria mina habuit ad talentum maius.

Cæterum talentum sex drachmarum non solum apud Athenienses, sed & apud Siculos fuit in usu. Siculum enim talentum, sicut Pollux ex Aristotele annotavit, antiquum quidem valuit vigintiquatuor nummos, posterius verò talentum duodecim nummos. Nummus autem sesquibolus valuit, unde vigintiquatuor nummi sex drachmas efficiunt, & duodecim nummi tres drachmas.

DE AVREIS ROMANIS.

AVREVS Romanus Attici aurei didrachmi pondere percussus fuit, quod pondus habent octo semigrossi nostri. Hoc igitur fuit iustum pondus aurei Romani, duæ videlicet drachmæ Atticæ, seu quod idem est, duo denarii. Verum Cæsares Romani sensim diminuerunt pondus, de qua re Budæus plura scribit: ad extremum autem pro duobus tres signari cœperunt, ita ut tres aurei Romanorum principum quatuor drachmarum pondus haberent, quod

fuit pondus antea duorum aureorum. Tales autem aurei vocabantur solidi & pondus quatuor scrupulorum habuerunt. Nos vidimus huiusmodi cōplures, ex quibus alij quatuor scrupulos, alij minus appendebant: nam & horum pondus successu temporis diminutum est. Probabile est autem fuisse apud Romanos & octodrachmos aureos, sicut apud Athenienses. Nam vidimus multos huiusmodi non aureos quidem illos, sed aurum imitantes, ad exemplar, ut apparet, proborum aureorum elegantissime factos; nominatim, Claudij, Cæsaris, Neruæ, Neronis, Vitellij, Antonij pij, Vespasiani, Domitiani, &c. quorum ea magnitudo fuit, ut si aurei essent, vnciam potuissent appendere. Sed & aureum extare audio apud Magnificum D. Ioannem Christophorum Comitem à Tarnou Castellanum Vvoynicensem, non dissimilem aureis Romanis cum inscriptione Græca ΚΑΛΑΙΜΑΧΟΥ. sicut amicus quidam mihi retulit aulæ ipsius addictus, qui pondus nummi illius decem aureorū esse dixit. Sed hæc hæctenus.

DE AVRI AD ARGENTVM ANALOGIA.

AVRI ad argentum apud veteres varia fuisseprehenditur analogia. Pollux decuplicem apud Athenienses fuisse docet, ita ut talentum auri decem talenta argenti valeret: quod tamen non de obryzo, sed de inferioris notæ auro intèlligendum est.

Apud

Apud Romanos aureus, quē didrachmū fuisse diximus, centum sestertiis nummis permutabatur, id est, vigintiquinque denariis: qua ratione auri drachma duodenis argenteis drachmis & semisse valuit: quam analogiam auri ad argentum fuisse apud Athenienses quoque coniicere possumus: quippe si aureus octodrachmus minam argenti valuit, non dubium est, quin auri ad argentum analogia fuerit, quam vnum habet ad duodecim & semissem; siquidem aureus vncialis mina argenti, hoc est, duodecim vnciis & semisse permutabatur. Itidem mina septuagintaquinque drachmarum videtur fuisse pretium talenti auri sex drachmarum. Si enim pro sex drachmis auri duodecies tantum appendas argēti, habebis septuaginta duas drachmas; quibus si addas semissem de sex, hoc est, tres drachmas, habebis septuagintaquinque drachmas. Libra autem duodecim vnciarum non ex hac auri ad argentum analogia, sed ex duodecupla vt apparet nata est, nempe cum aureus vncialis duodecim vnciis argenti permutabatur. Quæ quidem analogia non multum abest ab ea quæ nunc est auri ad argentum proportionē.

DE MENSURIS IUXTA ORDINEM
ALPHABETI.

AMPHORA vas pedis quadrati, quam formam tesserariam Græci cubum vocāt.
Qua-

Quadrantem pedis Romani ex Glareano hic apposuimus.

QVADRANS PEDIS ROMANI.

Hæc mensura quadruplicata efficit Romanum pedem, qui idem fuit cum Parisiensi, quo Budæus est usus, iuxta cuius pedis mensuram & tu faciendam curare poteris amphoram Romanam, ita ut intus quoquo versus sit pedalis. Amphora quadrantal etiam dicitur, & fuit liquidorum & aridorum mensura. Amphora duas urnas capit. Amphora diuiditur in octo congios, congius in sex sextarios, ita amphora capit quadraginta octo sextarios. Amphora Romana capit mediam baryllam, hoc est, duodecim Cracouienses ollas vini. Amphora geminata medimnum constituit. Amphora seu quadrantal tres modios capit, hoc est, Coretum Cracouiensem vulgo dictum, quæ mensura quartario Calisiensi, qui vernaculo sermone *viertel* dicitur, est æqualis, itidem & semicoro Masovitico. Nam corus in Masovia duos coros seu coretos Cracouienses capit, sicut & quartarios Calisienses duos. Amphora Romana ab Atheniensibus peruenit ad Romanos: quandoquidem amphora semimedimnum capit; medimnus autem Romanus idem fuit cum Attico.

Præter hanc autem amphoram fuisse & alteram apud Athenienses discimus ex
carmi-

carminibus illius Fannij:

Attica præterea dicenda est amphora nobis,

Seu cadus, hanc facies nostræ si adieceris urnam.

Ex his carminibus constat fuisse amphoram apud Athenienses, quæ tres urnas, hoc est, sesquiamphoram Romanam caperet: nempe duodecim congios. Hinc enim & choeus, hoc est, congius $\delta\omegaδεκὺς$, dictus est, quasi dicas duodecimarius, quod duodecima pars amphoræ, seu cadi esset & semicongium $\etaμιδ\omegaδέκατιν$, sicut apud Hesychiū videre est. Est enim $\delta\omegaδεκὺς$ vox planè Attica, ita dicta sicut $\tauριτὺς$, $ἐκτεὺς$ &c. Apparet enim apud Athenienses, sicut pondera, ita & mensuras duplices fuisse, nempe maiores & minores, quæ eam proportionem inter se haberent, quam habent pondera ad pondera; eam enim proportionem habet amphora duodecim congiorum ad medimnum sedecim congiorum, quam talētum sexaginta minarum habet, ad talentum octoginta minarum: qua de re etiam inferius dicemus, cū de mēsuris Hebraicis tractabimus.

ACHANE est mensura magna. Achane Persica capiebat quadragintaquinque medimnos Atticos. Nec Græcis ignota fuit Achane. Nos Achanen habemus sexaginta medimnorum. *last*

ACETABVLVM est sequicvathus hemine quarta pars: idem oxybaphus dicitur.

ARTA-

ARTABA apud Barbaros, idem quod medimnus apud Græcos: capiebat autem artaba medimnum Atticum, sicut Hesychius & Suidas testatur. Persica autem artaba maior fuit medimno Attico tribus Chœnicibus Atticis, Herodoto teste. Præter has autem fuisse artabá, quæ semimedimnú Siculum capiebat, inferius ostēdemus, cū de mēsuris Hebraicis dicemus.

BROCHVS non est certum mensuræ genus, sed est vas fundendo vino accommodatum, implendis deplendisque culeis, & vino quoquomodo transuasando. Dicitur autem Brochus à ἐρέχω verbo græco, quod fundo significat. Græci cœnophorum ex eo appellant quod cōportando vino aptū sit.

CADVS seu amphora Attica, sicuti diximus, sesquiamphoram Romanam capiebat. Apud Latinos Cadus & metretes decem congiōrū fuit. Decima cadi pars, hoc est, congiū, dicitur cadus, vnde & cōgiarius cadus dicitur, hoc est, qui congiū tantū capit. Hoc ad intelligendas mēsuras Hebraicas expedit scire. Columella cadum vocat amphorá duarum urnarum, vt cadus & amphora pro eodem accipiantur.

CONGIVM mēsurā liquidorum, octaua pars amphoræ, sextarios sex capiens. Congiū, hoc est, decimam partem cadi nominis eiusdē mēsuræ fuisse credo cū hoc congiō.

COTVLA κοτύλη, Latine hemina, duodecima pars congiij, sextarij dimidium, vide in dictione chœnix.

CYA-

CYATHVS duodecima pars sextarij, vide inferius in dictione sextarius.

CHŒNIX ἡμερήσιος τροφή, id est, diurnus cibus, mensura est aridorum capiens frumēti quantum vnus homo singulis diebus absumere potest. Chœnix tres cotulas capit, sicut docet Pollux & alij pleriq; : proinde & placentarum genus quoddam cotylisci dicuntur apud Athenæum, quod ex tertia chœnicis parte singuli nempe ex cotula farinæ conficerentur, quare chœnicem tres cotulas capere statuemus. Sed quoniam Budæus chœnicem duos sextarios capere, hoc est, quatuor heminas seu cotulas, euidentibus argumentis probat, ne quis argumenta Budæi reiicienda putet, quasi scriptis probatorum auctorum cōtraria, scire debet vtrunq; verum esse, & quod Budæus astruit, & quod prædicti auctores Græci docent. Apud Athenienses enim, sicut pōdera, ita & mēsuræ duplices fuerūt, maiores videlicet & minores, vnde maioris mensuræ, hoc est, medimni cotula fuit maior & minoris mēsuræ, hoc est, cadi, seu amphoræ cotula fuit minor : fac enim medimnū chœnices capere quadraginta octo, sicut Pollux docet, & singulos chœnices cotulas ternas; sic medimnum efficiet centum quadragintaquatuor cotulas, quē numerum cotularum etiam minor mensura, nempe cadus seu amphora duodecim congiorum efficit; duodecim enim congij septuagintaduos sextarios efficiunt, hoc est,

est, centum quadraginta quatuor cotulas. Cum ergo maior & minor mensura eundem numerum cotularum efficiant, necesse est illas cotulas non æquales fuisse, sed maioris mensuræ fuisse maiores, minoris autem minores, ita ut cotula maior eam proportionem habeat ad minorem quam medimnum ad cadum seu amphoram habet. Constat autem tres medimnos tantundem capere quantum capiūt quatuor cadi seu amphoræ duodenum congiorum, nempe tres medimni efficiūt sex amphoras Romanas, sicut & quatuor cadi; necesse est ergo & cotulas tres maiores tantundem capere, quantum minores quatuor capiūt. Sic igitur chœnix capiet cotulas tres maiores, sicut auctores Græci docent, & quatuor minores sicut Budæus astruit.

Videtur autem apud Athenienses maior cotula, id est, tertia chœnicis pars magis aridorū fuisse mensura quàm liquidorum: Minor contrà magis liquidorum, quàm aridorum.

CHOEVS Græcè, Latinè congius dicitur.

CHVS interdum significat idem quod choëus. Chus, inquit, Nicandri interpretes, sunt duodecim cotulæ. Interdum chus pro sexta parte huius accipitur, nēpe pro sextario. Vnde Hieronymus duos choas Atticos exponit duos sextarios Italicos. Et Plinius chun aliquando exponit congium, aliquando sextarium, quod ad Hebraicas mensuras scire expedit. Sicut autem congi-
gium

gium duodecim cotulis, ita sextarius duodecim cyathis constat. Cyathus autem & cotula plerunque confundi solent. Vnde quod Nicander in Alexipharmacis quatuor cyathos dixit, interpretes Græcus quatuor cotulas interpretatur. Rursus Hieronymus pro cotula exponit Cyathum; sic ergo congius & sextarius, chus vno nomine dicitur, & vterque duodecim cotulis seu cyathis constat. Suidas inter choëa & chun hoc interesse dicit, quod choëus sex capiat sextarios, chus autem duos sextarios. Nos autem iam ostendimus inter chun & choëa interdum nihil interesse. Quod autem dicit Suidas chun pro mēsurā duorum sextariorū accipi, hoc apud alios fuisse arbitror, non apud Athenienses neque apud Romanos. Nam apud plerosq; Græcorum sextarius inter sex Cyathos diuidebatur, sicut videre est apud Epiphanium, qui sextarium Alexandrinum dicit in sex cyathos diuidi, nō in duodecim, sicut apud Romanos, etiamsi Alexandrinus sextarius maior esset quā Romanus. Duo igitur sextarij qui diuiduntur in duodecim cyathos, non absurdè dicuntur chus, sicut Suidas tradit.

C V L E V S viginti amphoras continet, vel urnas quadrāginta; sed sæpe hoc vocabulum ad speciem & formā vasis refertur, non ad certum mēsuræ genus.

D I C H V S geminatus chus.

D E M E N S V M à mēse vel metiēdo quod
D seruis

seruis quolibet mense solet admetiri: quatuor autem ferè modij dabantur seruis in mensem, sicut Donatus scripsit.

DOLIUM non habuit certam mēsurā, ventricosum fuisse apparet. Vina in doliis inueterascere non sinebant antiqui, sed in amphoras & cados diffundebant. Dolium quadragenarium fortasse quadraginta amphorarum.

DEFURTARIUM ahenum prægrande quo mustum coquitur.

FIDELIA vas famiū ad plurimos vsus: fidelia cogialis legitur, fidelias vitreas & fictiles legimus apud Columellam.

HECTEVS, ἑκτέυς apud Athenienses idē quod modius Romanus. Dicitur autem Hecteus quasi dicas sextarius, quod sit sexta pars medimni.

HEMINA dimidium sextarij, dimidia quarta Cracōuiensis.

HEMIECTVM sextæ partis medimni dimidium, id est, semodius.

LAGENA dicitur λαγύνη & λάγυνον, apud Athenæum ita legitur. λάγυνον μέτρον λέγουσιν εἶναι ὄνομα πρὸς τοῖς ἔλλησιν ὡς χὼς καὶ κοτύλης, χωρεῖν δ' αὐτὸ κοτύλης ἀττικᾶς ἑβ, id est, lagena mensuræ nomen dicitur esse apud Græcos, sicut chus & cotula, capere autem lagenam dicunt cotylas Atticas duodecim: ex quibus verbis discimus lagenam idem esse quod congium. Hinc enim & λαγυνοφορίαι festum apud Alexandrinos dictum, quod apud Athenienses choës vocabatur. Hoc tantū inter-

intererat, quòd apud Athenienses cùm celebrabantur choes, is qui excipiebat conuiuias, singulis congium apponebat vini. Alexandria verò lagenophoriis lagenam seu congium vini quisque secum in cōuiuium afferebat.

LIBRA mensura fuit apud Romanos, qua oleum metiebatur, & capiebat olei libram, hoc est, pondus decem vnciarum. Diuidebatur autem hæc mensura in duodecim partes, & singulæ partes vocabantur vnciæ. Proinde libra olei mensura, capiebat duodecim vncias mensurales, ponderales autem vncias decem.

MEDIMNUM seu medimnus mensura est aridorum & liquidorum duas amphoras capiens. Medimnus Romanus duos coretos vulgo dictos Cracouienses capit: Masouiensem autem vnum duos quartarios Callisienses, qui *viertele* vocantur. Medimnus Atticus & Romanus idē fuit. Medimnus Siculus quadrante fuit maior quàm Atticus. Iosephus enim libro antiquitatum tertio, Siculos medimnos triginta vnū & Atticos quadraginta vnum pro eodem accipit. Vnde colligitur Siculum medimnum, cuius mentio fit apud Polybiū & alios auctores, octo modios Romanos capere, ita vt tres Siculi medimni quatuor Romanos efficiant. Medimnus apud Athenienses in tres partes diuiditur: tertia pars medimni vocatur *terteús*, id est, tertarius, & huius dimidium dicitur *terteús*,

hoc est, sextarius, quòd sit sexta pars medimni, Romani & alij Græci modium vocant. ἡμιεκτὸν autem est sextarij seu modij dimidium quatuor chœnices capiens.

M O D I V S sexta pars medimni, proinde etiam dicitur ἐκτεὺς, Græci medimnum; alij in quinque, alij in sex modios partiuntur, etiam si interdum vnus & idem sit medimnus, vnde nascitur diuersitas modiorum: quẽadmodum in Sicilia medimnus Romanus diuidebatur in quinque modios, quem Romani in sex modios diuidebant. Modius Romanus maior est Cracouiensi modio, qui vernaculo sermone dicitur *matza*. Tres enim modij Romani quatuor Cracouienses efficiunt.

M E T R E T A idem quod cadus mensura decem congiarum: Congius autem non eiusdem mensuræ fuit apud omnes. Congius pro magnitudine mensuræ magnæ puta metretæ aut amphoræ fuit.

O X I B A P H V S idem quod acetabulum.

O R C A vas ad similitudinem belluæ orcæ; sunt enim teretes atque vniformi specie huiusmodi vasa.

O E N O P H O R V M idem quod brochus.

Q V A D R A N T A L idem quod amphora à forma nomine factò.

Q V A R T A R I V S quarta pars sextarij, quaterca vulgo dicitur; in ponderibus verò quartarius pro quadrante libræ.

S E X T A R I V S dicitur, quòd sit sexta congijs pars. Sextarius Romanus duas libras
liquo-

liquoris capit. Proinde si aquæ aut vini pō-
 dus viginti quatuor vnciarum accipias, ha-
 bebis sextarium Romanū. Sextarius Ro-
 manus capit quantum Cracouiensis quar-
 ta. Sextarij Romani dodrantem capit, *Sietl*
 mensura vulgo dicta Olomucensis, quæ
 Morauix est metropolis, proinde quatuor
sietl efficiunt tres sextarios Romanos. sex-
 tarij Romani mensura in plerisque oppi-
 dis Masouix etiamnum reperitur. Plo-
 tix antiquitus fuit mensura, quarta vulgo
 dicta, sextario Romano par. Nunc verò
 non ita pridem est diminuta. In nonnullis
 tamen oppidis ad Plotiam pertinentibus
 adhuc prisca retinetur Sextarij Romani
 mensura, nominatim in oppido Mlana,
 vbi tum agebamus, cum hæc scriberemus.
 In quo oppido etiam est mensura congio
 Romano par, quæ mensura ceruixæ semi-
 grosso venundari solet. Sextarius apud
 Romanos in duodecim Cyathos diuidi-
 tur. Cyathus duas vncias, hoc est, sedecim
 drachmas liquoris appendit. Sestans duos
 cyathos capit, nempe sextam partem sex-
 tarij. Triens verò tertia pars sextarij fuit,
 hoc est, quatuor cyathi. Sic quincunx, sep-
 tunx, bes, deunx, pro mensura quinque,
 septem, octo & vndecim cyathorum di-
 cuntur. Romani enim sextarium, quasi le-
 gitimam ac quotidianam virilis potus mē-
 suram statuentes ab eo, quasi ab asse inci-
 pientes, reliqua vocabula partes eius fece-
 runt, vt sextarius assis & partes eius par-

tium assis rationem haberent.

SERIA formam certam vasis denotat, non certam mensuram : erant enim seriæ vasa grandia, vt dolia, variæ capacitatis.

ΤΡΙΤΕΡΣ, id est, tertarius, medimni tertia pars, nempe decem octo chœnices, seu quod idē est, triginta sex sextarij. Vide medimnus.

XESTES Græcis, Latinis dicitur sextarius, etiam si nonnunquam pro cyatho accipitur. Sicut enim chus non solum pro congio, sed pro sexta congiij parte, nempe pro sextario accipitur: itidem cotula pro cyatho, cyathusq; pro cotula, etiam si cyathus propriè cotulæ sit sexta pars, ad eundem modum Xestes, non solum pro sextario, sed & pro sexta parte sextarij, hoc est, pro cyatho dicitur. Diuidebatur enim Xestes apud nonnullos Græcos in sex cyathos, sicut cotula seu hemina apud Atticos & Romanos.

DE SICLO

ET TALENTO

HEBRAICO.



SICLVS apud Hebræos idem quod stater apud Græcos, genus nummi & modus ponderis : etiamsi interdum siclus pro pondere simpliciter accipitur, sicut species pro genere.

Dicitur autem siclus à verbo schacal, quod appédere significat, sicut apud Græcos stater ab ίσταται, id est, ab appendendo, vnde & σατήν, id est, ratio pōderandi dicta.

570

Siclus apud Hebræos didrachmi rationem habet, & semisiclus drachmæ. Sicut enim apud Græcos talentum quoduis pro quantitate sui drachmas habet sex millia, & didrachma tria millia; ita apud Hebræos talentum pro magnitudine sui siclos ter mille habet, & semisiclos sexies mille. Vnde Septuaginta siclum sanctuarij didrachmum transferre solent, & semisiclū drachmam, etiamsi sanctuarij siclus drachmas Atticas quatuor appendat; vt Iosephus docet, & semisiclus duas drachmas.

semisiclus, drachmæ
6000 didrachmæ

Talentum 6000
semisiclus, 3000
siclus, 1500

Quod verò talentum Hebraicum tria millia siclorum habuerit, discimus in Exodo, vbi præceptum legimus, vt quando re-

censeretur populus, singuli offerrent Domino dimidium siclum. Diues (inquit) nō addet ad medium siclum, & pauper nihil minuet. Recensiti sunt itaque omnes à viginti annis & supra, & inuentus est numerus illorum sexcenta tria millia virorum, quingenti & quinquaginta viri. Quātum autem argenti contulerint prædictus numerus, habemus scriptū cap. x x x v i i i, hisce verbis iuxta translationem Septuaginta, καὶ ἀργυρίου ἀφαιρέματα παρὰ τῶν ἐπισκεμμένων ἀνδρῶν τῆ συναγωγῆς, ἑκατὸν τάλαντα, καὶ χίλιοι ἐπὶ ἑκατόσι-
 οι ἑβδομήκοντα πέντε σίκλοι, δραχμὴ μία τῇ κεφαλῇ τὸ ἡμῖσι τοῦ σίκλου κατὰ τὸ σίκλον τὸ ἅγιον. πᾶς ὁ παραπρευόμενος τὴν ἐπίσκεψιν ἀπὸ εἰκοσαετοῦς καὶ ὡάνω, εἰς τὰς ἐξ-
 ἡκόντα μυριάδας καὶ τρισχιλίους πεντακοσίους πεντήκοντα.
 id est, & argenti oblati ab iis qui recensiti sunt synagogæ viris, fuerunt centum talenta & mille septingenti septuaginta quinque sicli, drachma vna in singula capita, hoc est, dimidium sicli, iuxta siclum sanctum, quotquot à viginti annis & supra recensiti sunt in numerum sexcentorum trium millium & quingentorū quinquaginta virorum. hætenus Septuaginta. Eundem sensum haberi in Hebræo Lyranus docet. Sic enim ex Hebræo legit: Argentum (inquit) numerationis populi fuit centum centenarij & mille septingenti & septuaginta quinque sicli ad pondus sanctuarij, dimidijs siclus per singula capita omnium transeuntium ad numerum à viginti annis & supra de sexcentis tribus milli-

millibus, quingentis, quinquaginta viris. Lyranus sicut & Iudæi non absurdè talentum Hebraicum propter magnitudinem centenarium interpretatur, Polonicè *centnar*. Et vides eundem haberi sensum apud Septuaginta & in Hebræo, nempe argenti collati à sexcentis tribus millibus & quingentis quinquaginta viris fuisse centum talenta & mille septingentos septuaginta quinque siclos, singulis dimidium siculum conferentibus. Nostra autem translatio hoc loco mutilata est, vnde nec sensus idē ex ea elicitur; quo factum est, vt Budæus Hebraici talenti quantitatem, & quot habeat siclos, ignorauerit. Quod vtique nisi locus mutilatus fuisset, facile deprehendi poterat. Sexcenta enim millia virorum, singulis dimidium siculum conferentibus, trecenta millia siclorum contulerunt, & tria millia quingenti & quinquaginta viri contulerunt mille septingentos septuaginta quinque siclos. Pro trecentis millibus siclorum scriptura centum talenta dixit, tria millia siclorum haud dubiè pro singulis talentis numerans. Mille autem septingentos & septuaginta quinque siclos, quoniam integrum talentum non efficiunt, ita vt erant, reliquit. Ex hoc igitur euidenti scripturæ testimonio satis, vt puto, constat Hebraicum talentum ter mille siclos continere. Sed adscribemus Lyrani verba, quæ ex Rabi Salomone super hunc locum annotauit. Dicit Rabi Sa-

*Centnar**Vetus int
concordia*

Centenarij.

*talentum -
librae 125.
unciae 12.
drachmae 8.*

*talentum duplex
statem duplum*

lomon (inquit Lyranus) quod centenarius continet sexaginta mnas : mna autem sanctuarij duplex erat respectu cōmunis, & sic centenarius continebat centum viginti mnas: & mna viginti quinque siclos, & sic centenarius sanctuarij continebat tria millia siclos. Haftenus Lyranus. De mina sanctuarij & vulgari, inferius videbimus. Interim autem hoc iam tenere debemus, talentum Hebraicum tria millia siclorum continere. Sed & Epiphanius talentum hoc centum viginti quinque librarum pondus habuisse dicit. Libras autem Epiphanius Romanas intelligit, nempe duodenum vnciarum & vnciam octonum drachmarum. Si ergo siclus sanctuarij quatuor Atticas drachmas appendit, sicut Iosephus & Hieronymus docet, vncia vna duos siclos habebit, & duodecim vnciae, hoc est, libra siclos viginti quatuor efficiet. Atque ita centum viginti quinque librae efficient tria millia siclorum, sicut supra collegimus. Indubitatum igitur esse debet, talentum Hebraicum siclos ter mille continere, & semisiclos sexies mille, vt semisiclus drachmae rationem habeat, & siclus didrachmi, sicut Septuaginta transferre solent. Hoc idem fuisse deprehendes apud Græcos, qui Hebraicis etiam ponderibus vsi sunt, sicut inferius patebit; quippe apud Athenienses sicut duplex talentum, ita & stater duplex fuit. Legimus statерem apud Pollucem duarum drachmarum,

rum, quod minoris talenti haud dubiè didrachmum fuit, ex eodem semistaterem, qui & hemiectum dictus fuit, octo obolorum discimus. Vnde sequitur, staterem sedecim obolorum fuisse, quod didrachmum prorsus fuit maioris talenti; tres enim stateres senum denum obolorum efficiunt drachmas senum obolorum octo; & tria millia staterum huiusmodi, nempe maioris talenti, efficiunt octo millia drachmas minoris talenti, hoc est, octoginta minas Atticas: quod pondus talentum maius Atticum habuisse constat. Sed quoniam præter ea quæ diximus, staterem tetradrachmum constat fuisse apud Græcos: scire debemus & talentum, cuius ille stater fuit, non ignotum Græcis fuisse: fac enim talentum habere stateres tetradrachmos ter mille, talentum illud habebit centum & viginti minas, mille enim stateres tetradrachmi quadraginta minas efficiunt, & tria millia staterum ter quadragenas, hoc est, centum & viginti minas. Quod talentum nempe centum & viginti non ignotum fuisse Græcis, constat ex Vitruvio, Hesychio, & Dionysio Halicarnassæo, qui libro nono Romanæ archæologiæ duo millia assium efficere dicit sedecim talenta æris, ἦν δὲ ἀσάριον, χαλκρον νόμισμα, βάρους λιβρῶν. erat autem (inquit) assis, æreum numisma, pondus libræ habens. Quod si duo millia assium, seu librarum, sedecim talenta efficiunt, necesse est talentum vnum centum viginti quinque libra-

rum

rum, seu quod idem est, centum & viginti minarum habuisse pondus. Tam igitur apud Græcos quàm apud Hebræos stater, seu siclus didrachmi locum obtinet, pro quantitate eius talenti cuius est stater seu siclus: sicut enim talentum maius ter mille stateres seu siclos habet maiores, ita minus talentum totidem habet minores; quo fit, ut cognita quantitate talenti alicuius, facile & stateris, seu sicli eius quantitas cognoscatur; & contrà, cognita sicli quantitate, & talenti quantitas cognoscitur: ut verbi gratia: Siclus sanctuarij quatuor Atticas drachmas valuit; tria millia igitur siclorum, hoc est, talentum sanctuarij, efficiunt duodecim millia Atticarum drachmarum, quæ sunt centum & viginti minæ Atticæ, seu quod idem est, duo talenta Attica. Talentum igitur sanctuarij duo Attica talenta valuit; sicut & illud, cuius modò ex Dionysio Halicarnassæo & Hesychio mentionem fecimus.

Talentum sanctuarij marcas aurificum nostrorum appendit ducentas triginta duas, & decem sicilicos.

Siclus autem sanctuarij pondus habet sedecim semigrossorum nostrorum. Potest autem æstimari talentum sanctuarij, iuxta æstimationem nostram, Attici talenti & minæ, mille & octoginta aureis Vngaricis. Siclus autem decem octo grossis & tredecim minutis. Sicli igitur & talenti sanctuarij ea quantitas est quam diximus.

Nunc

Nunc ad alios siclos & talenta veniamus.

DE MINORI TALENTO
PVBLICO.

Apud Græcos, qui iisdem etiam, quibus Hebræi, vti sunt ponderibus, legimus maiora & minora fuisse pondera. Minus talentum apud Græcos ferè semissis fuit maioris: ut verbi gratia, Talentum Atticum sexaginta minas Atticas valens fuit semis talenti centum & viginti minarum, cuius Vitruvius & Dionysius Halicarnassæus meminit; similiter talentum quod apud Plinium taxatur, sedecim sesteritiis, hoc est, quadraginta minis, fuit semis talenti octoginta minarum. Ad eundem igitur modum & apud Hebræos talentum minus publicum fuit semis talenti sanctuarii, unde & siclus huius talenti dimidium pondus habuit sicli sanctuarii, nempe duas drachmas, cum siclus sanctuarii quatuor drachmas valeret. Quod quidem ita esse docet nos auctor libri primi Machabæorum, qui capite decimo in Epistola Demetrii, pro decem millibus drachmarum (sic enim Demetrium hominem Græcum scripsisse discimus ex Iosepho) quinque millia siclorum Hebraico more dixit, binas drachmas pro singulis siclis computando, unde colligitur talentum publicum dimidium pondus talenti sanctuarii habuisse, sicut & talen-

talentum Atticum sexagenarium. Atque hinc etiam sequitur talentum Hebraicū minus idem fuisse cum Attico talēto, tria enim millia siclorum didrachmorum efficiunt sex millia drachmarum, hoc est, sexaginta minas, semissem videlicet talenti sanctuarij, quod duo talenta Attica, seu quod idem est, centum & viginti minas valuisset diximus. Sed & Rabini testantur siclum & talentum publicum, dimidium pondus sicli & talenti sanctuarij habuisse. Quin & pondus quantum fuerit huius talenti docent, obolum iuxta doctrinam Cabalæ affirmantes habere pondus sedecim granorū hordei, sex obolos efficere drachmam seu denarium, quatuor denarios siclum, viginti quinque siclos minam, sexaginta minas talentum. Atque hæc sunt quæ Rabini tradunt de ponderibus Hebraicis, nempe de talento publico & talēto sanctuarij: aliud autem talētum præter hæc duo, nullum sciunt: Nos autem & alia quæ illi ignorant, dicemus. Prius autem monendus est lector, ut perpendat pondera Hebraica quæ hucusque diximus, per omnia cum Græcis conuenire. Nam talentum sanctuarii idem fuit cum talento Græcorum, quod ex Hesychio & Halicarnassæo diximus, centum & viginti minarum fuisse. Siclus quoque sanctuarii eiusdem ponderis fuit cum statere tetradrachmo Græcorum. Sic talentum publicum idem pondus habuit cum Attico talento

sexa-

sexagenario, & siclus publicus cum statere didrachmo Attico. Atque hæc magis etiã confirmantur ex iis quæ de numismatico talento iam dicturi sumus.

DE TALENTO NUMIS-
MATICO.

Talentum Numismaticum, sicut apud Athenienses, ita & apud Hebræos mille Atticas drachmas valuit, hoc est, sextam talenti publici partem, sanctuarii autem talenti duodecimam. Talia talenta centũ & viginti regina Saba scribitur Salomoni donasse libro tertio Regũ capite decimo. Iosephus enim pro centum viginti talentis auri (auro enim potissimum deputata fuerunt huiusmodi talenta parua) viginti talenta scripsit, sena talenta pro singulis talentis numerans. Quæ parua talenta apparet Ægyptiis quòque fuisse in usu. Legimus enim apud Cleopatram drachmam fuisse Ægyptiam quæ Attici oboli pondus habuit; unde sequitur, sex millia drachmarum huiusmodi; hoc est, talentum parvũ mille drachmas Atticas valuisse; sextam videlicet partem Attici talenti, quod cum Hebraico publico idem fuit. Si autem drachma obolum Atticũ valuit, didrachmum seu siclus valuit duos Atticos obolos, quod pondus ferè semissis argentei nostri habet, quem triplicem vocamus. Et talis siclus est sexta pars sicti didrachmi,

te-

tetradrachmi verò duodecima ; eam enim proportionem habet siclus ad siclū, quam talētum habet ad talentum ; vnde duodecim huiusmodi sicli parui valebant siclum sanctuarii, sicut liber Paralipomenon & Regū nos docet. Nam secundi Regum capite vltimo, Dauid dicitur arcem extruendo altari & boues in holocaustum emisse quinquaginta siclis : primi autem Paralip. cap. x x i, pro quinquaginta siclis sexcenti leguntur. Cū enim Dauid ad Ornā venisset, dicens, Da mihi locum arcæ tuæ vt ædificem in ea altare Domino, ita vt quantum valet argenti, accipias : Orna respondit Dauidi ; Tolle, & faciat dominus meus Rex quodcunque ei placet ; sed & boues do in holocaustum & tribulas in ligna, & triticum in sacrificium omnia libens præbebo. Cui Dauid, Nequaquam ita fiet, sed argentum dabo quantum valet ; neque enim tibi auferre debeo, & sic offerre Domino holocausta gratuita. Postea inferitur, Dedit ergo Dauid ipsi Ornam pro loco siclos pōderis auri sexcentos (sic enim translatio Septuaginta habet, & Neoterici nonnulli similiter ex Hebræo transferunt) non aureos siclos ; argentum enim datum est non aurum, sicut Regum liber testatur, & hoc loco Dauid argentum promittit ; non aurum. Vnde sexcenti sicli dati sunt non aurei, sed argentei sicli ponderis aurei, nempe parui & iuxta pondus auri. Hæc enim minuta pondera propter aurum principaliter insti-

instituta fuerunt, nempe vt talẽtum paruum auri valeret; talentum magnum argenti; & siclus aureus paruus, valeret siclũ argenteum magnum. Hinc enim & nomen talenti & sicli, accepisse videntur hæc parua pondera à valore videlicet: quòd talentum valeret talentum, & siclus siclum. sexcenti ergo parui argẽtei sicli, quinquaginta siclos sanctuarij efficiũt, si quis duodecim paruos pro singulis tetradrachmis numeret. Vnde sequitur ter mille siclos huiusmodi: hoc est, talentum paruum efficere ducẽtos & quinquaginta siclos tetradrachmos; seu, quod idem est, mille drachmas Atticas, sicuti diximus, quæ sunt talenti sanctuarii duodecima pars, publici verò talenti sexta: sicut Iosephum etiam diximus computasse.

DE TALENTO MAIORI

PVBLICO.

Talentum publicum non vnum fuisse apud Hebræos probabile est, sicut nec apud alias gentes fuit vnum. Atq; eius rei argumento sunt etiam mensuræ publicæ tam aridorũ quàm liquidorum, quæ apud Hebræos fuerunt, sicut & apud alios maiores & minores; vnde & pondera publica maiora & minora fuisse, credendũ est. Corus maior apud Hebræos decem medimnos Atticos capiebat; minor verò sex, sicut inferius ostendemus, cùm de mẽsuris agemus: eadem proportio fuit maioris bathi ad minorem; vnde colligitur & talentum

E fuif-

fuisse maius; eam proportionem habens ad talentum minus, quam habēt maiores mensuræ ad minores. Antiquitus enim nō solum apud Hebræos, sed & apud alias gentes eadem in ponderibus & mensurisprehenditur fuisse proportio; unde si talentum minus sex numismatica talenta capiebat, sicut supra ostendimus, maius talentum capiebat decem: ut maius talentum ad minus eam proportionem habeat, quam corus maior ad minorem habet, & bathus maior ad minorem, hoc est, quam denarius habet ad senarium, quæ proportio superpartiens dicitur. Si ergo talentum publicum minus apud Hebræos valuit Atticum talentum, hoc est, sexaginta minas Atticas seu Romanas; maius talentum similes minas centum valebit, hoc est, talentum Aegineticum. Nam talentum Aegineticum, sicut supra ostendimus, centum Atticas minas valuit, atque ita siclus talenti maioris fuit didrachmum Aegineticum, sicut siclus minoris fuit didrachmum Atticum. Ad hunc igitur modum talentum maius publicum talenti sanctuarij est dextans, eam proportionem habens ad sanctuarij talentum, quam decem habent ad duodecim, & quinque ad sex; eadem proportio erit & sicli ad siclum. Hanc proportionem in ponderibus fuisse apud Babylonios supra diximus; quæ quare instituta sit, dicemus inferius, cum de partibus talenti agemus.

DE TALENTO REGIO.

Postquam igitur de siclo & talento sanctuarij & item de publica maiori & minori diximus; superest, vt de Regio quoq; dicamus. Reges enim apud Hebræos, vt ex Iosepho colligitur, sicut mensuris minoribus, ita & talento minori eodem cum cæteris suæ gentis hominibus vsi sunt. Maius autem talentum peculiare habuerūt, sicut & mensuras maiores; siclus regius dodrans fuit sicli sanctuarij, népe tres Atticas drachmas appendens, vt quatuor sicli regij tres siclos sanctuarij efficerent, & quadraginta sicli regij triginta siclos sanctuarij, sicut ex Iosepho colligitur, qui libro tertio antiquitatum talentum sanctuarij centum minarum fuisse dicit, triginta siclos tetradrachmos, haud dubiè pro singulis minis computas. Septimo autem libro eiusdem operis de Absalonis coma scribens, quam Absalon statis temporibus tondere consueuerat ducentos siclos appendentem iuxta siclum regium (sic enim in Hebræo & apud Septuaginta legitur) Iosephus cum dixisset pondus comæ Absalonis fuisse ducetos siclos addit, quæ sunt quinque minæ, quadragenos siclos regios numeras pro mina, vt quadraginta sicli regij efficiant minam triginta siclos sanctuarij appendentem, quæ plane eadem fuit cum Babylonica mina, centum & triginta drachmarum Atticarum pondus habens. Sic igitur siclus regius dodrans fuit sicli sanctuarij, & per consequens

talentum regium talenti sanctuarij fuit dodrans, sesquiplam habens proportionem ad talentum minus, sicut siclus triū drachmarum sesquiplam proportionem habet ad siclum didrachmum. Quæ proportio & in mensuris deprehēditur. Bathus enim regius maior sesquibathum minorem capiebat, vt postea ostendemus. DE siclo igitur & de talento sanctuarij, & item publico & regio, hæc dicta sunt.

Nec est quod quispiam miretur tā multa talenta apud Hebræos fuisse; constat enim Græciæ ciuitates singulas nō vno talento fuisse vsas: quota autem pars amplissimi regni Hebræorum fuit vna Græciæ ciuitas? Deinde illud etiam perpendere conuenit sacris litteris historiam multorū millium annorum contineri, tempus autem multa nouare solet; vnde nec mirum videri debet, si qua tanto tempore varietas ponderum nata est. Antiquissimum talentum apparet fuisse quod sanctuarij talentum dicitur, idēque perfectissimum; quippe reliqua talenta huius partes sunt; & ex hoc nata videntur. Talentum enim publicum minus est semis talenti sanctuarij, sicut diximus: maius autem dextans, regiū verò est dodrans: vt si quis talentum Hebraicum vnum esse dicat sanctuarij talentum, reliqua autem huius partes appellet, is à vero nihil aberrare videatur. Hinc & Septuaginta siclum talenti sanctuarij didrachmum sæpe trāsferre solent: reliquorum

rum autem siclos, tanquam huius partes & minutias didrachmi vocabulo non dignatur: sed minoris quidem talenti publici siclum drachmam, reliquorum autem siclostantum vocant: unde colligitur antiquissimis temporibus, hoc est, Abrahæ, Isaac, & Iacob, talentum quod sanctuarij dicitur apud Chananæos fuisse in usu, quippe siclos temporis illius; Septuaginta interpretantur didrachma & beca, id est, semisiclum, drachmam. Reliqua talenta posterius nata videntur. Regium verò apud Hebræos sicut & mensuræ regię, simul cum regibus & orta & extincta videntur, nec illorum ante reges & post reges mentio fit uspiam. Maius talentum publicum idem usus peperit, qui & talenti partes, nempe decimas & duodecimas, & item quintas & sextas, de quibus paulò post dicemus. Minus autē talentum, hoc est, semis sanctuarij talenti apud Hebræos ita natum videtur, sicut aliæ quoque gentes successu temporis pondera sua diminuerunt, ita ut pro talento haberent, quæ olim fuerunt semisses talenti: quemadmodū apud Siculos talentum fuit antiquum viginti quatuor nummi, posterius autē duodecim nūmi: et apud Athenienses talentum fuit olim octoginta minarum, posterioribus autem temporibus quadraginta minarum, sicut Plinius testis est, apud quem talentum Atticum sedecim sestertiis æstimatur, sedecim enim sestertia quadraginta minas efficiunt. Pro-

gressu verò temporis semisses rursus sunt dimidiata, ita vt posterioribus téporibus talentum esset apud Græcos semissis dimidium, hoc est, quadrans talenti, vnde apud Suidam talentum dicitur moderna quatuor, & Iulius Pollux, qui libros suos Commodo Cæsari dicauit, Syrium talētum dicit mille quingentas Atticas drachmas valere, qui plane est quadrans Attici talenti sexagenarij.

DE TALENTO ÆGYPTIO.

Sed quoniam in sacris litteris Ægyptij sicli fit mentio, necesse est vt de Ægyptio quoque siclo & talento non nihil dicamus. Talentum igitur Ægyptium cōstat ex Plinio octogenarium fuisse; octoginta enim pondo seu minas capiebat: quod pondus etiam Attici & Euboici talēti maioris fuit, vnde necesse est siclum talenti huius sedecim obolorum Atticorum pondus habuisse. Tres enim huiusmodi sicli efficiunt octo drachmas Atticas, & per consequens talentum, hoc est, tria millia siclorū huiusmodi, efficiunt drachmas Atticas octo millia. Quare apud Athenienses qui hoc talento pro maiori vsi sunt, stēmistater fuit, qui & hemiectum dicebatur, octo obolorum; vt ex Iulio Polluce discimus. Quod si semistater fuit octo obolorum, necesse est staterē sedecim obolorum fuisse; vt stater Atticus idem habuerit pōdus cum siclo Ægyptio, sicut & talentum Atticum idem cum Ægyptio fuit.

DE DIVISIONE TALENTI.

Talentum apud Hebræos diuiditur in decimas & duodecimas. Decimæ rursus diuiduntur in alias decimas, hoc est, centesimas, & centesimæ in millesimas. Dicitur autem talentum & decima talenti & centesima & millesima. De decima exemplū extat primi libri Paralip. capite vigesimo secundo, vbi Dauid ad Salomonem ita loquitur: Ego in paupertate præparavi impensas domus Domini, auri talēta centum millia & argenti mille millia: hoc loco talenta parua intelliguntur, nempe talenti decimæ, sicut Iosephus libro antiquitatū vii. indicat, qui pro centum millibus decē millia talētorum auri scripsit, & pro mille millibus centum millia talentorū argenti, dena talēta pro singulis numerans. De cētesima autē habetur quarti Regum capite vigesimo tertio, vbi rex Ægypti multasse terram Iudæorum scribitur centum talentis argenti & centum auri. Sic enim trāslatio Septuaginta habet. Hoc idē autē secundi Paralipomenon vltimo, ita scribitur, Et condemnauit terram centum talentis argenti & talento auri. Non igitur dubitare debemus, in superiori exemplo centum talenta auri parua talenta intelligenda esse, hoc est, centesimas talenti; quādoquidem pro illis talentis alio loco talentum vnum scribitur. De millesima ex sacra scriptura testimonium proferre nō possumus. Sed Iulius Pollux docet fuisse apud

Athenienses talentum auri tres stateres didrachmos; quæ prorsus est millesima pars Attici talenti, quod idem cum Hebræorū publico talento minori fuit. Idem auctor docet Siculum talentum viginti quatuor nummos fuisse, nummum autem valuisse sesquibolum, nempe sestertium Romanum, unde viginti quatuor nummi sex drachmas efficiunt, millesimam videlicet talenti Hebraici, seu Attici, quod idem est. Nec mireris tam multiplicem talenti acceptionem apud Hebræos antiquitus fuisse; fuit enim & apud Græcos hoc idem; etiam si posterioribus temporibus sicut & apud Hebræos ambiguitas vocis huius restricta sit. Hac enim de causa Aristoteles scripsit talenti pondus indefinitum antiquitus fuisse. Decima talenti sunt trecenti sicli. Centesima verò triginta sicli. Millesima autem tres sicli maiores & minores pro quantitate cuiusque talenti. Quod autem & duodecima talenti dicatur talentum, patet ex eo quod superius de numismatico talento diximus, quod minoris quidem talenti est sexta pars, sanctuarij autem talenti est duodecima. Diuiduntur autem duodecimæ in decimas, & decimæ rursus in alias decimas, quæ ad decimarū decimas; hoc est, ad centesimas talenti & millesimas eam proportionem habent, quā ipsæ duodecimæ habent ad talenti decimas. Sic igitur talentum in decimas & duodecimas diuiditur. Est præterea & altera diuisio talenti

ti in quintas & sextas. Sexta talenti sunt duæ duodecimæ: & quinta talenti sunt duæ decimæ. verbi gratia: Quinta talenti sanctuarij sunt sexcēti sicli tetradrachmi, & huius decima sunt sexaginta sicli, quæ est sanctuarij mina, triginta vncias Romanas appendens: seu quod idem est duas libras & semissem; sicut Iosephus scribit libro antiquitatū quatuordecimo, & Kimchi apud Hebræos. Decima autem huius sunt sex sicli, qui dicuntur siclus, vt inferius dicemus. Sexta verò talenti sanctuarij, eadem est cum quinta publici talenti maioris, nempe quingēti sicli tetradrachmi, & huius decima quinquaginta sicli, mina videlicet sanctuarij, sicut Rabbi Salomon docet, cūm dicit vulgarem minam viginti quinque siclos; sanctuarij autē minam duplo maiorem, nempe quinquaginta siclos. Duplex enim fuit mina sanctuarij, vt apparet: sicut & publica mina fuit duplex. Decima autē huius sunt quinque sicli, qui & siclus dicuntur, vt paulò post ostendemus.

Itidem publici talenti, quod est semis talenti sanctuarij quinta pars, sunt sexcenti sicli didrachmi, hoc est, trecenti sicli sanctuarij; ad hos enim tanquam principales minores sicli reducendi sunt. Quinta igitur publici talenti minoris sunt trecenti sicli tetradrachmi, quæ planè est decima talenti sanctuarij. Decima enim illius est quinta huius: sicut duodecima illius est

huius sexta. Hac quinta Persæ vñ sunt pro talento numismatico. Constat enim ex primo Anabeseos Xenophontis, talētum numismaticum fuisse apud Persas trecentorum Daricorum. Daricus autem sicli sanctuarij pondus habuit, vt videre est apud Iosephum, qui libro antiquitatum tertio decem siclos auri iuxta siclum sanctuarij, decem Daricos interpretatus est. Quod quidem talentum trecentorum siclorum apparet Babylonios ab Hebræis mutuatos esse; vna cum talēto minore publico, quod semissem talenti sanctuarij esse diximus, quod Persis etiam in vsu fuit; sicut auctor est Herodotus, qui & Euboicum illud vocat, eò quòd cum Euboico minore idem pondus habuit. Quinta pars ergo Hebraici talenti minoris sunt trecenti sicli sanctuarij, talentum paruum Persis etiam, sicuti diximus, vsitatum; cuius siclus duos obolos Hebraicos appēdebat: quam enim proportionem talentum habet ad talentum, eam & siclus ad siclum habeat necesse est. Vnde quoniam hoc talentū est quinta pars publici talenti minoris, siclus quoque eius quintam partem sicli didrachmi habebit; hoc est, duos obolos Hebraicos. Siclus enim sanctuarij viginti obolos habuit Hebraicos & semis huius, hoc est, siclus publicus decem obolos; quinta autem pars de decem' st duo: duos itaque obolos Hebraicos habuit hic siclus. Decima talenti trecentorum siclorum tetradrachmo-

morum, sunt triginta sicli, quæ fuit mina Hebraica; sicut Iosephus indicat, cum dicit talentum Hebraicum, nempe sanctuarii, esse centum minas; tricenos siclos haud dubiè pro singulis minis computans. Triginta sicli tetradrachmi cētū viginti drachmas Atticas efficiunt; quod pondus etiam Babylonica mina habuit. Hæc antiquitus talentum etiam vocabatur, cum talenti sanctuarij esset cētesima. Mina autem seu mna, vt Græci dicunt, vox est Hebraica, non Græca nec Latina, & significat partem; id quod non ignorant, qui Hebraicas litteras saltem à limine salutarunt. Decima autem huius sunt tres sicli tetradrachmi, sex videlicet sicli didrachmi, qui & sicles dicti sunt. Porro sexta pars talenti publici minoris sunt quingenti sicli didrachmi; tetradrachmi verò ducenti quinquaginta sicli; talentum illud numismaticum, de quo supra diximus, aureo numismati potissimum deputatum, sicut & illud quo Babylonij vsi sunt trecentorum siclorum, seu Daricorum. Vnde & sicli argētei talenti huius sicli ponderis auri dicuntur, sicut supra ostendimus. Hoc talentū cum sit sexta pars minoris talenti publici, maioris publici est decima; sicut illud trecentorum siclorum, est sanctuarij talenti decima. Siclū huius talenti diximus duos obolos Atticos habuisse, sicut illius trecentorū siclorū talenti sicles duos obolos habuit Hebraicos. Decima autē huius talenti sunt viginti quinque;
sikli

sicli tetradrachmi, mina videlicet altera publica eadem cum Attica mina; viginti enim & quinque sicli tetradrachmi centū drachmas Atticas efficiunt, hoc est, Atticā minam. Hæc talentum antiquitus dicta fuit, cū sit maioris talenti publici centesima pars. has minas auctor libri primi Machabæorum intellexit, capite quatuordecimo, cū scribit Clypeum aureum, quem Simon Hebræorum dux Romanis misit, fuisse minarum mille; sicut patet ex decreto Romano, quod apud Iosephū extat libro antiquitatum quatuordecimo; in quo decreto clypeus ille quinquaginta millium aureorum fuisse dicitur.

Quinquaginta enim millia aureorum Romanorum cū singuli duas drachmas appendant, mille Atticas minas centenarū drachmarum efficiunt, quæ sunt Hebraicæ minæ vicenum quinum siclorum. Decima huius minæ, sunt duo sicli tetradrachmi & semis, hoc est, quinque didrachmi sicli qui & siclus dicuntur primo libro Machabæorum, sicut inferius ostendemus.

Talentum minus pu- blicum 3000 feli didrach- mi, 1500 tetradrac- mi, cuius	}	Decima 300. feli didrachmi. 150. tetradrach- mi.	}	Decima 30. didrachmi, 15 tetrach.	}	Decima tres didrachmi.
		Duodecima 250. didrach- mi 125. tetra- drachmi.		Decima 25. didrachmi.		Decima duo & semis di- drachmi.
		Quinta 600. didrachmi, 300 tetradrachmi		Decima 60. didrachmi, 30 tetra- drachmi.		Decima 6. didrachmi.
		Sexta 500. di- drach. 250. te- tradrachmi		Decima 50. didrachmi, 25. tetra- drachmi.		Decima 5. didrachmi.

Talentum sanctua- rij ter mil- le feli te- tradrach- mi, cuius	}	Decima tre- centi feli.	}	Decima tri- ginta feli.	}	Decima tres feli.
		Duodecima ducenti quin- quaginta fi- cli.		Decima vi- ginti quinque feli.		Decima duo feli et semis.
		Quinta sex- centi feli.		Decima sexa- ginta feli.		Decima sex feli.
		Sexta quin- genti feli.		Decima quinqua- ginta feli.		Decima quin- que feli.

Ad eum modum & alia talenta diuidi possunt.

Talis autem diuisio talenti & aliis fortè de causis instituta est, & quòd vnius & eiusdem metalli non eadem cuiuslibet nota sit; vnde institutum videtur, vt auri obryzi sexta, auri non obryzi quintæ responderet æstimatione, & duodecima decimæ, & itē decimæ decimis quæ ex iis nascuntur. Et alioqui magnam commoditatem habuit huiusmodi diuisio talenti. Decima enim auri vel duodecima pro qualitate metalli, videlicet valuit talentum argenti, vnde & talenta sunt dictæ decimæ & duodecimæ, quòd videlicet talentum argenti valerent. Itidem parui talenti decima, hoc est, mina auri, valuit paruum talentum argenti, proinde & talentum quoque fuit dicta; quia talentum argenti valuit: Rursus decima minæ, hoc est, quinque sexve sicli auri, minam argenti valuit, & ob hoc millesima talenti dicta fuit talentum, quod videlicet talentum, nempe minam argenti valeret. Siclus autem auri qui fuit dimidio minor quàm argenti decimam minæ, hoc est, quinque sexve argenti siclos valuit. Hinc quinque sexve sicli argenti siclus etiam dicti sunt, quòd siclum auri valerent, sicut inferius ostendemus.

Porro quintæ & sextæ talenti institutæ videntur, vt eam. proportionem ad decimas & duodecimas haberent, quam talentum
tum

tum argenti habet ad talentum auri, ut videlicet decima aut duodecima auri sexcuplex aut quincuplex, sit ad quintam sextamve argenti.

DE SICLO ET TALENTO

AVRI.

Siclus aureus apud Chananæos & Hebræos dimidio fuit minor quàm argenteus; sicut apud Græcos aureus nummus fuit dimidio minor, quàm argenteus, quippe stater aureus apud Græcos, fuit didrachmus; argenteus verò, tetradrachmus. Item aureus qui hemiectum dictus est, octo obolorum pondus habuit, idem & semistater fuit dictus, quòd videlicet stateris argentei dimidium pondus haberet. Ad eundem igitur modum & apud Hebræos siclus aureus dimidio fuit minor quàm argenteus: unde apud Esdram aurum non ad siclos, sed ad drachmas iuxta veterem consuetudinem computatur, quòd videlicet drachma, seu semisiclus auro esset deputatus, sicut argento siclus. Et Genesis vigesimo quarto iuxta translationem Septuaginta ita scriptum legimus. καὶ ἔλαβεν ὁ ἄνθρωπος δύο ἐνώτια χρυσᾶ ἀνὰ δραχμὴν ὀκτῆς, καὶ δύο φέλλια ἐπὶ τὰς χεῖρας αὐτῆς. δέκα χρυσῶν ὀκτὴ αὐτῇ. id est, Et accepit homo ille in aures aureas: quæ

quæ singulæ drachmam appendebant, & duas armillas, quarum fuit pondus decem aurei. Hactenus Sept. Duæ inaures habuerunt pondus duarum drachmarum seu semisiclorum; potuit ergo dici inaures aureas, quarum pondus fuit siclus. Sed scriptura iuxta receptam consuetudinem aurum ad semisiclos potius quàm ad siclos computat. Vt intelligamus etiam in sequentibus cum dicit decem auri, sic enim habetur in Hebræo, pro quo, Septuaginta transtulerunt decem aureos, vt, inquam, decem aureos seu decem auri intelligamus decem drachmas auri, seu decem aureos drachmales, nempe drachmæ, seu semisicli pondus singulos habentes. Nostra autem translatio pro drachmis seu semisiclis, exponit siclos: vnde colligitur auctorem translationis illius nō ignorasse, quòd siclus aureus dimidio minore esset, quàm argenteus. Neq; enim pro beca, quæ vox significat semisiclum trstāulisset, siclum; nisi sciret siclum auri semisicli pondus habuisse. Aureus enim nummus quatenus argentei sicli dimidium pondus habet, semisiclus dicitur; quatenus verò proprium pondus iustum ac integrum habet, dicitur siclus. Vnde & quinque sexve argentei sicli dicuntur, siclus à valore, nempe quòd siclum auri valerent, valere autem nō possent, nisi duplo essent maiores quàm siclus auri. Secundi Regū capite decimo octauo scribitur quidā venisse ad Ioab dicens: Vidi Ab-

Abſalonem pendere de quercu. cui Ioab, Si vidisti, quare non confodisti eum, & ego tibi dedissem decem argenti? sic enim habetur in Hebræo, subaudita voce, siclos, ut sit decem argenti siclos. Est enim huiusmodi loquutio usitata, & passim obuia in scriptura. Septuaginta autem & Iosephus hoc loco pro decem argenti siclis, transtulerunt quinquaginta siclos, quinque siclos pro singulis siclis computantes, eo quod quinque sicle argenti dicuntur sclus. Annotavit hoc etiam Suidas, nescio ex quo auctore, nempe siculum argenteos quinque dici apud Mosen. Locus autem, quem designasse videtur Suidas, extat Genesis tricesimo septimo, ubi Ioseph dicitur venditus viginti argenti, hoc est, viginti siclis argenti, pro quo Septuaginta transtulerunt viginti aureis, ut intelligamus viginti argenti ita dictum esse sicut apud nos viginti aurei monetæ dicuntur. Sic enim vernaculo sermone nostro dicere consuevimus, cum non aureos; sed aureorum pretium volumus designare. Quondam enim aureus Vngaricus apud nos triginta grossis permutabatur ex Casimiri etiam constitutione, unde triginta grossi etiamnum aureus vocantur a valore, quod videlicet aureum valerent. Ad hunc igitur modum viginti argenti accipiemus hoc loco pecuniam argenteam viginti aureos valentem, nempe centum siclos argenteos; viginti enim sicle centum argenteos efficiunt, si

quis singulos siclos pro pretio aurei accipiat, hoc est, pro quinque argenteis siclis. Quod si quis viginti argenti pro viginti aureis accipiat, ex pretio aureorum aureos ipsos designatos credens, cum hoc non contendemus, præsertim cum apud Græcos qui iisdem cum Hebræis vsi sunt ponderibus, exemplum huius rei reperitur. Aureus enim nummus apud Græcos non nunquam pretij vocabulo designabatur, sicut apud Athenienses semistateres aurei vocabantur tetrastateres, quod videlicet quatuor stateres valerent. Quâquam propriè illi aurei (vt hoc quoque admoneam) à pretio non tetrastateres, sed hexastateres dici deberêt, singuli enim semistateres aurei octonum obolorum, sex stateres argenteos senum denum obolorum valebant, sicut apud Hebræos siclus aureus, quinque sexve argenteos. Hinc enim hemiecta quoque dicebantur huiusmodi aurei, sicut supra ostendimus. Verùm quoniam stateres tetradrachmi magis fuerunt in vsu Atheniensibus, & quatuor tetradrachmi tantundem efficiunt quantum sex senum denum obolorum, factum est vt tetrastateres magis dicerentur. Sed viginti siclos argenti quibus Ioseph venditus est, siue pretium viginti aureorum intelligas, siue viginti aureos, parum refert cum vtrumque idem valeat. Extat alter locus in Genesi, quem Suidas etiam designasse videri possit, cum dicit
apud

apud Mosen siclum dici quinque argenteos, nempe quadragesimo quinto capite, ubi Ioseph in Ægypto scribitur donasse fratri suo Benjamin trecentos argenti. Septuaginta enim ad eundem modum transtulerunt, trecentos aureos. Alias autem hoc genus locutionis, Septuaginta variè solent transferre: verbi gratia; si in Hebræo scriptum sit decem argenti; Septuaginta si simplices sicli intelliguntur, transferunt decem argenteos per adiectivum, vel decem siclos argenti per substantivum, addita voce, siclos: si verò sicli pro pretio aureorum accipiuntur; Septuaginta interdum quinquaginta sexagintave siclos pro decem siclis interpretabuntur, nonnunquam ἀργυρίου, id est, argenti siue argenteæ pecuniæ transferent per substantivum ommissa voce, siclos, sicut Iudicum decimo octavo, quæ differentia in Hebræo non reperitur. Hebræi enim semper per substantivum offerunt, qualescunque sicli intelligantur, decem argenti, viginti argenti, vel addita voce, siclos, viginti siclos argenti &c. Septuaginta autem, ut dixi, discrimen facere solent. Quod & Tzetzes vir multiplicis eruditionis non ignoravit, qui in varia Historia, pro eo quod est Iudicum sedecimo iuxta translationem Septuaginta, mille & centum argenti interpretatus est, χεῖρους χιλίους ἑκατόν, id est, mille & cētum aureos. Intelligebat Tzetzes aliud esse mille & cētū argēti, aliud mille & centū argētei.

Quòd autem siclus aureus quinque argenteos valeret, in Hefychij quoque collectaneis legimus his fere verbis. Drachma (inquit) auri est pondus numismatis ad rationem argenti didrachmorum decem, *Δραχμή χρυσίου, ὁλὴ νομίσματος εἰς ἀργυρίου λόγον διδράχμων δέκα.* Quæ quidem verba, vt apparet, ex scriptore quopiam Ecclesiastico annotata sunt, sicut & alia pleraque multa. Drachma enim Hebraica quæ apud Moysen beca, apud Esdram verò darcimon, dicitur. Septuaginta autem, sicuti diximus, drachmam transferre solent, est siclus auri, nempe minoris talenti publici siclus, semis sanctuarii scli. Hæc, inquam, drachma auri, ad rationem argenti efficit decem didrachma Græca, hoc est, quinque siclos tetradrachmos. Quod autem & sex siclos argenteos valuerit aureus, potest probari ex translatione septuaginta, qui tertii Regum capite decimo, pro sexcentis argenteis, transtulerunt, centum argenti. Egrediebatur Salomoni ex Ægypto *ἄρμα ἀντ' ἑκατὸν ἀργυρίου*, id est, currus pro centum argenti: hic enim centum argenti, hoc est, pretium centum aureorum, sexcenti argentei sunt, non quinquaginta; vnde arguitur aurei pretium fuisse sex argenteos siclos, vt proportio auri ad argentum fuerit duodecuplex; sex enim scli argentei cùm sint aureis duplo maiores, duodecies appendunt aureum: quam auri ad argentum analogiam apud Græcos etiam fuisse arguitur

guitur, ex eo quòd semistater aureus octo obolorum sex argenteos stateres senum denum obolorum valebat, hoc est, quatuor stateres tetradrachmos. Quod autem decuplex quoque fuerit proportio auri ad argentum, docet Pollux ex Menandro: quod tamen non de Obryzo, sed de inferioris notæ auro intelligendum est. Sicut & apud Hebræos non vnus notæ fuit aurum. legimus enim aurum optimum, aurum purissimum in sacris litteris, ad differentiam vtique auri non perinde probati. Item aurum Arabicum, aurum Ophir, ad differentiam auri ex aliis regionibus non perinde boni; vnde si auri probatissimi sicles valuit sex argenteos sicles, iuxta auri ad argentum duodecuplicem proportionē, sicles auri inferioris notæ potuit quinque sicles argenteos valere iuxta decuplicem auri ad argentum analogiam. Sicut autem sicles auri ad argentum fuit sexcuplex & quincuplex, sex enim & quinque argenteos vnus auri sicles valuit; ad eundem modum & talentum auri ad talentum argenti fuit sexcuplex, sicut Suidas in dictiōe Obolus annotauit, & quincuplex, sicut ex Hesychio discimus, qui talenti meminit quadringentarum minarum.

Quadringentæ enim minæ efficiunt quinque talenta Ægyptia seu Attica octogentarum minarum; vnde etiam discimus quòd sicut sicles dicitur & argenteus vnus, & quinque sexve argentei, hoc est, sicles auri

pretium. Ita talentum dicitur non solum vnum simplex talentum, sed & quinque sexve talenta, nempe talēti auri pretium. Quoniam ergo siclus auri ad argenteum siclum, sexcuplex & quincuplex est, & itē talentum auri ad talentū argenti est quincuplex & sexcuplex, necesse est siclum & talentum auri dimidium pondus sicli & talenti argenti habuisse, vt auri ad argentum sit proportio decuplex & duodecuplex. Præter decuplicem autem & duodecuplicem proportionem inuenitur & tertia, medium inter has duas locum obtinens; nempe quæ est vnius ad vndecim. Id ita esse docet nos liber Iudicum capite decimo septimo, vbi filius promittit se matri pecuniam restituere velle, mille videlicet & centum argenteos, *χιλίους καὶ ἑκατὸν ἀργυρίους*, ita enim Septuaginta trāstulerunt per adiectiuum, quod simplices ibi sicli intelligantur. Ceterum ne promissæ tātum putetur additur, *καὶ ἀπέδωκε πρὸς χιλίους καὶ ἑκατὸν ἀργυρίους τῇ μητρὶ αὐτῆς*, id est, Et reddidit mille & centū argenteos matri suæ. Et rursus idem ita vt mos est scripturæ repetitur, *καὶ ἀπέδωκε τὸ ἀργύριον τῇ μητρὶ αὐτῆς, καὶ ἔλαβεν ἡ μήτηρ αὐτῆς διακοσίους ἀργυρίους*, id est, & reddidit pecuniam illam matri suæ, & accepit mater eius ducentos argenti. Hic ducentos argenti per substantiuum septuaginta trāstulerunt; non ducentos argenteos, propterea quod ducenti argenti, pro mille & centum argenteis siclis accipiantur: eadem enim summa quæ

prius

prius mille & centum argentei vocabatur, nunc ducenti argenti dicuntur. faciunt autem ducenti argenti mille & centum argenteos : si quis singulos siclos non pro quinque siclis, nec pro sex siclis, sed pro quinque & semisse accipiat, in vndecupla auri ad argentum proportionem, quam mediam inter decuplicem & duodecuplicem esse diximus. Ita intelligendum est, quod eodem libro scriptum est, capite sedecimo de pecunia quam Philistinorum Satrapæ promiserunt Dalilæ meretrici, quā Samson amavit. Decipe, inquit, eum, nempe Samsonem, & disce ab illo in quo habeat tantam fortitudinem, & quomodo eum superare valeamus, & vinctum affligere : quod si feceris, dabimus tibi singuli mille, & centum argenteos. Lyranus admonet Satrapas Philistinorum fuisse quinque, & singulos mille & centum argenteos promississe. Proinde summam promissæ pecuniæ dicit esse quinque millia & quingentos siclos, quæ summa *χίλους ἀργυρίου*, id est, mille argenti efficit in vndecupla proportionem, vel *χίλους ἀργυρίου*, id est, mille & centum argenti in decupla, sicut Septuaginta translatorunt, *καὶ ἡμεῖς δώσομεν σοὶ χίλους καὶ ἑκατὸν ἀργυρίου*, Et nos dabimus tibi mille & centum argenti : sed hæc hæctenus.

Antiquissimis ergo temporibus siclus argenti & talentum argenti fuit, quem siclum sanctuarij & talentum sanctuarij scriptura vocat; auri verò siclus & talentum

fuit semis sicli & talenti sanctuarij. Posterioribus verò temporibus, qui fuit siclus auri, cœpit esse & argēti siclus; & quod fuit talentum auri, cœpit esse & argenti: quo factum est rursus, vt postquā siclus argenti didrachmus cœpit esse, siclus etiam auri dimidio minor, id est, drachmalis factus sit, vnde centum aurei drachmales minam efficiebant centum drachmarum, sicut historia sacra testatur. Nam secundi Paralipomenon capite nono scribitur Salomon fecisse trecenta scuta aurea trecentorum aureorum, quibus tegebantur singula scuta. Tertij autē Regum capite decimo pro trecētis aureis, legimus tres minas in Hebræo & in trāslatione Septuaginta & apud Iosephum. Quod si trecenti aurei drachmales essent, Iosephus Græcè loquendi obseruatissimus non tres, sed sex minas dixisset, aut saltem minæ interpretationem addidisset. Tempore igitur Salomonis siclus auri præter didrachmum fuit etiam drachmalis: non enim propter minorem maioris vsum penitus abolitum fuisse arbitrari debemus, sed præter minora pondera etiam maiora in vfu fuisse credendum est. Talē autem ponderum diminutionem etiam apud alias gentes fuisse diximus. Siculum enim talentum antiquum quidem fuit viginti quatuor nummorum, posterius verò duodecim nummorum; & apud Athenienses talentum octogenarium posterioribus temporibus dimidio minus factum

etum est, nempe quadraginta minarum. Progressu autem temporis, & hoc rursus est dimidiatum, ut quadrans talenti esset talentum. Hinc enim apud Suidam talentum dicitur moderna quatuor, & apud Pollucem legimus Syrium talentum fuisse mille & quingentarum drachmarum qui est planè quadrans Attici talenti. Sed locum Suidæ, cuius iam aliquoties fecimus mentionem, adscribemus: *τάλαντον* (inquit Suidas) *τοῦ ἀργυρίου τῶν νῦν τέσσαρες ἢ νομισματος ἢ καὶ 5. ἢ δὲ μὲν ἄ ἐξ ηκοσίων ἐστὶ τοῦ ταλάντου, τοῦ χρυσίου ἐξαπλάσιον ἐστὶ.* id est talentum argenti, sunt moderna quatuor & numismatica octo & sex, mina verò sexagesima pars talenti, auri autem talentum est sexcuplex. Siclus ergo antiquissimis temporibus argenteus quidem fuit tetradrachmus, aureus verò didrachmus. Posterioribus verò temporibus argenteus etiam didrachmus & aureus drachmalis etiam fuit: unde quod scribitur Genes. xxxvi, Ioseph venditus esse viginti siclis argenti, intelligemus vel viginti aureos didrachmos, vel pretium viginti aureorum didrachmorum, nempe centum siclos tetradrachmos. Machabæorum autem libri primi cap. x. quindecim millia siclorum argenti accipiemus, pro pretio quindecim millium siclorum auri drachmalium. Iosephus enim pro quindecim millibus siclorum scripsit quindecim Myriadas, hoc est, centum & quinquaginta millia drachmarum, decem drachmis, quæ

quinque siclos efficiunt, pro singulis siclis computatis. Ad eundem modum Genesis XLV. vbi Ioseph scribitur fratri suo Benjamin donasse trecentos argenti, intelligemus vel trecentos aureos octonum obolorum; vel trecentorum huiusmodi aurcorum pretium, nempe mille & quingentos siclos Ægyptios senum denum obolorum. Tertij autem Regum cap. x. vbi pretium equorum legitur, qui Salomoni ex Ægypto adducebantur, currus pro centum argenti, & equus pro quinquaginta argenti, sic enim transtulerunt septuaginta, intelligere debemus centum argenti pretium centum aurcorum quaternorum obolorum, nempe sexcentos siclos argenti Ægyptios octonum obolorum, non quod Ægyptium numisma apud Hebræos cuderetur, sed quod importato numismate Ægyptio Hebræi vterentur, & in contractibus cum Ægyptiis, rationibus & ponderibus vterentur Ægyptiorū. Probabile est enim hæc Hebræis vsitatissima fuisse propter vicinitatem vtriusque regni, & contractus qui inter finitimos frequentes fiunt, præsertim cum necessitudo etiam ex connubio regum Hebræis tunc intercesserit cum Ægyptiis. Ægyptius siclus habuit pondus, sicut diximus, sedecim obolorum Atticorum; aureus autem siclus dimidio minor fuit, nempe octo obolorum: qualem fuisse apud Athenienses ostendimus, qui talento Ægyptio nempe octogenario etiam vsi sunt.

sunt. Posterioribus autem temporibus siclus, ut apparet, apud Ægyptios dimidio minor factus est, sicut & apud Hebræos, ut argenteus esset etiam octo obolorum; aureus verò etiam quatuor obolorum, nostri ferè argentei què triplicem vocamus pondus habens: quod pondus etiam habuit siclus talenti parui, nempe sextæ partis talenti sanctuarij. Tales autem aureos fuisse apud Athenienses probabile est. Hinc enim videtur tetraobolum pro pretioso accipi. τετραόβολον Suidas interpretatur πολυτίμητον, id est, magni pretij. Alioqui quatuor oboli pro vili pretio accipiuntur, ut videre est apud Erasmum in Chiliadibus: fuisse autem siclum quatuor obolorum etiam Phavorinus Camertes nescio ex quo auctore annotavit. Cum igitur dicitur currus pro centum argenti, pretium centum aureorum quaternorum obolorum intelligemus, hoc est, sexcentos siclos argenteos octonum obolorum, quos Iosephus propter parvitatem drachmas vocavit. Sunt enim huiusmodi sicli drachmæ talenti Ægyptij octogenarij Atticis drachmis maiores, Ægineticis verò minores. Sic enim legitur apud Iosephum. Constituit autem Salomon (inquit) & mercatoribus Ægyptiis, ut adducètes venderent sibi currum cum duobus equis sexcentis drachmis argenti. Septuaginta autem, sicuti diximus, transfulerunt: Egrèdiebatur ex Ægypto ἀρχὴ αὐτῶν ἐκ τοῦ ἀγροῦ καὶ ἵππος ἀντὶ πενήκοντα ἀγροῦ, id est, cur-

currus pro centum argenti, & equus pro quinquaginta argenti. Centum argenti igitur pretium centum aureorum quaternorum obolorum intelligemus sexcentos videlicet argenteos siclos octonum obolorum. Alioqui si centum argenti hoc loco accipias pro pretio centum aureorum Hebraicorum, qui drachmæ Atticæ pondus habuerunt, aut Ægyptiorum, qui octonos obolos appendunt, reclamabit Iosephus: non enim centum huiusmodi aureorum pretium essent sexcentæ drachmæ, sed mille & ducentæ. Notabis autem hoc loco apud Septuaginta currum pro biga accipi, sicut & apud Iosephum. Si enim currus pro centum argenti, & equus vnus dimidio huius, hoc est, pro quinquaginta argenti, necesse est currum intelligamus bigam, non quadrigam. Secundo autem Paralipomenon capite primo, currus non pro biga accipitur, sed pro quadriga, etiam iuxta translationem Septuaginta, quamuis illo in loco translatio Septuaginta non satis integra sit; sic enim legitur: *καὶ ἐξήχον ἐξ αἰγύπτου ἄρμα ἐν χίλοις* (lego ἐν χίλοις) *ἀργυρίου, καὶ ἵππων ἑκατὸν καὶ ἑξήκοντα ἀργυρίου*, id est, Et educebant ex Ægypto currum sexcentis siclis argenti, & equum centum & quinquaginta argenti, repetito ex superiori, siclis, quare sexcentos siclos quibus quadriga emebatur, duplo maiores intelligemus, nempe senum denum obolorum; sexcentos autem siclos, quibus emebatur biga dimidio minores, nempe octo-

ononum obolorum, quos Iosephus, sicuti diximus, drachmas vocat; sic enim sexcenti sicli maiores efficient mille & ducentos siclos minores, nempe pretium duarum bigarum, vnius videlicet quadrigæ, & centum quinquaginta sicli maiores, efficient trecetos minores, quod est pretium vnius equi. Ad hunc igitur modum vterque locus de equis Salomonis consonus sibi inuicem esse reperitur, quod vel Scriba vel Rabini apud Hebræos non intelligentes, alterum locum ex altero castigauerunt; videbantur enim isti duo loci inter se pugnare, nec simul stare posse. Proinde nunc vterque locus in Hebræo eodem modo legitur, nec potest vterque nisi de quadriga intelligi, cum tamen ex translatione Septuaginta & Iosepho constet alterum de biga scriptum fuisse. Quod igitur sicus & talentum auri dimidium pondus sicli & talenti argenti habuerit, satis, ut puto, ostensum est. Sciendum tamen quod aurum interdum ad pondus argenti computatur, præsertim quando post summam argenti summa auri describitur: cuius rei exemplum est, quod superius citauimus, ubi rex Ægypti dicitur à Iudæis exegisse centum talenta argenti & talentum auri; & in Moyse libris, aurum frequenter ad siclum & talentum sanctuarij, sicut & argentum computatur. Sic apud Pollucem talentum auri dicitur decem talenta argenti, non quinque aut sex. Quin & argenti summa nonnunquam

quam numeratur ad pondus auri. Sicut lib. primo Paralip. cap. xxi, vbi David dicit se præparasse impensas domus Domini, auri talenta centum millia, & argenti mille millia talentorum; hoc loco enim argenti talenta, sicut & auri parua intelliguntur, quemadmodum ex Iosepho ostendimus; & cap. xxi eiusdem libri argentum numeratur ad siclos paruos nempe ponderis auri. Maiora tamen pondera principaliter argento fuerunt deputata, & minora auro, sicut supra ostendimus.

Præter aureos verò, de quibus iam diximus, fuerunt & alij maiores apud antiquos: Pollux docet apud Athenienses fuisse staterem, qui minam valuit, & minam stateram vocatam esse.

Budæus ex pretio coniicit staterem huiusmodi fuisse vncialem, id est, octodrachmum, quales etiam aureos credo fuisse apud Romanos, qui Atheniensium ponderibus & mensuris vsi sunt. vidimus multos tales, adulterinos quidem illos, non enim aurei fuerunt. sed aurum imitabatur elegantissimè ad exemplar, vt apparet, proborum aureorum facti, quorum ea magnitudo fuit, vt si auri essent, vnciam possent appendere. Sed & aureum huiusmodi extare audio apud Magnificum Dominum Ioannem Christophorum Castellanum Voinicensem Comitem à Tarnou, cum inscriptione Græca ΚΑΛΛΙΜΑΧΟΥ, cuius magnitudo citra vltra decem aureorum esse

esse dicitur. Si igitur octo drachmarum aureus fuit apud Athenienses, sex aureis constabat octonum obolorum, quemadmodum pretium aurei octo obolorum, sex argenteis constabat senum denum obolorum, quod pretium Hebraicè siclus dicitur. Sicut autem argentei stateris dimidium pondus habuit aureus; ita sicli, hoc est, sex argenteorum, aureus stater magnus dimidium pondus videtur habuisse. Sex enim aurei octonum obolorum, quibus constabat, semissem appendunt sicli sex argenteorum, nempe tres stateres senum denum obolorum, quæ fuit millesima talenti maioris Attici, quod idem cum Ægyptio fuit. Sicut talentum illud auri sex drachmarum, cuius supra mentionem fecimus ex Polluce, fuit millesima minoris talenti Attici, quod idem cum Hebraico talento fuit. Similes igitur aureos fuisse apud Hebræos & Ægyptios, quibus Athenienses sua pondera debent, probabile est, & siclos ita vocatos, sicut stateres apud Græcos, non solum ipsos aureos, sed & pretia eorum, hoc est, minas seu stateras. Hinc enim Iudicum nono septuaginta argenti (ita enim in Hebræo & apud Septuaginta legitur, subauditavoce, siclos, ut sit septuaginta argenti siclos) nostra trāslatio exponit septuaginta pondo argenti, & certè locus ille requirit hoc, ut septuaginta argenti maiorem summam intelligamus, quàm septuaginta aureorū didrachmorum pretium.

tium. Similiter Iosephus in antiquitatibus Ioseph venditum scribit viginti minis, viginti enim argenti, quod habetur in Hebræo, intellexit. Iosephus pretium viginti aureorum non minorum, sicut nos interpretati sumus ex Suida, sed grandiorum, qui scilicet singuli minam valerent. Sic igitur siclus aureus fuit non solum parvus nempe argentei sicli dimidium pondus habens, sed & grandior, nempe quinque sexve minores aureos appendens; & item pretium sicli aurei, quod etiam siclus dicitur, non solum quinque sexve argentei, sed & mina grandioris aurei pretium. Notabis etiam in talentis, quæ quinquies sexiesve talentum capiunt, quantum simplex continet talentum, siclum etiā quinquies sexiesve tantum esse, quantum simplex continet siclus, ut quod in simplici talento est argenteus vnus, hoc in huiusmodi talento sit auri vnus dimidio minoris pretium, & quod in simplici talento est pretium aurei sicli, hoc in huiusmodi talento sit pretium quinque sexve aureorum siclorum, hoc est, vnus grandioris aurei. His ita expositis, priusquam ad alia transcamus, nō inutile fortasse fuerit, & locum Matthæi expendere de pecunia, qua conductus Iudas Dominum prodidit. Apud Zachariam triginta argenti legimus, apud Matthæum *τριάκοντα ἀργύρια*. Est autē *ἀργύριον* Græcis pecunia argentea, sicut *χρυσίον* pecunia aurea. Et si quidem *τριάκοντα ἀργυρίου* scriptum

ptum haberemus, necessariò intelligere-
 mus triginta argenteos. Verùm cùm *τριά-
 κοντα ἀργύρια* scriptum sit, possumus intelli-
 gere triginta summulas, vt ita dicam, hoc
 est, triginta siclorum auri pretia. Nam
 quòd non triginta denarios hic intelligere
 debeamus, res ipsa arguit. Constat enim
 pecunia illa agrum emptum esse, in sepul-
 turam peregrinorum. Triginta autem de-
 nariis emi nò poterat: Quid enim tantillo
 pecuniæ emas? nam triginta denarij non
 multo plus valent quatuor taleris: quapro-
 pter hic triginta *ἀργύρια* accipiemus, pro
 pretio triginta siclorum auri. Vtebantur
 autem tunc Iudæi, vt constat ex Euange-
 liis, Romana moneta. Romanis autem au-
 rei didrachmales erant; quapropter x x x,
 aureorum huiusmodi pretium trecentos
 superat denarios. Quod si non numisma-
 tici, sed rudis, & inferioris notæ auri pre-
 tium intelligere volumus, x x x. sicli huius-
 modi auri efficiunt in decupla proportio-
 ne, trecentos denarios: æstimabatur autem
 vnguentum, quod in caput Domini effu-
 sum est, plusquam trecentis denariis. Iudas
 autem, sicut Ioannes scribit, indignabatur,
 quòd non esset trecentis denariis vendi-
 tum; vnde probabile est, Iudam tantum à
 Iudæis postulasse, & accepisse quanti vn-
 guentum valere putabat, vel quanti non
 esse venditum indignabatur.

DE SICLO ÆRIS ET

F. E. R. R. I.

Siclum æris & ferri eundem fuisse, probabile est; quantus autem fuerit hic siclus, non satis constat: Siclum tamen æris omnino non minorem fuisse argenti siclo, credere debemus, sed aut maiorem, aut certè parem; neque enim probabile est, vilioris metalli minorem fuisse siclum. Secundi Regum cap. xxi. Philistæi cuiusdam de genere Gigantum pondus hastæ scribitur fuisse, iuxta translationem Septuaginta, trecentorum siclorum ponderis æris, unde discimus fuisse siclum, qui peculiari-ter siclus ponderis æris vocabatur: nempe, diuersus à siclo argenti. quod si diuersus fuit, maior fuit; non enim quòd minor, sed quòd maior esset diuersus erat: comprobatur hoc & nostra translatio, quæ pro trecentis siclis, habet trecetas vncias. Cuius (inquit) hasta, trecentas vncias appendebat. Vt sit siclus æris duplo maior siclo argenti, sicut argenti siclus, duplo fuit maior quàm siclus auri. & primi Regum cap. x i i i. scribitur in vniuersa terra Israël non fuisse fabrum ferrarium, quod Philistini cauissent ne Hebræi gladium facerent, aut hastam. Vnde vniuersus Israël, descendebat in terram Philistinorum ad fabricanda instrumenta, agriculturæ necessaria. Instrumēta autem fuerunt, iuxta translationem Septuaginta, tres sicli in dentem, seu vomerem, & securi
atque

atque falci idem fuit pondus, seu, vt verbis Septuaginta vtar, eadem hypostasis, seu substantia. Quod & si videtur dictum ad ostendendam paruitatem instrumentorum; siclum tamen ferri, arguit maiorem fuisse argenti siclo, nempe, tetradrachmo. Atque hæc caussa videtur esse, quod æris & ferri summa nunquam recensetur in scriptura, ad siclum sanctuarij, sicut argentum & aurum, nimirum quod siclus hic, diuersus & maior sit tetradrachmo, & semivnciali siclo. Sic igitur siclus æris & ferri, videtur fuisse maior siclo argenti. At si pondus armorum Goliath expendamus, diuersum reperiemus, nempe siclum æris & ferri, semivncialem fuisse. Lorica Goliath, habuit pondus quinque millia siclorum, æris & ferri; hasta autem eius, immò non hasta sed ferrum hastæ, sexcentos siclos ferri habuit. fac siclum æris & ferri semivncialem fuisse, quinque millia siclorum efficient ducentas minas, & sexcenti sicli, viginti quatuor minas; quibus addatur pondus conti, seu hastilis, quod erat quasi liciatorium textentium, & item gladij, galeæ, ocrearum ærearum, & clypei ærei qui humeros eius tegebat. Hæc enim singula, pro magnitudine prædictorum iuxta proportionem competentem, magnitudinem suam habuerunt, vnde coniuncta simul omnia arbitror plus habuisse ponderis quàm thoracem cum ferro hastæ. Atq; ita pondus vniuersorum armorum Go-

liath ascendet vltra quadringentas minas. Budæus iustum pondus baiularij dicit esse centum sexaginta libras zygoftaticas Parisienses quæ ducentas ferè minas efficiūt, seu duos centenarios. Arma igitur Goliath plusquam duorum baiulariorum est iustum pondus, habuerunt. Si autem siclum æris & ferri vncialem intelligemus, duplo maius pondus armorum ipsius statuamus necesse est, vt arma Goliath, plus quàm quatuor baiulariorum habuerint pōdus; quod videtur esse impossibile, præsertim cū armatum, non ita oneratum esse armis conueniat, vt tantum ea ferat, sed vt armatus expeditè & pugnare, & currere, & alia id genus facere, quoties opus est, valeat: quod viro dimidium iusti oneris, vt puto, adimet. Plutarchus in Demetrii exercitu scribit fuisse Alcimum quendam Epirotam, qui solus panoplia duorum talentorum utebatur, cū alij panopliam dimidio minorem gestarent, nempe vnus talenti. Alcimus igitur, duorum virorum gestabat arma, nempe, duorum centenariorum, vt iam concedamus ibi talenta cētenarum minarum esse intelligenda. Goliath autem, plusquam quatuor virorum, si, inquam, siclum æris & ferri, semivncialem intelligamus; alioqui si vncialem accipias siclum, bis tantum erit pondus armorum Goliath, quod fidem excedere videtur. Ex prædictis igitur apparet quòd siclus æris & ferri institutus sit duplo maior quàm

quàm argenti, nempe vncialis. Ceterùm sicut argenti siclus, quamuis tetradrachmus esset institutus, cœpit esse & didrachmus: ita siclus æris & ferri, vt apparet, cœpit esse & semivncialis, etiam si propriè siclus æris & ferri diceretur, qui vnciam appenderet: sic igitur quinque millia siclorum thoracis Goliath & sexcentos siclos, quos ferrum hastæ ipsius appendebat, semivnciales siclos intelligemus. Trecentos autem illos siclos hastæ alterius Philistini vnciales intelligemus siclos, qui propriè sicle æris dicuntur, vt hasta trecentorum siclorum, idem pondus haberet cum ferro hastæ Goliath, pro miraculo enim & illa hasta refertur, vnde & pondus eius ingens fuisse credendum est. An autem, sicut argenti siclus dicitur & vnus tetradrachmus siclus, & quinque sexve tetradrachmi sicle & mina argenti; ita etiam æris ferrive siclus, dicatur & vnus vncialis siclus, & quinque sexve vnciales sicle, & libra seu mina ferri, non constat, nisi quod locus ille, quem ex translatione Septuaginta de instrumentis rusticorum adduximus, tale aliquid innuere videtur: qualis enim securis, ex tribus ferri vnciis esse potest? quare sicle ferri illo in loco videntur esse accipiendi, pro libralibus, aut quincuncialibus sexuncialibusve sicle, quod quidem non in ponderibus tantum, sed & in mensuris tam aridorum, quàm liquidorum fuisse obseruauimus. Quin & in Geometricis mensuris hoc idem deprehenditur,

ditur, cubitus enim antiquitus apud Geometras fuit, qui in sex cubitos simplices ducitur, sicut Origenes & Augustinus annotarunt, super Genesim, vbi Noë dicitur fecisse arcam trecentorū cubitorum. Hæc habuimus de siclo æris & ferri, de siclo argenti & auri, de talento sanctuarij, de talento publico, maiori & minori, & item de regio, & Ægyptio talento: superest iam vt ad mensuras Hebraicas veniamus, quod & faciemus, deo fauente, si prius paucis dixerimus vnde pōdera Hebraica ad Babylonios & Græcos peruenierint. Ad Babylonios igitur peruenisse videntur, cum Hebræi latè in Syria imperarent, à mediterraneo mari, ad Mesopotamiam vsque; aut certè, cum Chaldæi Hebræos Phœnicas & alias gentes, in Syria armis subegissent. Ad Græcos autem transmarinos homines peruenisse videntur pondera Hebraica, non ab Hebræis mediterraneā incolētibus, sed vel ab Ægyptiis vel à Phœnicibus Hebræis vicinis, quod & probabilius est, Phœnicū enim cum Græcis antiquissima cōmertia fuisse, ex Homero & Herodoto discimus. Quod autem Phœnices iisdem pōderibus vterentur, quibus Hebræi, colligitur etiam ex Iosepho qui libro secundo de bello Iudaico, Tyrij numismatis meminit, quod quatuor Atticas drachmas valuit, sicut & siclus Hebraicus, vt Tyrium numisma idem fuerit cum siclo Hebraico: sed de his, lectorem paucis admonuisse sufficiat.

DE MENSVRIS HEBRAICIS.¹⁰³

NOMINA MENSVRARVM QVÆ
HIC EXPLICANTVR.

ARIDORVM.

Gomor, *sive* Homer,
Corus,
Lethek,
Epha,
Satum,
Assaron, *seu* Gomor,
Cabus.

LIQVIDORVM.

Bathus,
Hin,
Log,
Corus,
Homer, *seu* Gomor,
Schalis & satum.

DE MENSVRIS ARI-

D O R V M.

CORVS aridorum maxima mensura.

Corus & Gomor idem, sicut Rabini docent, & translatio Septuaginta, quæ pro Gomor sæpe corum interpretatur. Hoc tamen interest, quòd Gomor est vox antiquior, & Hebræis vsitator, & vt ita dicam, magis vernacula. Corus autem, quem Hebræi Cor dicunt, vox non perinde antiqua videtur, nec ita Hebræis vsitata. Non enim vel in Mosi libris, vel apud prophetas, vsquam reperitur, præterquam apud Ezechielem, Esdram, & in libris Regum, ac Paralipomenon, & videtur ad Hebræos ab externis peruenisse; quibus, vt apparet, magis vsitata quàm Hebræis fuit: id quod ex scriptis Iosephi, & Septuagintæ translatione colligi potest. Iosephus enim Græcè scribens, cori voce sæpe utitur. Gomor autè, vox nusquam in scriptis eius reperitur. Septuaginta verò pro Gomor, sicut diximus, sæpe corum interpretantur, quod satis arguit, externis vocem hanc magis notam, & vsitatam fuisse, contrà quàm Hebræis, quibus vocem Gomor, magis vsitatam & vernaculam fuisse constat.

Corus igitur, vt Epiphanius, episcopus Salaminis eius, quæ in Cypro est, scribit, triginta modios capit, hoc est, sex medimnos. Nam Salaminus medimnus in quinque modios diuidebatur, vt Epiphanius
dq-

docet. Probabile autem est, Salaminios medimnum Romanum habuisse : quandoquidem etiam pondera habuerunt Romana, vt ex eodem Epiphanio discimus. Libra enim apud Salaminios, fuit duodecim vnciarũ, & vncia, octo drachmarum. Sed quòd medimnus Salaminius idem esset cum medimno Romano, ex eodem Epiphanio potest euidentius probari. Satum enim, quod Iosephus dicit capere sesquimodum Italicum, Epiphanius dicit capere modium Salaminium, & quadrantem, vt quatuor sata, quæ sex modios Italicos constituunt, hoc est, medimnum Romanum, quinque Salaminios modios efficiât, nempe, medimnum Salaminium. Si igitur quatuor sata constituunt medimnum Salaminium, & medimnum Romanum; necesse est, Salaminium medimnum, cum Romano æquales esse. Nec mouere quenquam debet, quòd apud Romanos medimnus, sex modiis constat : Salaminius verò, quinque modiis. Sic enim medimnum antiquitus, alij in quinque, alij in sex modios partiebantur, etiamsi interdum vnus & idem esset medimnus. Vnde Budæus ex Cicerone annotauit medimnũ Romanũ, Ciceronis tempore, Siculis in vsu fuisse, quem tamen illi in quinque, non sicut Romani in sex, diuidebant modios. Quòd autem corus, seu gomor, sex caperet medimnos, testis est Eupolemus, scriptor Græcus, qui dicit corum Hebraicum, sex artabas

capere, vt videre est, apud Eusebium libro nono de præparatione Euangelica. Et Septuaginta Esaia quinto, eorum eodẽ modo interpretati sunt sex artabas. Artaba autem, vt videre est, apud Hesychium & Suidam, capiebat Atticum medimnum: est & mensura Persica Artaba, quæ, vt Herodotus scribit, Atticum medimnum superabat, tribus chœnicibus Atticis, vt artaba Persica chœnices Atticos quinquaginta & vnum caperet: Atticus autem medimnus, quadraginta octo. Hic autem sex artabas, non Persicas mēsuras, sed Hebraicas, sex Atticis medimnis pares, intelligere debemus. Nam Athenienses, sicut ponderibus, ita & mensuris iisdem, quibus Hebræi, vsi sunt: id quod inferius magis apparebit. Similis cori Hebraico fuit Cypsele, mensura apud Athenienses, sex medimnos capiens, cuius etiam fit mentio apud Aristophanem in Pace, καὶ τοῦ λίθου ἐμβαλόντες ἐξ ἐμὲ διμνον κυψέλω ἀπώλεσαν, id est, Ac meā iniecto lapide, sex medimnos capientem Cypselem confregerunt. Sed quantitas cori manifestius etiam est ostendenda. Sciendum itaque, quod decima cori pars, dicitur corus, sicut decima talenti talentum. Vnde quod tertij libri Regum cap. quinto legitur, Salomonem Tyrriorum regi quotannis præbuisse viginti millia coros tritici: Iosephus pro viginti millibus, scripsit duomillia, decem coros, pro singulis coris cōputans: quod cū ita sit, videamus alterū

Iose-

Iosephi locum, qui libro antiquitatum tertio, sub finē, hisce verbis legitur. ἀλλὰ καὶ τοῦδε τοῦ πολέμου μικρὸν ἐμφορθεὶν κλαυδίου ῥωμαίων ἀρχόντος, ἰσμαήλου δὲ παρ' ἡμῖν ἀρχιερέως ὄντος, καὶ λιμοῦ τὴν χώραν ἡμῶν καταλαβόντος, ὡς τεσσάρων δραχμῶν πωλεῖσθαι τὴν ἀσπάρῳνα, κομισθέντος ἀλεύρου καὶ τὴν ἐστὶν τῶν ἀζυμῶν εἰς κόρους ἐβδομήκοντα (μέδιμνοι δὲ οὗτοι σικελικοὶ μὲν εἰσὶν εἰς καὶ βιάκοντα, ἀπικτοὶ δὲ τεσσαράκοντα εἰς) οὐδεὶς ἐτόλμησε τὴν ἐρέων κρίνον ἐν φαγεῖν. id est, Quin & paulo ante Iudaicum hoc bellū, principatu Claudij, pontificatum apud nos Isinaële obtinente, cū tam valida fames regionem nostram premeret, vt assaron quatuor drachmis veniret, & in festiuitate azymorum, allati essent farinæ cori septuaginta (qui sunt medimni, Siculi quidem vnus, & triginta; Attici verò, quadraginta vnus) nemo tamen sacerdotum ausus est micam vnā inde comedere. hæc Iosephus. Septuaginta cori parui, id est, decimæ, efficiunt integros coros septem. Si autem septem cori, quadraginta & vnum medimnum Atticum efficiunt; necesse est eorum vnum capere sex Atticos medimnos, modio ferme vno, id est, sexta medimni parte minus. Atque ita artaba Hebraica, sexta pars cori, Attico medimno minor erit, ferè chœnice & triente, vt inter Hebraicas, & Atticas mensuras, ea sit differentia, quæ est inter rāsas & cumulatas mensuras; facile enim medimnus, pro auctuario chœnicem, & trientem, atque ad eò etiam amplius admittit. Iam igitur iuxta hanc supputa-

putationem,corus Hebraicus pauxillo minus, quàm sex Atticos medimnos capiebat, quod tamen de minori coro intelligendum est. Fuit enim præter hunc, alius maior, qui, vt Iosephus libro antiquitatum quindecimoscribit, capiebat Atticos medimnos decem. ὁ δὲ κόρος δύναται μεδίμνους ἀκτὶ-
κούς δέκα. valet autē (inquit) corus Atticos medimnos decem. Vnde oritur dubium, si maior corus decem Atticos medimnos capit, quomodo minor non integros Atticos sex capiebat; necesse est enim, si maior decem Atticos medimnos capit, minorem Atticos etiam sex capere; aut si minor non integros sex Atticos capit, maiorem quoq; non integros decem capere, vt proportio inter eorum, & eorum, conseruetur; alioqui nulla proportio ratiocinabilis esset inter has mēsuras, quod est absurdum. Quare dicendum, aut Iosephum discrimen, quod est inter medimnos Atticos, & corū maiorem Hebraicum, propter exiguitatem neglexisse, sicut Herodotus, & Iulius Pollux talentum Babylonium septuaginta Euboicarum, seu Atticarum minarum pōdus habere dixerunt; & tamen, ex ipsius etiā Herodoti supputatione, paulo maius esse constat septuaginta minis Euboicis. Et Ælianus manifeste docet, Babylonium septuaginta duas minas Atticas appendere. Sic igitur, & hic tenue discrimen, quod est inter decem Atticos medimnos, & Corum Hebraicum potuit neglexisse Iosephus.

phus. Aut inter sacras mensuras, & publicas fuit aliquid discriminis, fortasse quòd publicas cum auctuario metiendi esset còsuetudo, aut confertas & coagitatas, nam & hanc consuetudinem metiendi fuisse antiquitus, ex euangelio discimus. In sacris autem, non licuit quicquam addere, sicut nec minuere: vnde si septuaginta cori sacri, de sacris enim locus ille Iosephi intelligitur, efficiunt quadraginta vnum medimnum Atticum, totidem publicæ mensuræ, si aliquanto plenius admetiebantur, facile quadraginta duos Atticos medimnos efficere possunt, ita vt in singulos decem coros, qui vnum integrum efficiunt, sex integri Attici medimni cedant. Sed hæc lectoris iudicio permittimus. Corum itaque statuemus, maiorem quidem decem Atticos medimnos, minorem verò sex capere; aut si quod discrimen fuit, non tale tamen putandum est fuisse, vt ob hoc, aut ille decem Attici medimni, aut hic sex dici non possit.

Quod cùm ita sit, superest, vt de regio dicamus coro, quod & facturi sumus, vbi prius de partibus, in quas diuiditur corus, dixerimus.

DE DIVISIONE CORI.

Corus in decimas, & duodecimas diuiditur, sicut annus etiam antiquitus diuidebatur. Non enim sine respectu temporis,
anti

antiqui mensurarum suarum, & ponderum
modos instituisse videtur. Hinc illi Fannij
versus, de scrupulis, quæ grammata dicun-
tur Græcis :

vnde putandum

*Grammata dicta, quod hæc viginti qua-
tuor in se*

*Uncia habet, tot enim notis vox nostra
notatur,*

*Horis quot mundus peragit, noctemque
diemque.*

Et de vncia.

*Vncia in libra pars est, quæ mensis in an-
no.*

*Decima anni annus dicitur, secundi Re-
gum quindecimo: post quadraginta autem
annos dixit Absalon ad regem David. Si-
militer apud Septuaginta, & in Hebræo le-
gitur. Iosephus autem pro quadraginta di-
xit quatuor. Transactis (inquit) postquam
reconciliatus est patri quatuor annis, μετα
δὲ τὴν τοῦ πατρὸς μεταλλαγὴν τεσσάρων ἐτῶν ἢ διη-
λυθόντων. vides vt hic denos annos, Iosephus
pro singulis annis computat. Quod autem
duodecima anni quoque, hoc est mensis,
ipse dicatur annus, testis est Plinius qui an-
num Ægyptiis senio lunæ determinari di-
cit. Hinc & apud Romanos annus ab ini-
tio in decem partes diuisus fuit; postea ve-
rò*

rò in duodecim. Sed ad corum redeamus. Decima cori dicitur corus, sicut ostendimus ex Iosepho, & tales coros intelligere debemus Numeri vndecimo, vbi de coturnicibus scribitur. Sed præstat integrum locum hic adscribere. Dixit Dominus ad Mosen: Populo quoque dices, sanctificamini, cras comedetis carnes; ego enim audiui vos dicere: Quis dabit nobis escas carniū? bene nobis erat in Ægypto. vt det vobis Dominus carnes, & comedatis non vno die, nec duobus, vel quinque, aut decem, nec viginti quidem, sed vsque ad mensem dierum, donec exeat per nares vestras. & infra. Surgens ergo populus, toto die illo, & nocte, ac die altera, congregauit coturnices, qui parum decem coros. Hactenus verba Scripturæ. Decem cori parui, id est, decimæ efficiunt vnum corum integrum, sex aut decem medimnorum: sed esto efficiant sex medimnos, decem parui cori: Sex medimni frumenti sufficere possunt in mensem alicui cum familia, quatuor enim modij apud Romanos, antiquitus dabantur in mensem seruis, vt scribit Donatus, & militibus, vt Polybius testatur de Romana militia, vnde sex medimni qui modios triginta sex efficiunt, sufficere possunt in mensem nouē hominibus. Quod si frumēti sex medimni sufficiunt nouem hominibus in mensem; multo magis, sex medimni carnis, possunt sufficere. Nec enim homo, quotidie tantum carnis co-

me-

medere potest quantum panis. Quod si quis hoc loco decem coros, non decimas cori, sed integros coros velit intelligere, vide quàm sensus non quadrabit cum verbis scripturæ. Decem cori senum medimnorum, sexaginta medimnos Atticos efficiunt; quæ summa, non in mensem, sicut scriptura dicit, sed in annum sufficeret alicui cum familia. Multo magis autem, si coros maiores intelligamus. Hanc igitur absurditatem Hebræi vitare volentes, ignari corum decimam cori quoque dici, pro decem gomor, decem cumulos interpretantur, nihilominus absurde: quid enim certi hæc expositio affert? Omnino enim scriptura, cum dicit decem coros, certum aliquid his verbis indicare voluit, quare cum dicitur, qui parum decem coros, decem coros, intelligemus paruos, nempe decimas; quæ sex medimnos Atticos efficiunt. Decima cori sex medimnorum, ferè tres modios Atticos, quos illi hecteas vocant, & semissem capit. Maioris autem cori decima est medimnus Atticus, duo Cracouienses coreti. Sed de cori decima hætenus.

Duodecima cori, Hebræis dicitur epha, Ægyptiis autem œphi, sicut Septuaginta transferre solent. Ægyptia enim videtur hæc vox, non Hebraica. Sic enim ut plurimum Ægyptiorum vocabula, desinunt in i. sicut videre est in iis quæ apud auctores leguntur voces Ægyptiæ, quas proinde
Græci

Græci in is vel in forma Græca, efferre solent, vnde Hesychius quoque œphin, iuxta formam Græcam dixit. œphin, inquit, est mēsurā Ægyptia, quatuor chœnicum. Hinc discimus Ægyptiis hanc vocem fuisse in vſu, à quibus, vt puto, ad Hebræos peruenit. Porro chœnices quatuor, sunt duodecima pars medimni. Medimnus enim, pro quantitate sui, quadraginta octo chœnices continet. Sed ad Hebraicam epham redeamus. Ephā, vt Hieronymus testis est, tres capit modios, id est, semimedimnum, quod quidem ex Iosepho videtur hausisse Hieronymus. Iosephus enim assaron mensuram, hoc est, decimam partem ephi, septem cotulas Atticas capere testatur, libro Antiquitatum tertio, hoc est, duos chœnices Atticos, & trientem; vnde decem assarones, seu ephā, septuaginta cotulas Atticas, hoc est, viginti tres chœnices, & trientem efficiunt, quæ mensura semimedimno Attico, duobus tantum cotulis est minor; nam viginti quatuor chœnices, semimedimnum efficiunt; & XLVI I, medimnum. Duæ igitur ephæ, Attico medimno, quatuor cotulis tantum, hoc est, chœnice, & triente minores erunt. Atque ita duodecim ephæ, efficient eorum, sex medimnōs Atticos capientem, modio tātum vno deficiente: quæ supputatio, vt vides, ad vñguem conuenit cum illa superiori, de septuaginta coris. Quod igitur ephā, sit duodecima pars cori, satis, vt puto, euidenter

H

osten-

ostendimus. Epham Septuaginta interdū exponunt æphi, interdum, *τρία μέτρα*, id est, tres mensuras : vnde quod habetur Exodi x v i. Gomor autem est decima pars ephi, Septuaginta transtulerunt· *τὸ δὲ γόμερ τὸ δέκατον τῶν τριῶν μέτρων ἦν.* hoc est, Gomor autem, decima pars trium mensurarum erat. Et Esaia quinto, pro eo quod in Hebræo legitur, Sementis homer faciet epham: Septuaginta transtulerunt, Qui seminat artabas sex, faciet mensuras tres: *ὁ σπείρων ἀρταβὰς ἕξ, πέντε μέτρα τρία.* Gomor seu ephi exponunt sex artabas. Epham verò tres mensuras. Sic igitur & nostra translatio, pro epha, frequenter tres modios habet, translationem Septuaginta in hoc sequuta. Septuaginta enim, pro modio, mensuram dicunt, propterea, quòd modius Hebræis mensuram sonat; non enim modius Græca vox est, sicut nec mina, nec cadus, nec lagynum seu lagena. Sed hæc, & similia à barbaris perueniunt ad Græcos. Quærendum autem est hoc loco, quo nomine istæ tres mensuræ, seu modij epham constituentes vocentur apud Hebræos. Chaldaica igitur paraphrasis docet, fata vocari tres huiusmodi mensuras, seu modios. Nam Exodi sedecimo, quod Septuaginta transtulerunt; Gomor autem, decima pars trium mensurarum fuit; Chaldaica paraphrasis ita habet: Gomor autem (inquit) est vnum de decē, in tribus satis. quorum verborum sensus est; Gomor esse vnam de decem mensuris, quæ

quæ tribus continentur satis. Hoc loco paraphrastes Chaldæus, vt vides, epham, seu tres mensuras, vocat tria fata. Quin & Septuaginta passim fatum interpretari solēt, μέτρον, id est, mensuram seu modium, & tria fata. Gen. xviij, τρία μέτρα interpretati sunt, eodem modo, quo epham solent interpretari, vt iam nemini dubium esse possit, epham tria fata efficere, ita vt fatum sit tertia pars ephæ, id est, modius Atticus, seu Romanus. Si igitur corus, vt iam probauimus, duodecim capit ephas, & epha tria fata; sequitur eorum triginta sex continere fata. Atque, vt in cōpendium reducamus ea quæ diximus, Decima cori dicitur corus, & duodecima cori dicitur epha. Epha diuiditur in tria fata, & decima pars ephæ, dicitur Gomor, seu assaron. Gomor autem, id est, decima ephæ, apud Hebræos non iisdem litteris, quibus Gomor, hoc est, corus scribitur. Nam Gomor pro coro, per aspirationem scribitur homer: Gomor autem, id est, assaron, sine aspiratione per litteram ain. Epha ad eorum paruum, qui est decima cori, eam proportionem habet, quam habent decem ad duodecim: vnde si epha decem assarones continet, corus, hoc est, decima cori, cōtinebit duodecim. Diuisionem in minutiora persequi non possumus. Interim autem monendus est lector, quod pro magnitudine cori, est partium cori magnitudo: vt exempli causa, Corus sex medimnorum, decimā habet,

tres modios Romanos ferme, & semissem;
nempe duodecim assarones continentem.
Corus autem maior, decimam habet sex
modios Romanos, hoc est, medimnum ca-
pientem. Eadem ratione corus sex medim-
norum satum habet modium Romanum
capiens. Corus autem decem medimnorū
satum, hoc est, tricesimam sextam partem
habebit, aliquāto maiorem sesquimodio:
&c. Sciendum item est, quod sicut talen-
tum diximus, diuidi non solum in deci-
mas, & duodecimas, sed etiam in quintas,
& sextas: ita Corus, præter prædictā diui-
sionem, etiam in sextas diuiditur. Nam se-
xtas in mensuris Hebraicis annotare po-
tuimus, quintas non item. Sexta minoris
cori est artaba Hebraica, nempe medim-
nus Atticus, eadem cum decimā cori ma-
ioris: vnde si decima cori dicitur corus; se-
quitur, & sextam quoque dici eorum, cum
sexta minoris cori eadem sit cum decimā
maioris. Sic igitur, & artaba, seu medim-
num, dicitur corus. Maioris autem cori se-
xta, sunt decē modij Romani. Maior enim
corus, decem Atticos, seu Romanos me-
dimnos capit, qui sunt sexaginta modij. De
sexaginta igitur sexta pars sunt decem mo-
dij, quæ mensura eadem ratione, corus seu
homer dicitur. Huius mensuræ decima,
erit modius Ezech. XLV, iuxta translatio-
nem Septuaginta: ita legimus; Decimā
pars Gomor mensura. Mensuram autem
Septuaginta, sicuti diximus, solent vocare
mo-

modiū. Sic igitur intelligemus, decimam Gomor seu cori esse modium. In Hebræo autem habetur decima pars Gomor epha. Sciendum igitur est, quòd Septuaginta epham interdum transferunt ephi, interdum tres mensuras, sicuti diximus; interdum etiam, vt hic mensuram, hoc est, modium, quos secutus auctor translationis nostræ epham interdum ephi interpretatur, interdum tres modios, interdum etiā modium, vt Leuitici xix. quod habetur in Hebræo epha iusta, & hin iustus, nostra translatio habet modius iustus, & sextarius iustus. videtur enim corus antiquissimus, fuisse duodecim medimnorum, qui ad minorem duplam haberet proportionem, sicut talentum sanctuarij, quod antiquissimum constat fuisse, duplam habuit proportionem ad talentum minus publicum. Huius autem cori sexta fuerit duo medimni, id est, duodecim modij. Atque ex eo modius, seu solum ephæ nomen accepisse videtur, quòd scilicet esset duodecima pars Gomor, seu cori duos medimnos capientis, & postea etiam idem nomen retinuisse, etiam si postea decima Gomor non duodecima esset. Atque ex hoc loco Ezechielis non intellecto, Iudæorū Rabini dicunt epham decimam partem cori esse mensuræ magnæ, nescientes vocem Gomor, & ephæ variè in scriptura accipi. Sed & locus ille Ezechielis, non alium sensum requirit, quàm quem habet translatio Septuaginta.

ta. Præcipitur enim illic de menfuris & ponderibus, quibus pauperes circumueniebantur à diuitibus, nempe de paruis, id quod satis arguunt & pondera, quæ illic nominantur, nempe x x oboli, x v sicli, x x sicli, x x v sicli. Vides hic nullam mentionem fieri magnorum ponderum, sed tantum paruorum, quibus tenues quotidie circumueniebantur. Sed locum illum Ezechielis hîc apponemus, iuxta translationem Septuaginta. ζυγὸς δίκαιος καὶ μέτρον δίκαιον καὶ χοῖνιξ δίκαια ἔστω ὑμῖν τοῦ μέτρου, καὶ χοῖνιξ ὁμοίως. καὶ ἔσαι τοῦ λαμβάνειν τὸ δέκατον τοῦ γρομὸρ χοῖνιξ, καὶ τὸ δέκατον τοῦ γρομὸρ τὸ μέτρον. πρὸς τὸ γρομὸρ ἔσαι ἴσον. καὶ σάθμιον εἴκοσιν ὀβολοι, εἴκοσι σίκλοι, πέντε καὶ εἴκοσι σίκλοι, δέκα καὶ πέντε σίκλοι ἔσαι ὑμῖν. id est, statera iusta, & mensura iusta, & choenix iustus sit vobis mēsuræ & choenix similiter: & erit vt accipiat decimā Gomor choenix, & decimā Gomor mēsurā, ad Gomor erit æqualis, & appēdiculū (σάθμιον significat autē pondusculum, quod lancibus imponitur, *gvuicht*) viginti oboli, viginti sicli, quinq; & viginti sicli, decē & quinq; sicli erit vobis. Sic legitur hic locus apud Septuaginta, in exemplaribus vulgatis Græcis. Apud Hieronymū autem, ita legitur translatio Septuaginta: Statera iusta, & mēsurā iusta, & choenix iustus erit vobis ad mensuram, & choenix similiter, vnus erit ad accipiendum. Decimā pars Gomor choenix, & decima pars Gomor ephi. Gomor erit æquum, ad pondus viginti oboli, viginti sicli, quinque & viginti sicli

ficli, & quindecim ficli mina erit vobis. Translationem igitur Septuaginta, & Græcam posuimus, & ex Hieronymo Latinā, vt altera lectio possit ex altera emendari. In Hebræo itaque quod Septuaginta transtulerunt, mensura habetur epha: vnde epham accipiemus hoc loco, pro modio, nempe, pro decima parte Gomor, seu cori decem modiorum. pro choenice autem in Hebræo legitur bath, quæ vox de mensuris liquidorum tantum dicitur. Neq; enim vel in scriptura, vel apud auctorem quenquam extat mentio bathi aridorum mensuræ. Sed & locus Ezechielis postulat, vt bath intelligamus hoc loco mensuram liquidorum: præcipitur enim hic de ponderibus, & mensuris, quibus pauperes circumueniebantur: circumueniuntur autē mensuris, non solum aridorum, sed & liquidorum, puta olei, mellis, vini. &c. quapropter alterum Gomor hic intelligemus mensuram liquidorum, cuius decima est bath, seu choenix mensura parua liquidorum, etiā si choenix apud Græcos de aridis ferè dicitur. Sed Septuaginta abusi sunt hac voce, certa de caussa, vt postea dicemus. Quod autē Gomor fuisset mensura liquidorum, & bath decima ipsius, eodem capite apud Ezechielem legitur, iuxta translationem Septuaginta. *καὶ αὕτη ἡ ἀπαρχὴ ἥν ἀφορκεῖτε ἐκτὸν τοῦ ὕφει ἀπὸ τοῦ κόρου τοῦ πυροῦ καὶ ἐκτὸν πῦ ὕφει ἀπὸ τοῦ κέρου τῶν κριθῶν. καὶ τὸ φρόσγμα τοῦ ἐλαίου ἀπὸ δέκα κεπλῶν. ὅτι αἱ δέκα κοτύλαι εἰσι γρόμος.* id est, & hæ sunt primi-

tia, quas separabitis, sextam partem ephi de coro tritici, & sextam partem ephi de coro hordei, & præceptum olei de decem cotulis, quia decem cotulæ sunt Gomor. Quod hic dicitur decem cotulas esse Gomor, in Hebræo habetur, decem bath sunt homer seu Gomor: unde homer seu Gomor fuisse etiam mensuram liquidorum, decem bath seu cotulas capientem, ex hoc loco manifestè discimus, etiâ si Rabini multiplicem acceptionem bath & Gomor ignorâtes, longè secus hæc intelligant, quorum errorem etiam nostri sunt imitati: quæ de re plura dicemus, cum de mensuris liquidorum tractabimus. Nunc autem postquam de maiori & minori coro diximus, & item de cori partibus, superest ut de regio quoque dicamus coro: apparet enim reges antiquitus pondera & mensuras suas habuisse, quæ peculiari nomine Regiæ dicebantur, nec id apud Hebræos solum, sed & apud alias gentes regibus usu venisse credendum est. Nam & Herodotus scribens de rebus Persicis cubiti quoque regij meminit, quem vulgari cubito dicit maiorem tribus digitis fuisse. Maiores mensuræ apud Hebræos regiæ peculiariter dictæ, sicut & pondera, sesquiplam habuerunt proportionem ad minores mensuras, quas minores communes cum aliis suæ gentis hominibus habuerunt. Batus regius maior, sequibatam minorem capiebat, sicut ostendimus inferius. Sic igitur & de aridorum
men-

mensuris sentiendum est. Corus maior regius sesquicorū capiebat minorem. Vnde corus maior nouem medimnorum erit.

Quam autem proportionem corus ad corum, eam & partes cori vnius ad partes alterius habuerunt. verbi gratia : Satum minoris cori capiebat modium, ergo satum maioris cori sesquimodius fuit. Quod autem fuisset satum sesquimodium capiens Italicum seu Romanum, testatur Iosephus libro Antiquitatum nono. Ex parte autem totum cognoscitur, & ex toto pars, sicut de ponderibus quoque diximus.

DE CORO ÆGYPTIO.

SICUT talentum Ægyptium, ad talentum minus Hebraicum, eam proportionem habuit, quam habent octo ad sex; ita & corum Ægyptium, eandem proportionem habuisse ad minorem corum Hebraicum, credere debemus: colligitur id ex mensuris Græcorum, qui sicut ponderibus, ita & mensuris Ægyptiorum vsi sunt. fac enim corum Ægyptium, octo medimnos Atticos capere; sexta pars eius erit mensura modiorum octo, sicut Hebraici cori sexta pars fuit sex modij. Octo enim medimni Attici efficiunt modios quadraginta octo, quorum sexta pars sunt octo modij, Siculus medimnus videlicet, qui Atticū medimnum duobus modiis superabat, sicut patet ex illo Iosephi loco quem superius citauimus,

vbi triginta Siculi medimni & quadraginta Attici pro eodem numerantur. Si enim triginta Siculi quadraginta Atticos valēt, sequitur Siculos tres valere quatuor Atticos. Atque ita Siculus medimnus capiet Atticum medimnum & trientem, hoc est, hec teas Atticos seu modios Romanos octo, qualem medimnum Atheniensibus etiam in vsu fuisse testatur Cornelius Nepos, cū scribit à Pomponio Attico frumentum Atheniensibus fuisse donatum, ita vt singulis *V I I I* modij darentur: *V I I I* enim, non *V I I*, in emendationibus exemplaribus legitur nominatim, quæ Venetiis apud Paulum Manutium sunt excusa. Et addit Nepos, qui modus mensuræ medimnus Athenis appellatur. Sed & Aristophanes cū introducit quendam, dicentem, quod sibi cypsele sex medimnorum iniecto lapide fracta esset, videtur cypselen sex medimnorum dixisse ad differentiam alterius, nempe, quæ esset octo medimnorum. Athenienses enim vsi sunt Ægyptiis ponderibus, & mensuris liquidorum, vt inferius docebimus: proinde non mirum quod & aridorum Ægyptias mensuras habuerint in vsu. Hieronymus super Esaiam, mensuram sex artabas Ægyptias capientem, dicit viginti modios esse, quod vtique Hieronymus, vt solet, ex Græco quopiam accepit auctore, qui hoc ita docuit modios accipiens eos, qui quinque medimnum efficiunt, & tales viginti efficiunt quatuor me-

medimnos, eorum videlicet minorem Ægyptiorum, eam proportionem habentem ad eorum maiorem, quam talentum minus habuit ad talentum maius. Diximus enim talentum minus Ægyptium semissem fuisse talenti maioris, unde & eorum minor erit semis maioris cori.

Ita & apud Hebræos fuit semissis cori lethee dicta, cuius mentio fit apud Oseam prophetam cap. tertio, quam mensuram Epiphanius etiam Gomor vocatam tradit. Rabini lethee, sicut & Epiphanius, dimidium eorum interpretantur, sed cuius cori dimidium sit lethee, nec ex translatione Septuaginta, nec ex Iosepho constat. Probabile tamen est, maiorem eorum propter magnitudinem dimidiatum fuisse, ita ut lethee quinque medimnos caperet Atticos, seu quod idem est, decem ephas ternorum modiorum. Atque ita epha esset decima pars Gomor seu cori, qui dicitur lethee, sed hæc affirmare omnino non possumus.

Cabus mensura fuit quatuor sextarios capiens; quartam enim partem cabi, cuius fit mentio quarti Reg. cap. vi. Iosephus xestem, hoc est, sextarium interpretatur. Hanc ego mensuram puto, cuius Xenophon libro primo Anabases meminit, cum dicit capithen farinæ binis siclis venalem fuisse. Capithe autem (inquit Xenophon) duos chœnices Atticos capiebat. Sicli vox arguit, & capithen vocem Hebræam Chal-

Chaldeamve esse, etiamsi detorta sit ad Græcam formam, sicut schechel forma Græca dicitur siclus, seu vt Xenophon dicit siglus. Porro duo chœnices quatuor xestas, id est, sextarios efficiunt. Sed hæc hæcenus.

Diximus superius antiquos mēsurarum suarum modos, non sine respectu temporis instituisse. Corus Ægyptius quem diximus octo medimnos capere, præter alia etiam in hoc videtur institutus, vt esset cibus vnus hominis in annum integrum. quatuor enim modij Attici sufficiunt vni in mensem: vnde quadraginta octo modij, corus videlicet Ægyptius, in duodecim menses sufficient vni. Habet sua commoda & corus sex medimnorū. Satum quod diximus esse modium Romanum, sufficere potest hominibus octo in vnum diem. Modius enim octo chœnices continet, & chœnix frumenti est diurnus hominis cibus: ita satum sufficere potest homini cum familia non magna in vnum diem. Cui autem satum in diem sufficit, huic corus in annum, hoc est, decimam anni sufficiet. Annus enim, id est, decima anni, sicut inferius ostendemus, sunt triginta sex dies, quot sata eorum diximus cōtinere. Quod si quis frumenti non trientem ephæ, hoc est, satum, sed trientem cori parui, hoc est, quatuor assarones singulis diebus cum familia absumat, hic corum, hoc est, sex medimnos in annum, id est, mēsem absumet:

corus

corus enim, sicuti diximus, diuiditur in decem coros paruos : quos rursus si in trientes diuidas, erunt triginta trientes, quot videlicet dies mensis habet. Ægyptij enim, sicut Herodotus tradit, omnes menses tricenum dierum faciunt, vnde sequitur annum illis esse trecentorum sexaginta dierum. Duodecim enim menses si per triginta multiplicentur, efficiunt CCC LX, & tot gradus sunt Zodiaci, quē sol peragrans annum conficit. Verum quoniam sol intra trecentos sexaginta dies, cursum suum nō cōsumat, ideo adiiciūt Ægyptij alios quinque dies extraordinarios, qui & intercalares ab illis vocantur, vt idem Herodotus scribit, Diodorus Siculus, Dion & Gaza. Quod verò extraordinarij essent hi quinque dies, nec in annum, partesve anni cōputarentur ab Ægyptiis, docet Plutarchus etiam in libello quem de Iside & Osiride scripsit, fabulā quandam super ea re referens, nempe Solem imprecatū esse Rheæ: *μήτε κινῆ μήτε ἐνὶ αὐτῷ τεκέν*, hoc est, vt nec mense nec anno pareret. atque Mercurium ea de causa Lunæ hos quinque dies tāxillorū lusu ademisse, & Rheam ita in iis peperisse : quos dies, inquit Plutarchus, nunc Ægyptij intercalares vocant, & natalitios deorum celebrant. Quod autem Hebræi in ciuilibus negotiis rationem mensium Ægyptiorum obseruassent, docet Iosephus in antiquitatibus. Annus igitur, id est, duodecima anni pars, triginta dies sunt. Annus

verò

verò, hoc est, decima anni, sunt triginta sex dies; de trecentis enim & sexaginta decima pars est triginta sex, duodecima autē pars triginta. Qui ergo sicuti diximus tertiam partem cori parui, hoc est, quatuor assarones singulis diebus absumebat, hic duodecim coros senum medimnorum absumebat per annum integrum. Cui autem satum, hoc est, modius in singulos dies sufficebat, huic corus sex medimnorum in decimam anni partem quoque sufficebat, & decem huiusmodi cori in annum integrum. Decem autem cori efficiunt *last* nostrum, hoc est, sexaginta medimnos seu coretos Masouiticos, qui singuli Cracouenses duos capiunt: vnde nostrates quoque videntur instituisse suum *last*, vt esset annuus cibus hominis cū familia mediocri. Porro mensuras magnas nostris *last* non dissimiles apud antiquos fuisse ostēdemus inferiūs. Quod ergo de coro sex medimnorum iam diximus, similia de aliis coris intelligi possunt. Poterit autē aliquis præter hæc, & alia eodem pertinentia, per se inuestigare. Nos autem postquam de his quoque lectorē admonuimus, ad alia transibimus.

DE MENSVRIS LIQVI-

DORVM.

BATHVS inter liquidorū mēsuras, quarum in sacris libris fit mētio, maxima fuit.

Ba-

Bathus apud Hebræos, sicut & corus, fuit maior & minor, & præter hos etiam bathus regius, eam proportionem inter se habentes, quam pondera & mensuras aridorum habuisse diximus. Paralipomenon li. 11. cap. 1111, vas quoddam à Salomone rege factum, quod & mare propter capacitatem dictum est, scribitur ter mille bathos capere. Regum autem historia idem vas, bis mille bathos capere tradit: vnde manifestè bathi ad bathum sesquiplam fuisse proportionē discimus. Septuaginta, quos & nostra translatio sequitur, in Regum libris bis mille bathos transtulerunt; in libris verò Paralip. ter mille metretas, minorem bathum metretam exponentes. Iosephus autem ter mille bados scribit æneum mare capere, lib. v 111, cap. 11. paulo autem superius eodem capite docet, badum mensuram esse septuaginta duorum sextariorum, cum scribit Salomonē Regem quottannis Tyrriorum Regi misisse bis mille coros tritici; & totidem bados olei & vini. Badus autem (inquit Iosephus) potest capere sextarios duos & septuaginta. Et si quidem Iosephus post hanc interpretationem bathi, dixisset mare æneum bis mille bathos capere, sicut in libris Regum scriptum est; intelligeremus bathum Regium maiorem fuisse septuaginta duorum sextariorum. Nunc autem non duo millia, sed tria millia dixit, sicut liber Paralip. habet. necesse est ergò, vt intelligamus bathum

minc-

minorem; septuaginta duos sextarios capere, & per consequens maiorem bathum; quandoquidem sesquiplam habet proportionem, ad minorem, centum & octo sextariorum esse. Nam centum & octo sesquiplam habent proportionem ad septuaginta duo. Quod verò minor bathus septuaginta duorum sextariorum fuerit, potest etiam probari ex mensuris Atheniensium; quibus talentum minus Hebraicum, & mensuræ aridorum minores in usu fuerūt. Apud Athenienses ergo, sicut pondera duplicia, ita & mensuræ duplices fuerunt. Attica amphora capiebat amphoram Romanam, & semissem, sicut manifestè illa carmina docent.

Attica præterea dicenda est amphora nobis

Seu cadus, hanc facies nostræ si adieceris urnam.

Amphora Romana, sicut supra ex Budæo docuimus, capiebat sextarios XLVIII: urna autem viginti quatuor. Si ergo quadraginta octo addas ad viginti quatuor, habebis septuaginta duos sextarios: Atticam videlicet amphoram, eandem, ut vides, cum batho Hebraico. Ac ne quid dubites à barbaris ad Græcos hanc mensuram peruenisse, cadus vox te admonet. Cadus enim sicut & bathus Hebraica vox est, cad, & significat interdum hydriam, id est, vas quo aqua

è pu-

è puteo hauritur, Genesis **xxiii**, in qua significatione apud Græcos nonnunquam vſurpatur: vnde apud Plutarchum *περὶ ἀσολεσχίας* legimus Socratem poſt exercitium corporis, quando maximè ſitire ſolet homo, cadum aquæ quem primum hauriret, effundere in terram ſolitum, vt hoc modo appetitum aſueſceret rationi obtemperare. Cadum Iosephus nonnunquam interpretatur amphorā. Sic hydria apud Græcos, quamvis propriè ſignificat vas quo hauritur aqua; vnde & nomen ab aqua habet. Sæpe tamen accipitur pro menſura vini, ſicut ex Polluce, & aliis auctoſibus notum eſt. Attica igitur amphora, ſicuti oſtendimus, Romanam amphorā & ſemiſſem, hoc eſt, tres urnas capiebat. Medimnum autē capiebat quatuor urnas, hoc eſt, duas amphoras Romanas, eam proportionem habens ad amphoram trium urnarū, quam talentum maius ad talentū minus habuit, hoc eſt, quam tria ad quatuor, & ſex ad octo habent. Sic ergo Athenienſes habuerunt amphoram ſeu cadum, qui reſponderet talento minori; & medimnum, quod reſponderet talento maiori: vnde colligitur quòd ſicut talentum minus Atticum, idem fuit cum talento minori Hebraico; ita & menſura liquidorum minor Attica, reſpondens talento minori, eadē fuit cum menſura liquidorum Hebraica, minori itidem talento reſpondente. Quod igitur bathus ſeptuaginta duorum ſextariorū fuerit,

rit, & quod is bathus minor fuerit, satis, vt
puto, liquet. Notandum autem est quod
Bathus Ægyptius, si quis eum statuatur (si-
cut certè statuere debet) eam proportio-
nem habere ad bathum Hebraicū, quam
pondera ad pondera, & aridorum mensu-
ræ ad aridorum mensuras habuerūt: quod,
inquam, bathus is erit æqualis mensuræ
aridorū, quæ est apud Hebræos sexta pars
cori minoris. Talentum enim Ægyptium
continet Hebraicum talentum semel, &
trientē insuper ipsius, & corus Ægyptius,
quem octo medimnos Atticos capere di-
ximus, continet corum Hebraicum mino-
rem itidem semel & trientem ipsius: fac
igitur & bathum Ægyptium, qui bathum
minorem Hebraicū capiat semel, & trien-
tem, hoc est, septuaginta duos sextarios, &
item sextarios viginti quatuor. Nam vigin-
ti quatuor, sunt tertia pars de septuaginta
duobus: Septuaginta duo, inquam, cum vi-
ginti quatuor efficiunt nonaginta sex sex-
tarios, medimnum videlicet Romanum
& Atticum, qui idem fuit cum sexta parte
cori Hebraici minoris. Sic ergo bathus Æ-
gyptius, cum sexta parte cori minoris He-
braici coincidit: vnde Athenienses medim-
num aridorum Hebræis debent seu Phœ-
nicibus: Medimnum autem liquidorum
Ægyptiis, etiam si eæ mensuræ æquales in-
ter se reperiantur. Bathus minor Hebrai-
cus, sicuti diximus, septuaginta duos sexta-
rios capiebat, & regibus etiam in vsu fuit.

sicut

sicut locus Iosephi , quem paulo ante citauimus , arguit : alter autem bathus regius peculiariter dictus , qui sesquiplam ad hūc proportionem habuit,centum & octo fuit sextariorum. Publicus autem bathus maior , si eum statuemus proportionem eam habere ad bathum minorem, quam corus maior habuit ad corum minorem,centum & viginti sextariorum haud dubie fuit.Sic enim decima huius erit sexta illius,duodecim videlicet sextarij , sicut decima cori maioris est sexta pars minoris. Quod autē bathus centum viginti sextariorū fuisset, apud Hebræos colligitur ex Iosepho , qui in vita sua scribit de Ioanne quodā veteratore homine , qui a Iosepho res Galileæ tunc administrante , petiit vt oleum sibi extra fines liceret exportare , propter Iudæos , quibus oleo a gētibus factō vti nefas esset.Hæc autem (inquit Iosephus) non religionis , sed turpis lucri gratia faciebat; sciebat enim Cæsareæ Philippi duos sextarios olei drachma vna venire:Gischalis autem,quæ patria Ioannis fuit,octoginta sextarios drachmis quatuor. Rursus de bello Iudaico Iosephus eadem de re ita scribit: Coëmens (inquit) Ioannes Tyrio numismate,quod quatuor drachmas Atticas valet amphoras olei quatuor , eodem pretio amphoræ dimidium venundabat. Quòd ibi dixit octoginta sextarios,quatuor drachmis,hic,Tyrio numismate , quod quatuor Atticas drachmas valet amphoras quatuor,

tuor efficiant amphoras vicenum sextariorum: vnde discimus amphorā Hebræis in vſu fuiſſe viginti sextariorum, ſi quidem octoginta sextarij quatuor amphoras vicenum sextariorum efficiunt. Ioannes ergo quatuor drachmis in patria quatuor amphoras vicenum sextariorum emebat. Cæſareæ autem dimidiā amphoram, hoc eſt, decem sextarios eodem pretio vendebat, quamuis oleum Cæſareæ carius venderet, prius quā à Ioanne importatū eſſet: & Ioannes, vt puto, iis vendebat oleum, qui quaſtū ex ea re quoque facturi erant. Nec enim probabile eſt, Ioannem oleum cotulatiu diuendidiſſe. Sit ergo amphora viginti sextariorum Hebræis vſitata: quaerendū cuius bathi pars illa amphora fuit. Minor bathus qui ſeptuaginta duos sextarios capiebat, non poteſt in huiusmodi amphoras diuidi. Sed nec regius bathus, hoc eſt, centū & octo sextarij diuiſionem huiusmodi admittit. Super eſt igitur, vt amphoram illam maioris bathi partem eſſe dicamus; is enim ſolus in huiusmodi amphoras diuidi poteſt, nēpe viginti sextarij, ſunt ſexta pars de centū viginti sextariis. Nam quòd menſuræ liquidorum antiquitus in ſextas diuiderentur, ex Hieronymo etiam discimus, qui ſuper caput quintum Eſaiæ ſcribens, batum (quem ex ſententia Rabinorum æqualem ephæ autumat) interpretatus eſt tres amphoras, amphoram haud dubiè ſedecim sextariorum menſurā vocans,

cans, quæ plane est sexta pars medimni Attici, hoc est, bathi Ægyptij. Quod autem fuerit bathus seu metretes in Syria qui cētū & viginti sextarios caperet, docet etiam Cleopatra, & Nicandri interpres. Cleopatræ verba sunt. Apud Syrios metretes est sextariorum Italicorum centum viginti. Huius igitur bathi sexta pars, nempe amphora viginti sextariorū, vocatur Gomor Ezechielis capite XLV. vbi dicitur iuxta translationem Septuaginta, Decima pars Gomor chœnix; in Hebræo autem legitur, decima pars Gomor bath.

Si enim decimam Gomor, hoc est, bath statuamus tantum capere, quantum chœnix capit, nēpe duos sextarios; necesse est, vt Gomor, qui in huiusmodi mensuras decē diuiditur, viginti sextarios capiat. Ideo enim Septuaginta abusi videntur chœnicis voce de bath, liquidorū mensura; quòd hæ duæ mensuræ æquales inter se essent; & ob hoc altera alteri nomen facile communicaret. Deinde quia amphora hæc viginti sextarios capiens, quamuis liquidorum sit mensura, nomen ramen aridorum mensuræ habet: nam Gomor & corus de aridis potius dicuntur, ideo & decima eius chœnix aridorum mensuræ nomine vocatur. Gomor autem hæc mensura dicta est, ex eo quòd bathus, etiam cori nomine appellatur, sicut videre est apud Ezechielem, & in libris Regum, & apud Eupolemum Græcum scriptorem: proinde nec mirum,

quod pars eius Gomor seu corus etiam dicitur. Non solum autem sexta bathi, seu cori liquidorum vocatur Gomor, sed & duodecima eodem nomine appellatur, sicut inferius dicemus. Quemadmodum enim de ponderibus diximus, quod sexta pars talenti & duodecima vocatur talentum; quin & decimæ eorum, talenta quoque dicuntur: Ita & bathi seu cori sexta & duodecima vocantur Gomor seu corus; & horum decimæ bathi quoque dicuntur.

DE BATHI PARTIBVS.

BATHVS diuiditur in sextas, sicut iam diximus; & præterea diuiditur in decimas, & duodecimas, sicut apud Græcos & Latinos cadus in decem congios, & amphora Attica seu cadus, qui idem fuit cum batho minore Hebraico, in duodecim congios: unde corus, hoc est, congius dictus est *δωδεκέυς*, id est, duodecimarius; sicut Hesychius testatur, & semicongium *ἡμιδωδέκευς*. Est autē *δωδεκέυς*, sicut *τριτεύς*, *ἐκτέυς* vox Attica: unde liquet Atheniensium hanc diuisionem amphoræ fuisse, à quibus etiam Romani congiij sui modum habuerunt, amphoram, id est, semimedimnum in octo congios diuidentes, & duas amphoras, hoc est, medimnum in sedecim congios, non suæ amphoræ medimnive proprios, sed alterius amphoræ, quam diximus eandem fuisse cum batho minore Hebraico. Sicut enim
talen-

talentum Atticum maius octoginta minas continere dicitur, non suas utique proprias, sed minoris talenti minas; suas enim minas sexaginta haud dubiè habuit, ita & medimnum cum dicitur sedecim congiorum esse, intelligemus non proprios ipsius congios, sed minoris mensuræ cōgios; suos enim congios duodecim aut decem habuit, si quidem in decimas & duodecimas, & item in sextas mensuræ antiquitus diuidebantur. Decima cadi, hoc est, congius apud Græcos & Latinos dicebatur cadus, vnde congiarius cadus dictus est, qui congium capiebat. Sic apud Hebræos decima bathi dicitur bathus, sicut ex Iosepho discimus, qui quod in Regum libris & Paralip. scriptum est de Salomone, quod scilicet Tyrriorum regi quotannis mitteret tritici coros viginti millia, & olei bathos viginti millia, & vini bathos, itidem viginti millia transtulit, sicut diximus, bis mille coros & totidem bados olei & vini: denos coros pro singulis coris, & denos bathos pro singulis bathis accipiens. Ita tertij Regum cap. septimo, ubi scriptum est, quadraginta bathos capiebat luter vn⁹: Septuaginta interpretati sunt quadraginta congios, & Iosephus similiter libro octauo; vnde bathos ibi decimas bathi intelligemus, ut quadraginta bathi parui quatuor valeant bathos, quos metretas Septuaginta vocant: & Ioannes Euangelista cum dicit hydrias capientes binas aut ter-

nas metretas, per metretas designans bathos minores, qui singuli septuaginta duos sextarios capiebant. Conuenienter igitur decima bathi minoris choëus, seu congius dicitur, cum sit decima eius mensuræ, quæ metreta, seu cadus, seu amphora dicitur. Metreta enim & cadus, pro eodem accipiuntur: itidem amphoram & metretam, pro eodem interdum accipi docet Iulius Pollux. Eupolemus apud Eusebium bathū Hebraicum vocat corum; & addit: Corus autem vini sunt mēsuræ decem, ὁ δὲ κόρος τοῦ οἴνου ἐστὶ μέτρα δέκα. Decem mensuras Eupolemus vocat decem paruos bathos, hoc est, decimas bathi, qui dicuntur congiij. Diximus bathum quoque dici, sextæ partis bathi decimam, mensuram videlicet duorū sextariorū, quam Septuaginta chœnicem interpretati sunt Ezechielis x l v. eodem capite Septuaginta duodecimæ partis bathi nempe Gomor decimam exponunt corulam. Atque ita fane cadus apud Græcos nonnunquam accipitur pro paruo vasculo, nempe pro cyatho, seu poculo, sicut Athenæus docet libro vndecimo, adducens etiam hos versiculos de quodam Pasifocle.

Ἐξ ἡοῦς εἰς νύκτα καὶ ἐκ νυκτῶν πατισοκλῆς

Εἰς ἡοῦν πίνε τετρακοσίσι κάδοις.

id est, de luce in noctem, & de nocte in lucem, Pasifocles quadringentis bibit cadis. Ex prædicto autem loco Ezechielis malè intellecto, Hebræorū Rabini, quos etiam

Lati-

Cadus

Latini scriptores sequuntur, statuunt bathum decimam partem esse Gomor, id est, cori mensuræ magnæ aridorum, cum bathus cori sit octaua pars, non decima, sicut ex iis, quæ superius diximus, constat. Sed is error Hebræis euenit, ex eo quod bathi & Gomor, multiplicem acceptionem in scriptura ignorarent.

HIN mensuram, cuius mentio fit frequens in libris Mosi; Septuaginta *χοῦν* interpretantur, Leuitici x. i. x. vbi præcipitur ut sint stateræ iustæ, epha iusta, & hin iustus. sic enim habetur in Hebræo. Septuaginta autem transtulerunt, *ζύγα δίκαια καὶ μέτρα δίκαια καὶ χοῦς δίκαιος*, id est, stateræ iustæ, mensuræ iustæ, & chus iustus. Nostra translatio habet, modius iustus æquusque sextarius. Hieronymus super Ezechielem cap. i. i. i. i., Hin, inquit, duos choas Atticos facit, quos nos appellare possumus duos sextarios Italicos, ita ut hin mēsurā sit Iudaici sextarij, nostriq; castrensis. hætenus Hieronymus. Hinc igitur discimus, quod hin, id est, chus Hebraicus, sicut Septuaginta transtulerūt, duplō maior fuit quā Atticus, sicut didrachmum Hebraicum (sic enim siclum sanctuarij solēt interpretari Septuaginta) duplo maius fuit, quā didrachmum Atticum. Si quidem chus Atticus, sicut hic Hieronymus docet, sextarium Romanum capiebat. Hebraicus autem bis tantum, hoc est, duos choas Atticos, seu quod idem est, duos sextarios Romanos. Qualem etiā

chun, nempe duorum sextariorum, fuisse apud nōnullos Græcos, ex Suida discimus. Accipitur autem chus interdum pro mensura duodecim cotularum, sicut supra ex Nicandri interprete ostēdimus; vnde chus interdum congiū significat, interdum etiam sextam congiij partem, hoc est sextarium. Ad eundem modū apud Hebræos Hin interdum significat mensuram parua, nempe duorum sextariorum, interdum etiam magnā, & quæ paruum hin aliquoties capit. Vnde Epiphanius hin capere dicit sextarios Alexandrinos, si rectē vulgata exemplaria habent, nouem. Sextarius autem Alexandrinus maior fuit, quā Romanus, vt ex eodem Epiphanio colligitur. Rabi autem Salomō mensuram Log (quæ vox in plurali facit login, vnde lagynon & lagena apud Græcos nomen accepit) capere dicit sex oua; & duodecim login efficere mensuram hin. Ouum autem genus minutæ mensuræ antiquitus fuit, vt apparet, dictum à forma oui. Vnde apud Athenæum etiam ouum inter pocula recensetur, & ex Hesychio colligimus, cyathū formā oui habuisse: quare quod legitur apud Rabinos log capere sex oua, ego intelligo cyathos duplo maiores Romanis, vt log sit, sicut Latina translatio habet Leuitici x i i i, sextarius, qui sex oua, id est, cyathos capit. Antiquitus enim sextarius, apud alios in duodecim, apud alios in sex cyathos diuidebatur. Arbitror enim Rabinos

nōs antiquos ita sensisse, etiam si posteriores Iudæi hoc à maioribus acceptum, de gallinaceis ouis perperam intellexerunt, amphibologia vocis decepti: nec scripto à quoquam hoc traditum habent, quod dicunt de ouis gallinaceis, sed coniectura tantum vtuntur. Ego verò, quod dicitur log, capere sex oua, de ouis ipsis intelligi posse concessero, si quis oua grandiuscula intelligat, qualia sunt anserum: testula enim anserini oui, sextam ferè partem sextarij Romani capit, & sex testulæ sextarium Romanum. Quod autem antiqui Rabini, sex oua seu log, pro sextario acceperint, argumentum est, quòd Cabum mensuram continere dicunt, quatuor login; legerunt enim apud Iosephum, pro quarta parte cabi sextarium, vnde cabum ipsum quatuor login, hoc est, quatuor sextarios interpretati sunt. Nam quod ex Iosepho hoc desumpserint Rabini, apparet etiam ex interpretatione sati; satum enim capere dicunt, sex cabos; Iosephum haud dubie secuti, qui scripsit satum sesquimodium Italicum capere: si quidem sex cabi, viginti quatuor sextarios efficiunt; seu, quod idem est, sesquimodium Italicum. Quod igitur sex oua seu log pro sextario Rabini acceperunt, satis iam, vt puto, liquet. Septuaginta autè log interpretati sunt cotulam à proportionem, sicut & siclum interpretari solent didrachmum, etià si duplo maior sit didrachmo Attico. Sic igitur & log interpretati sunt

sunt cotulam, quod esset Hebraici congi, hoc est, mēsuræ hin pars duodecima; sicut cotula apud Athenienses, est Attici congi duodecima pars. Apparet autem log dictum esse quoque bath. Nam Septuaginta apud Ezechielem bath decimam partem Gomor cotulam similiter interpretantur, ut intelligamus eo in loco Gomor mensuram liquidorum, duodecimam partem bathi maioris fuisse, capientem decem cotulas Hebraicas, qui sunt decem sextarii Romani. Sic enim & apud Epiphanium legimus Gomor esse duodecimam partem bathi: sed ad hin redeamus. Sicut apud Græcos chus pro congi, & pro sexta congi parte, hoc est, pro sextario accipitur: ita hin apud Hebræos, statuemus interdum pro duobus congiis accipi, interdum pro sexta parte duorum congiorum, id est, pro duobus sextariis. Id ita esse, ex Iosepho etiam probari potest: is enim libro tertio ἀρχαιολογίας de oleo vñctionis scribens, hin mensuram hunc in modum definit. Est autem (inquit) hæc mensura vernacula, duos choas Atticos capiens: μέτρον δ' ἐστὶν τοῦτο ἐπιχώριον δύο χόας ἀττικούς δεχόμενον. Et paulo post de sacrificiis. ὁ δὲ ἦν μέτρον ἀρχαῖον ἐβραίων. δύναται δὲ δύο χόας ἀττικούς. Id est, Hin autem est mensura antiqua Hebræorum, & potest duos choas Atticos efficere. Bis eandem vocem interpretatur, ut intelligamus duo significata ipsius, quemadmodum choos apud Græcos duo significata sunt. Alio-

qui

qui quorsum attinebat in vna propemodum charta, bis eandem vocem interpretari, præsertim cùm in omnibus suis scriptis Iosephus vnâ mensuram bis non sit interpretatus? Quod igitur dicit Iosephus, duos choas potest accipi pro duobus congiis, & pro duobus sextariis; sed in superiori loco, duos choas necesse est vt intelligamus magnos, nempe congios; in posteriori verò paruos, hoc est, sextarios. Sic enim Exodi x x x, de oleo vnctionis scribitur: Sume tibi aromata primæ myrrhæ, & electæ quingentos siclos, & cynamomi medium, id est ducentos quinquaginta siclos: casia autem quingentos siclos in pondere sanctuarij, olei de oliuetis mensuram hin, faciesque vnctionis oleum sanctum vnguentum compositum opere vnguentarij, & vnges ex eo tabernaculum testimonij, & arcam testamenti, mensam cum vniuersis vasis suis, candelabra & vtenilia eius, altaria thymiamatis & holocausti, & vniuersa supellectilia, quæ ad cultû eorum pertinent &c. Ponderus aromatum quæ hic recensentur, sunt mille quingenti sicli sanctuarij, id est, talentum Atticum sexaginta duas libras Romanas efficiens & semissem. Ad tâtum igitur pondus aromatum non conuenit, vt intelligamus additos esse duos choas, id est, duos sextarios: sed potius duos cōgios intelligemus, præsertim cùm totû illud confectû dicatur oleû ex quo tâ multa vngenda erant.

In

In sacrificiis autem offerendis præceptum est, vt cum agno offeratur similæ assaron, & olei quarta pars hin, cum ariete similæ duo assarones, & olei tertia pars hin, cum boue assarones similæ tres, & olei medium hin. Hoc loco hin paruum, id est, duorum sextariorum intelligere debemus, vt videlicet similæ respondeat oleū, alioqui quartam partem hin, id est, duorum cōgiorum tres videlicet sextarios olei cum assarone similæ offerri non est probabile. Probabilius enim est cum assarone simile quartam partem hin, id est, heminā olei offerri &c. Hæc igitur est causa, quod Iosephus vocem hin, bis in vna ferè charta interpretatur, nempe quod duo significata eius sint. Alioqui si in posteriori loco acciperetur, sicut in superiori; quid attinebat statim eadem repetere, præsertim cum id Iosephus alias nunquam faciat?

Hin duodecim sextariorum, tres congios, seu tres ollas Cracouienses efficit.

Hin mensura duorum congiorum tantum ferè capit, quantum ceruisiæ grosso in Masouia venditur.

Hin duorum sextariorum semicōgium, seu dimidiā ollam Cracouiensem capit, in Prussia *stoff* germanicè vocatur.

Est autem hin mensura duorum congiorum, gnomon mensurarum magnarum, nempe minoris & maioris bathi, & item regij. Atque adeò etiam Ægyptij bathi. Minoris enim bathi, est sexta pars, maioris

au-

autem decima , Regij verò nona , Ægyptij autem octaua. Quemadmodum artaba Hebraica medimnum Atticum valens, minoris cori est sexta pars , maioris decima, regij nona , Ægyptij octaua. Sic etiam talentum numismaticum mille Atticas drachmas valens, minoris talenti publici est sexta pars, maioris decima , regij nona, Ægyptij octaua.

Sed de sextario Hebraico, nempe de paruo hin, & item de cotula Hebraica, quæ ad explicandum Ezechielis locum facere videntur, adiiciemus.

Diximus superius eandem mensuram apud Hebræos interdum diuersis nominibus vocari, alio atque alio respectu: satum enim quod modium Romanum capit, quatenus est triens ephæ, vocatur satum; quatenus autem sextæ partis cori est pars , vocatur epha : ad eundem igitur modum in liquidis , mensura duorum sextariorum, quatenus est sexta pars hin cõgij Hebraici, vocatur hin, hoc est, Chus, siue sextarius Hebraicus , duplo maior quàm Atticus chus, seu Romanus sextarius: quatenus verò est decima sextæ partis bathi , vocatur bathus. Itidem de mensura vnus sextarij sentiendum est: quatenus enim congij Hebraici est duodecima pars , & choos seu sextarij Hebraici semissis, vocatur log, hoc est, cotula seu hemina Hebraica, duas cotulas Atticas seu heminas Romanas capiens : quatenus verò duodecimæ partis bathi

bathi est pars, vocatur bathus. Nec illud prætereundum, quòd antiqui mensuras suas ita instituerunt, vt aridorum mensuræ haberent octuplicem proportionem ad liquidorum mensuras. Corus minor sex medimnos cãpiens bathum minorem septuaginta duorum sextariorum octies capit; & maior corus decem medimnorum; bathum maiorem centum & viginti sextariorum capit itidem octies: idem sentiendum de aliis coris & bathis, idem de partibus cororum & bathorum.. Hæc proportio antiquitus conuenientissima est iudicata, inter mensuras aridorum & liquidorum. Proinde Salomon totidem bathos olei, itemque vini Tyrriorum Regi donat, quot & coros tritici: quo loco Iosephus, sicut diximus, coros intellexit, nō integros, sed decimas cori; quapropter bathos quoque pro decimis bathi accipit: bathus enim coro & decima bathi, decimæ cori conuenienti, hoc est, octuplici proportionem respondet: hinc est quod in scriptura hin & epha coniunguntur. Leuitici x i x epha iusta & hin iustus. Septuaginta autem epham interpretati sunt μέτρον, id est, modium, & hin chun, seu sextarium. Sciebant enim Septuaginta, quod mensura ephæ trium modiorum non respondet, neque magno hin neque paruo; ideò ephā modium & hin sextarium exposuerunt. Chus enim seu sextarius Hebraicus respondet modio in octuplici proportionem, in modio

dio enim sunt octo choenices, choenix autem tantundem capit quantum chus, seu sextarius Hebraicus. Sic & apud Ezechielem loco superius allegato, epham aridorum exponūt, *אֶפְהָיִם*, id est, modium, & bath liquidorum mensuram choenica, proportionem liquidorum ad arida, hac voce significantius exprimere volentes. Eodem capite Ezechielis, ubi præcipitur, ut primitiæ dentur è coro frumenti, sexta pars ephæ, id est, semodius, ex batho autem olei decima pars Gomor, hoc est, bath mensura. Septuaginta bath interpretati sunt cotulam. Atqui bath accipitur etiam pro sextario Hebraico: cur igitur cotulam potius quàm choenicem hoc loco interpretati sunt? nimirum quia cotula Hebraica sextarium Romanum capiens, respondet sextæ parti ephæ, id est semimodio, in octuplici proportionem; modius enim capit sedecim sextarios; huius igitur octauam partem capit Hebraica cotula. Quot autem sunt modij in coro, tot sunt sextarij Hebraici in batho; & quot semodij, tot cotulæ. Verbi gratia: in batho maiori sunt centum & viginti Hebraicæ cotulæ, hoc est, sextarij Romani, totidem & semodij sunt in coro maiori decem medimnorum; nam decem medimni sexaginta modios efficiunt, & semodios bis tantum, hoc est, centum viginti. Idem de batho minori, & coro minori dicendum est. Sicut enim in batho minori cotulæ Hebraicæ seu sextarij

Romani sunt septuaginta duo , ita in coro sex medimnorum, modij sunt triginta sex, semodij verò septuaginta duo. In sacrificiis tamen apud Moſen non eadem proportio ſeruatur. Sed quoniam locus Ezechielis vbi de oleo ſcribitur , non eſt integer in translatione Septuaginta ; ideo adſcribemus integrum ex Hebræo. Sic enim in Hebræo legitur. Statutum verò olei, bathus olei , decimarius bathus de coro , decem bathis Gomor explentibus , quia decem bathi ſunt Gomor. Corum vocat bathum integrum, homer duodecimā huius partem; bathum autem , hoc eſt , cotulam vocat decimā partem homer ſeu Gomor. Proinde cū dicit ſtatutum olei , bathus olei, velut exponens addit decimarius bathus, vt intelligamus eum bathum qui eſt decima pars Gomor decem cotularum , nempe cotula Hebraica. Septuaginta autem pro decimario batho tranſtulerunt, de decem cotulis ſeu bathis : & certè ex Hebræo poteſt ita legi, vocalibus punctis mutatis; quæ puncta tēpore Septuaginta nondum fuerunt , ſed poſtea addita ſunt à Rabinis. Similis apud Græcos proportio fuit menſurarum : cadus ſeu amphora Attica duodecim congiorum reſpondebat cypſellæ ſex medimnorum in octuplici proportionem, & bicongium medimno, &c. Atque hæc videtur eſſe cauſa, quòd Romani cū accepiffent menſuras ſuas ab Athenienſibus, nempe medimnum, qui Atticus me-
dim-

dimnus dicitur aridorum, & semimedimnum liquidorum, hoc est, amphoram diuiserunt in alterius amphoræ congios liquidorum mensuram, sicut supra admonuimus, vt videlicet cōgij respondere possint medimnis aridorum, sicut apud Athenienses. Siculis autem medimnis qui Atticis maiores sunt quadrante, non hæc diuisio amphoræ, sed alia congruebat. Diuidebatur enim amphora Romana præter cōgios senum sextariorum, etiam in amphoras sedecim sextariorum, sicut ex Hieronymo annotauimus superius, ita vt âphora tres, & duæ amphoræ, hoc est, medimnum liquidorum sex huiusmodi amphoras minores caperet. Talis igitur amphora sedecim sextariorum respondebat medimno Siculo in octuplici proportionem, sicut bicongiū medimno Attico seu Romano eadem analogia respondebat.

Quod verò Siculus medimnus Italici fuerit in usu, colligitur ex Polybio, qui libro secundo tantam fertilitatem Italiæ dicit esse, vt temporibus Polybij in Italia sæpe venderetur Siculus medimnus tritici, quatuor obolis; & hordei, duobus obolis: sed hæc hæctenus.

SHALISH mensura liquidorum. Psal. LXXX. potasti eos lachryinis shalish, id est, mensura magna, shalish dicta. Esa. XL pro mensura aridorum dicitur, Quis mensus est pugillo aquas, & cælum spitama, & totum puluerem terræ mensura shalish.

Septuaginta pſalmo ſupradiſto, ſhalifh interpretati ſunt *μέτρον*, ſicut ſatum, id eſt, modium interpretari ſolent: eodem modo & alterũ ſatum, quod Iosephus ſeſquimodiũ dixit, interpretati ſunt quarti Reg. ſeptimo. Iudæi menſurá hanc ſhalifh dictá putant quaſi dicas tertiariam; quòd ſit tertia pars menſuræ magnæ. ſac trientẽ menſuræ magnæ, hoc eſt, bathi, tertia pars de ſeptuaginta duobus ſextariis, ſunt viginti quatuor ſextarij, nempe menſura duos hin capiens: ſac menſuram aridorum tátundem capientẽ, viginti quatuor ſextarij efficiunt ſeſquimodium Romanum, nempe ſatum cuius Iosephus meminit. Quod autẽ ſatũ poſſit dici ſhalifh, quaſi dicas triens, cõſtat ex iis, quæ ſuperius de ſato diximus; ná ſatum diximus tertią partẽ eſſe duodecimæ partis cori. Probabile igitur eſt, vtranque menſurá cùm eiufdem quantitatis eſſet & vtraque maioris menſuræ eſſet triens, nomina inuicẽ ſibi cõmunicaffe, ita vt aridorum menſura ſhalifh, & liquidorũ mẽſura ſatũ diceretur. Hæc ſi cui parum probatur, ſuſpendat ſententiá quo ad certius aliquid inuenerit de illa mẽſura. Eſt & alius locus, ex quo colligi poteſt, ſatum fuiſſe menſurá liquidorum, licet non eiufdem magnitudinis cum hac menſura, de qua modò diximus. Tertij Reg. cap. xv i i i hæc fere verba leguntur: Et fecit ſulcum duorum ſatorũ (ſic enim Lyranus tráſtulit.) alij autem, Fecitque aquæ ductum ſpatio duorum ſatorum

torum sementis in circuitu altaris. Septuaginta autē transfulerūt, Fecit mare quod caperet duas metretas sementis in circuitu altaris : ἐποίησε θάλασσαν χωροῦσαν δύο μετρήτας

σπέρματος κύκλοθεν τοῦ θυσιαστηρίου. Hic Septuag. satū interpretati sunt metretam, quo nomine alias bathum, sicuti diximus, exposuerunt. Hinc auctor translationis nostræ bathum nonnunquam solet interpretari satum, quasi satum sit idem quod bathus, quamvis hoc loco non simpliciter pro facto metreta dicitur, sed pro facto sementis metreta sementis. Quod si satum sementis mensura aridorum intelligenda est, metreta quoque sementis, necesse est, ut aridorum mēsurā intelligatur, etiamsi metreta Græcis, quod equidem sciam, non nisi de liquidis dicatur. Sed arbitror Septuaginta abusos hac voce certa quapiam de causā, fortē quod satū esset mensura quædam aridorum æqualis batho seu metretæ mensuræ liquidorum: vnde probabile esset utramque mensuram cōmune nomen habuisse: quod Septuag. forte indicare volentes transfulerunt pro facto sementis, metretam sementis, ut intelligamus hanc mensuram liquidorum & aridorum fuisse.

Nam ex hoc quod metreta dicitur, liquidorum mensura intelligitur: ex eo verò quod additur, sementis; intelligitur etiam aridorum mensura esse. Bathus quem Septuaginta metretam interpretati sunt, capiebat septuaginta duos sextarios Ro-

manos : fac igitur aridorum mensurā quæ tantundem capiat : septuaginta duo sextarij efficiunt modios quatuor & semissem, quæ est planè duodecima pars cori Regij nouem medimnorum, ephæ rationē obtinens, quæ corū in Samaria quæ Regū Israël regia fuit, colligimus in vſu fuiſſe ex Iosepho, qui libro nono satū, cuius vſus in Samaria fuit, sesquimodiū Italicū interpretatus est. sed hic fortassè aliquis obiiciat : Si satū de quo in præſentia agimus, æquale metretæ seu batho fuit, quatuor modios, & semissem capiens; cur satū & nō potius ephā dicitur, cum non tricesima sexta sed duodecima sit cori pars? Arbitror igitur, sicut supra ostendimus, tertiam partem ephæ, nempe modium Romanum, vnam & eandem mensuram iuxta aliam atque aliam rationem interdum satum, interdum ephā dici : ita & hanc mensuram certa de causſa etiam satum dictā esse. Credo enim fuiſſe apud Hebræos & alias mensuras iis quas diximus maiores; quemadmodum apud Persas fuit Achane, quadraginta quinque medimnos Atticos capiens, sicut Aristophanis interpres ex Aristotele annotauit. Nec Græcis ignota fuit Achane, vt apparet ex Aristophane & Arato Plutarchi. Talis apud nos etiam Achane est, *last*, nostro sermone vernaculo dicta, sexaginta medimnos capiens. His igitur non dissimiles fuiſſe apud Hebræos credo, alioqui mensuræ liquidorum hoc ipsum satis arguunt. Quis enim

enim credat bathū, hoc est, baryllam, maximā fuisse mensurā liquidorū, ipsa etiam voce refragāte? bath enim Hebræis filiam significat, vnde barylla dicta est bath, quod esset velut proles magnorū vasorū, in quibus liquida asservari solent. Sicut igitur de talento diximus, talentum non solum sexaginta minas, sed & quinquies sexiesve tantum pondus talentum dici; ita & mēsuras arbitror fuisse maiores tam aridorū quàm liquidorum, quæ coros & bathos, de quibus supra diximus, caperent aliquoties: vt verbi gratia, in Samaria quæ fuit regia Regū Israel, statuamus fuisse eorum nouē medimnorū, & minorē corū, semissem huius, hoc est, quatuor medimnorū cum semisse. fac igitur mēsurā, quæ minorē hūc eorum sexies capiat, nempe viginti septē medimnos, huius inquam mēsuræ tricesima sexta pars, hoc est, satū erit quatuor modij & semis, metreta semētis, vt Septuaginta interpretati sunt. Sed de his sentiat, vt quisquis vult, si hæc quæ attulimus parū probabilia videntur. Quod autē de talēto, coro & batho diximus, fuisse videlicet maiora pōdera, quàm simplex talētū est, & maiores mēsuras quàm cor^o & bathus est, idē de anno dicere possumus. Annus qui Hebræis shana dicitur, nō solū de spatio duodecim mēsiū sed de lōge maiori tēpore dicitur. Sicut *γένηα* apud Græcos significat septē annorū significat & triginta ānorū spatiū: ita apud Hebræos shana de lōgo tēpore etiam dicitur.

Annus.

er ging bei
her bei
für die

mes regne

PLVRA DE ANNO.

SEd non abs re fortasse fuerit de anno
plura etiam addere; præsertim cum multa,
quæ sumus hic dicturi, nõdum à quoquam,
quod equidem sciam, obseruata sint.

Annus apud Hebræos duplex fuit, Solaris & Lunar. Solaris annus est tempus quo sol totum peragrat Zodiacum. Lunaris annus, duodecim lunationibus constat. Solaris annus

annus sunt trecenti sexaginta quinque dies, & quadrans diei, hoc est, sex horæ.

Lunaris autem annus, sunt trecenti quinquaginta quatuor dies.

Sicut autem duplex est annus, ita & mensis est duplex. Solaris mensis est, dum sol in Zodiaco vnumquodque signum percurrit, quod fit triginta fere diebus. Tales Ægyptij menses obseruabant, apud quos annus fuit cccxl. dierum, propterea quod Zodiacus in totidem gradus sit sectus. Sed quia per cccxl dies sol non consumat cursum suum, ideo singulis annis post duodecim menses tricenum dierum adiciebant quinque extraordinarios dies & quadrantem.

Lunaris autem mensis est tempus à nouilunio ad nouiluniū xxix dies continens, & semissem diei. Hos menses Græci quoque obseruabant, apud quos menses erant tricenum & alternatim x x i x dierum.

Tales menses duodecim efficiunt lunarem annum, trecentorum quadraginta quinque dierum, qui anno solari minor est vndecim diebus & quadrante, & hac de causa Græci ut annus lunaris adæquaretur solari anno, intercalabant non quidem singulis annis vndecim dies, sed tertio anno mensem triginta dierum; nam per tres annos colliguntur, intercalares dies x x x i i i, ex quibus intercalabant x x x, & residuos tres dies addebant ad intercalares sequentium annorum, quoad rursus excrefceret numerus epactarum ad x x x.

Mensis diei

Hoc autē ideo faciebant , vt lunaris annus iisdē finibus quibus & solaris coërceretur. Bifariā enim annum cōsiderabant Græci, præsertim Athenienses, sicut Gaza de mē-sibus docet. Nā & solarem annum c c c l x dierum, obseruabant, & lunarē c c c l i i i i dierū, post solares duodecim mēses quinq; dies , & si quid amplius opus erat intercalātes, post lunares verò xxx dies. Quod autem solaris lunarisque annus & mēsis cōmunis fuerit Atheniēsis cū Hebræis, sicut pōdera, & mēsuras eis cōmunes esse docuimus, ex iis quæ deinde sumus dicturi de partibus anni, & multiplici apud Hebræos acceptione anni , manifestum fiet. Primò autem ex profanis auctoribus de varietate anni dicam , ne quis noua & inaudita me tradere putet, cū apud Hebræos tale aliquid fuisse docebimus.

Plinius libro septimo cap. x l v i i i de anno ita scribit. Annum alij æstate vnum determinabant, & alterum hieme , alij quadripartitis temporibus, sicut Arcades, quorum anni trimestres fuere : quidam lunæ senio, vt Ægyptij. Sed & Solini verba quæ capite tertio leguntur , adscribemus. Annus, inquit, apud Ægyptios quatuor mensibus terminabatur, apud Arcades tribus, apud Acarnanes sex , in Italia apud Lauinius tredecim, quorum annus trecentis septuaginta quatuor diebus ferebatur. Romani initio annum decē mensibus cōputauerunt. hætenus Solinus. Xenophon autem

autem in æquiuiocis ita scribit: Annus etiã diuersus est; etenim Ægyptij vtuntur anno quandoq; menstruo, sæpe bimestri, non raro trimestri; sæpe quadrimestri, nõnunquam solari. Quæ varietas etiã ex nostris, qui ab eis litteras habuerunt, sapientes coegit aberrare. Iberis annus quadrimestris, vt plurimum, est, rarissime solaris. E contra Chaldæi quum in antiquitate disciplinarum suarum vtantur menstruo, in ceteris semper solarem se intelligere fatentur. Hactenus Xenophontis verba. Ex his ergo & similibus auctorum testimoniis discimus, quod semissis anni, & triens anni, & quadrans anni, & sexta duodecimaque pars anni, antiquitus vocabatur annus non solum apud alios atque alios, sed & apud eosdem interdum, sicut apud Ægyptios anni multiplicem acceptionem fuisse Xenophon hoc loco testatur.

De maioribus autem annis Censorinus scribit, magnitudinem eorum diuersam inquires, & à gentibus obseruatam, & ab auctoribus traditam, vt alij vnum annum magnum esse in annis vertentibus duobus, alij in multis millibus annorum arbitrati sint. Huiusmodi autem anni Censorinus proprium esse vult, vt ex annis vertentibus solidis constet. Sed ad Hebraicum annum redeamus.

Annus apud Hebræos, sicut pondera & mensuræ, diuiditur in decimas & duodecimas, & item in quintas & sextas. Solaris
anni

anni decima sunt xxxvi dies : Duodecima xxx. dies , sicut supra ostendimus , cū de mensuris ageremus.

Quinta Lxxii dies , quæ quidem Atheniēlibus etiam fuit vlitata , sicut Gaza ex Aristotele annotauit.

my pmi.
Sexta autem sunt lx. dies , Ægyptiis non ignota. Vltimo lib. Reg. cap. xv. Phaceias dicitur suscepisse regnum quinquagesimo anno Azariæ Regis Iuda , & regnasse in Samaria duodecim annos , iuxta translationem Septuaginta : quo loco xii annos intelligere debemus paruos annos , nempe sextas partes anni. Nam paulo post Phaceæ scribitur occiso Phaceia regnum occupasse , quinquagesimo secundo anno Azariæ Regis Iuda : vt dubium non sit , duodecim annos , pro duobus annis accipi debere.

Lunaris autem anni partes , præter lunationes , de quibus diximus , decimas etiam & quintas obseruauimus.

Decima lunaris anni sunt xxxv dies. Quinta autem septuaginta dies.

Sicut enim solaris annus non poterat cōmode in suas partes diuidi , nisi quinque diebus amotis , ita lunarem quoq; annum Hebræi remotis prius quatuor diebus diuiserunt in decimas & quintas , ita vt lunaris annus apud Hebræos , præter intercalares dies , fuerit trecentorum quinquaginta dierum ; qualem annum Herodotus quoque non ignorauit , apud quem Solon cū esset

esset apud Croesum, vitæ humanæ spatium dixit esse septuaginta annos; qui, inquit, efficiunt dies viginti quinque millia, & ducentos, non computatis intercalariis diebus. si quis autem velit alterum quemque annum, mense vno longiorem fieri, ut singulæ partes anni in tempus sibi congruum incidant, menses intercalares per annos septuaginta fiunt triginta quinque, ex quibus mensibus dies sunt mille & quinquaginta. Ex quo loco Herodoti intelligimus annum antiquitus apud nonnullos fuisse dimidio mense, id est, quindecim diebus minorem quàm est iustus annus, ita ut alternis annis mensem triginta dierum necesse fuerit intercalare: talis autem annus est ccccl. dies, de quo in præsentia agimus.

Nec illud quenquam mouere debet quod numerus dierum quem in vulgatis Herodoti exemplaribus legimus, non lunariis sed solaribus annis cõgruat. Nã quod Herodotus lunares intellexerit annos, manifestius est quàm ut probatione indigeat: alioqui si quis solarem annum semimense longiorem faciat, ita ut altero quoque anno, intercalaris mensis integer excrescat; fieri non potest quin horæ, id est, quatuor partes anni varient, & tempus hiemis incidat in ver, veris tempus in æstatem &c. quod est contra Herodotum, qui intercalationẽ ideo fieri debere scribit, ut ne quippiam tale accidat. Non dubium est igitur

nume-

*Herodo
Ley de
dierum 35*

*locy He
con vlt
sed cogit*

numerum dierum deprauatum esse à scio-
 lo quopiam, & harum rerum imperito, qui
 cū ignoraret annum c c c L dierum, se-
 ptuaginta annos intēllexit solares annos
 c c c L x, dierum. Atq; ita pro viginti qua-
 tuor millibus & quingentis diebus substi-
 tuit viginti quinq; millia & ducentos dies,
 ex quo errore secutus est & alter error, quē
 ibidē videre licet apud Herodotum. sed ad
 institutum redeamus. Partes, quas dixi, lu-
 naris anni, Hebræis propter septenarium
 numerum quem in se cōplectuntur in ma-
 gno fuerunt vsu. Decima enim, hoc est,
 x x x v dies sunt hebdomades quinque, &
 quinta, hoc est, L x x dies sunt hebdoma-
 des decem. Primi Reg. cap. x x v i i, Dauid
 dicitur in terra Philistæorum egisse dies &
 quatuor menses. Iosephus interpretatus
 est viginti dies, & quatuor menses. Nam
 huiusmodi locutione Hebræi decimas an-
 ni partes designabant. Nihil enim aliud est
 decima anni, nisi mensis & dies aliquot,
 nempe quinque aut sex. Non immerito
 igitur Iosephus quod in scriptura dicitur,
 dies & quatuor menses, transtulit viginti
 dies & quatuor menses: quatuor enim
 decimæ tricenum quinquē dierum effi-
 ciunt viginti dies, & quatuor menses.
 Hac de re etiam cap. x x i x eiusdem li-
 bri Lachis Philistæorum Rex, ad Satrapas
 dicit: Nunquid non iste est Dauid seruus
 Saul Regis Israel, qui istis diebus aut annis
 fuit mecum? Ita enim in Hebræo legitur.

Se-

Septuaginta autem secus legisse videntur. sic enim transtulerunt : γέγονε μεθ' ἡμῶν ἡμέρας τοῦτο δεύτερον ἔτος , id est , fuit nobiscum dies secundum hunc annum : hoc est , egit apud nos tempus alterum hunc videlicet annum . videntur Septuaginta coniunctionem disiunctiuam non legisse , quanquam & alias huiusmodi locutionem non dissimili modo transtulerunt, Genesis x x i i i i . vbi in Hebræo legitur , maneat puella nobiscum dies vel decem : Septuaginta habent , ὥστε δέκα ἡμέρας , id est , circiter decem dies. Sic & nos vernaculo sermone nostro dicere solemus , mansisse aliquem in oppido per diem aut decem , id est , decem circiter dies. Præterea videntur Septuaginta duali numero legisse dies pro plurali. Sed siue secus legerunt Septuaginta quàm nunc in Hebræo legitur , siue explicandi gratia ita transferre voluerunt , omnino ex auctoritate illorum possumus intelligere hoc loco duos annos paruos, nempe duas anni quintas , quæ quatuor decimis constant. Nam si decima anni dicitur annus, sicut supra ostendimus, & hoc loco Hebraica docent; multo magis quinta pars anni, quæ duas decimas valet, potest annus dici. Adeo autem decima pars Lunaris anni usitata fuit Hebræis, ut annum etiam haberent, qui duodecim huiusmodi cōstabat decimis, sicut Solaris annus constabat duodecim mensibus tricennum dierum, ita ut annus apud Hebræos præ-

usque
rei de
vel qui

præter solarem, & quem modò dixi lunarem annum, fuerit ccccx diebus: quæ quidem annus cum solari eam proportionem inter se habent; quam & partes eorum; nempe quæ est septenarij ad senarium: hanc enim proportionem habent xxxv ad xxx. Quo fit ut isti anni in hebdomade annorum coincidant. Septem enim solares ccc lx diebus tot habent dies, quot & sex anni ccc cx diebus. Septem igitur anni duodenum mensium valent sex annos duodenum decimarum. Proinde quod Solomon iuxta translationem Septuaginta duodecim annorum dicitur fuisse, cum regnum suscepisset, Iosephus quatuordecim annos eum vixisse ante susceptum regnum dicit, septenos annos pro senis numerans. Nec illud mouere quenquam debet, quod in Hebræo de ætate Solomonis ante susceptum regnum nihil legatur. Nam Septuaginta quæ transtulerunt, ex Hebræo haud dubiè transtulerunt. nec de fide exemplariorum Græcorum, quod ad hunc attinet locum, dubitare possumus, cum à Clemente, qui fuit Petri discipulus, hoc ipsum in Constitutionibus Apostolicis libro secundo citetur hisce verbis, ἡ δὲ Σολομὼν δωδεκαετής τοῦ Ἰσραὴλ ἐβασίλευσεν. etenim Solomon (inquit) duodecim natus annos factus est Rex Israel. Probabile est igitur Hebræos locum illum omisisse, quod cum aliis scripturæ locis dissidere videretur. Scribitur enim Solomon senex factus

factus esse. Si autem senex fuit, nō est probabile eum duodecim annos vixisse ante regnum, quandoquidem quadraginta annos tantum regnasse scribitur. Deinde si quadraginta annos regnavit Solomon, & duodecim annorum fuit cū suscepit regnum; quomodo filium Roboamum quadraginta vnus anni relinquere successorem potuit? Solomon enim decem annos natus, non potuit Roboamum procreare, vt vndecimo Solomonis anno nasceretur. Propter vitanda igitur huiusmodi absurda, videtur locus ille, de duodecim annis omissus esse. Atqui in scriptura nihil est absurdi, si modò quis eam recte intelligat, sicut Septuaginta intellexerunt & Iosephus, qui nihil contrarium veritati in scriptura videntes locum hunc integrum seruauerunt. Porro quadraginta annos Iosephus, quibus Solomon regnavit, duplicatos intellexit annos; cū dixit, Solomonem octoginta annos regnasse, & nonaginta quatuor vixisse. Nec dubium quin solares annos Iosephus intellexerit, Græcis videlicet & Romanis, quibus suam historiā scripsit, vsitatos: vnde colligimus quod apud Hebræos, sicut & apud alias gentes, duo solares anni vocabantur annus. De anno autem duodecim decimarum duplicato, extat testimonium libro primo Paralipomenon, vbi Dauidi optio proponitur à Deo, vt eligat sibi, aut famem tribus annis, aut hostium persecutionem tribus

L

mensi-

*non p
de annis**non p*

Y 7.
solari. 67.
 mensibus, aut pestem tribus diebus. Hoc loco annos duplicatos intelligere debemus, ita ut tres anni valeant sex annos duodenum decimarum. Nam sex huiusmodi anni constituunt septem solares annos: & ideo secundus liber Regum pro tribus annis habet septem annos, & Iosephus septem annos quoque interpretatur. Septuaginta tamen secus intellexisse videntur illum locum quàm Iosephus, nam utrobique tres annos interpretati sunt. Itaque in lib. Regum septem annos accepisse videntur, pro septem semissibus anni solaris. Nam septem semisses anni solaris efficiunt tres annos duodenum decimarum. Sicut enim semissis talenti dicitur talentum; ita & semissis anni annus, non solum apud Hebræos, sed & apud alias plerasque gentes, sicut supra ostendimus. Hinc est quod decimæ quoque anni partes dimidiatæ fuerunt; nam dimidiato anno dimidiatæ competunt partes. Dimidiatæ decimæ vocantur menses primi Reg. sexto; ubi dicitur arca apud Palæstinos fuisse septem mensibus. Iosephus enim pro septem mensibus, quatuor menses interpretatus est. Nam septem semisses decimarum, seu, quod idem est, tres decimæ & semis efficiunt dies integros cxxii, quatuor videlicet menses Romanos, qui tempore Iosephi Græcis etiam fuerunt in usu.

Sicut autem sex talenta dicuntur talentum, ita & sex anni dicuntur annus apud He-

Hebræos: proinde quod in Genesi Sem dicitur genuisse Arphaxatem, biennio post diluuium; Iosephus duodecim annos interpretatus est, senos annos pro singulis numerans:

Sed de anno Hebræico in præsentia hæc dicta sufficiant. Neque enim ex professo de anno hic tractare instituimus, sed gustum tantum studiosis volumus dare, & occasionem exactius hac de re commentandi: fortasse autem & nos plura de anno scribemus, si otium ad eam rem fuerimus nacti. Nam in plerisque nondum ipsi nobis satis fecimus, quod genus est de annis Adami & qui Adamum secuti sunt. Constat enim Adamum, & plerosque alios post Adamum plusquam noningentos annos vixisse. Sed illud quærendum est cum in Hebræo legatur Adam vixisse cxxx annos antequam genuisset Setum, post natum autem Setum octingentos annos; cur Septuaginta pro annis cxxx, transtulerunt ducentos & triginta (sic enim habent emendatiora exemplaria) & pro octingentis annis septingentos. Hæc & similia non defuturos spero qui explicabunt.

F I N I S.

καὶ δὲ θεῶν δόξα εἰς τοὺς αἰῶνας ᾧ
αἰῶνων, ἀμήν.

SVMMA PRIVILEGII.

C A V T V M est Regio privilegio, ne quis alius
præter Christophorum Plantinum, librū, cui titulus
est: Stanislai Grsepsij, De multiplici siclo, &
talento Hebraico, &c. imprimat, vel alibi im-
pressum vendat hinc ad trienniū, sub pœna confisca-
tionis librorum, vt latius patet in literis, datis Bru-
xelle M.D.LXVIII.

Subsignat.

I. de Witte.

PRIVILEGII CÆSAREI

SVMMA.

MAXIMILIANI II. Romanorum Imperatoris semp. Augusti, publico edicto cautum & fancitum est, ne quis cuiuscunque status, gradus, ordinis, aut cōditionis fuerit, quacunque sacri Romani imperij, & ditionis eius fines patent, quacunque probatorum auctorum opera, quotquot vel hactenus nondum impressa, vel ab alijs quidē impressa, nouis autem deinceps scholijs, annotationibus aut commentarijs aucta & illustrata, Christophorus Plantinus typographus Antuerpiensis primus typis procuderit, intra proximum sexennium à prima cuiusque operis aut voluminis editione, vllō pacto eiusdem vel diuersi characteris forma excudat, aut excusa ab alijs, intra eiusdem Maximiliani & Imperij fines vendenda importet, seu quouis modo distrahat manifestè vel occultè, sub pœna decem Marcharum auri puri, quarum dimidia fisco Imperiali fraudis vindici, residua verò pars prænominato Plantino cedat, præter librorum ad imitationem impressorum amissionē, quos idem Plantinus vbicunque locorum nactus fuerit per se, vel suos, adiumento Magistratus loci, vel citra, propria auctoritate sibi vendicare, inq; suam potestatem redigere poterit. In cuius rei fidem ipsi Edicto manu subscripsit, & sigillum apponi iussit Cæsarea Maiestas. Datum in ciuitate Viennæ Austriæ, die vigesima prima mensis Februarij, Anno Domini c lō. lō. l x v.

Subsign.

Maximilianus.

Ad mandatum sacrę
Cæs. M. proprium
Haller.

EXCVDEBAT CHRISTOPHORVS
PLANTINVS, ANTVERPIÆ.
XXIIII. MARTII.
M.D.LXVIII.

(L4) ✓









